

甘肅全省新通志

卷肆拾陸

76587

CC180

3A

部=118

甘肅新通志卷四十六

五季梁開平元年分注唐昭宣四年下二年以後至周顯德六年俱分注每年甲子下以五代係十國之前標曰五季宋太祖建隆元年亦用分注係五季之後

己晉岐淮南稱唐天祐六年梁冬十一月岐王遣劉知俊攻梁靈州

梁遣兵救之大敗而還岐王欲取靈州以處劉知俊使自將兵攻之朔方節度使韓遜遣使告急于梁梁主遣康

懷貞寇彥卿將兵攻邠甯以救之懷貞等所向皆捷知俊解圍引去梁主急召懷貞等還知俊據險邀之左龍驤軍使王彥章力戰

懷貞等得過至昇平知俊伏兵山口懷貞大敗僅以身免岐王以知俊鎮涇州

辛晉岐吳稱唐天祐八年梁秋八月岐王使劉知俊攻蜀將王宗

侃等敗走西縣岐將劉知俊等將兵分道攻蜀由階成路奪固鎮糧蜀將王宗侃唐道襲等禦之至青泥嶺為知俊所敗

退保西縣明年蜀行營都指揮王宗汾攻文州拔之興州刺史王宗鐸攻岐階州及固鎮破細砂等十一寨斬首四百級

乙晉岐吳稱唐天祐十二年梁冬十一月蜀遣兵攻岐克階成秦鳳

州岐將劉知俊奔蜀蜀王宗翰引兵出青泥嶺王宗綰等敗秦州兵于金沙谷克階成州秦州節度使李繼崇遣子

甘肅新通志 卷四十六 兵防志 戎事中

甲後唐同光二年夏五月唐以曹義金為歸義節度使時瓜沙與世克聞秦州降蜀妻子皆遷成都懼及禍奔蜀蕃雜居義金

乙後唐同光三年蜀咸秋九月唐遣魏王繼岌伐蜀降階秦興鳳文

扶六州魏王繼岌統軍伐蜀至興州階州刺史王承岳納符印請命秦州節度使王承休棄城自扶州奔於西川繼岌至鳳州蜀

武興軍節度使王承捷以興鳳文扶四州降

己唐天成四年吳太和元冬十月唐以康福為朔方節度使時朔方

後韓澄表請命帥安重誨素惡福以靈州深入胡境為帥者多遇

害以福為朔方河西節度使福見唐主泣辭唐主命更他鎮重誨

不可唐主不得已遣將軍衛審餘等將兵萬人衛送之福行之方

渠羌胡出兵邀福福擊走之至青剛岐遇吐蕃野利大蟲二族數

千帳福遣審餘掩擊大破之殺獲殆盡由是威聲大振遂進至靈州自是朔方始受代鎮

癸唐長興四年閻王延鈞龍春二月唐定難節度使李仁福卒軍中

立其子彝超為留後三月唐以李彝超為彰武留後安從進為定難

留後彝超拒命 先是河西諸鎮皆言李仁福潛通契丹併吞河右南
為定難留後仍命靜難節度使藥彥稠將兵五萬以官苑使安重
益為監軍送從進赴鎮敕諭夏銀綏宥將吏彝超年少未能扞禦
故徒之四月彝超上言為軍民
擁留未得赴鎮詔遣使趣之

秋七月唐安從進討李彝超不克引還 安從進攻夏州州城乃赫連
能入又党項萬餘騎徜徉四野抄掠糧餉官軍無所芻牧關中民
輸斗粟束藁費錢數緡民間困竭不能供彝超登城謂從進曰夏
州貧瘠非有珍寶蓄積可以充朝廷貢賦也但以祖父世守此土
不欲失之幸與表聞許其自新詔從進引兵還冬十月彝超上表
謝罪復以為
定難節度使

甲唐閔帝從厚應順元年四月以後唐潞 夏五月階州刺史趙澄降
午王從珂清泰元年蜀孟知祥明德元年

蜀蜀取成州六月文州都指揮使成延龜舉州降
冬十月唐雄武節度使張延郎圍文州蜀先登指揮使范延暉將兵

卻之

己晉天福四年閩王曦永隆 晉靈州守將王彥忠叛
彥忠據懷遠城
亥元年是歲凡五國三鎮

甘肅新通志 卷四十六 兵防志 戎事中 二

官齊延祚往招諭之
彥忠降延祚殺之

甲晉開運元年是歲 春晉階州義勇指揮使王君懷降蜀
王君懷率
辰凡六國三鎮閩亡 請為鄉導以取階成二月蜀遣兵攻晉階州三
月晉秦州兵救階州出黃階嶺蜀兵敗于西平

丙晉開運三年是 夏六月党項羌叛攻靈州晉復以馮暉為朔方節
午歲凡四國三鎮

度使 初暉在靈武得羌胡心留拓跋彥超于州下故諸部不敢為寇
及將罷鎮而繼之王令温代鎮不存撫羌胡以中國法繩之羌
胡怨怒彥超與石存也斯三族兵攻靈州于是晉復以暉為朔方
節度使將關西兵擊羌胡暉引兵過旱海糗糧已盡拓跋彥超眾
數萬扼要路據水泉以待之軍中大懼暉以賂求和于彥超超許
之自旦至日中使者往返數四兵仍未解藥元福曰虜知我飢渴
陽調和以困我耳若至暮則吾輩成擒矣今虜雖眾精兵不多依
西山而陳者是也其餘步卒不足為患請公嚴陣以待我以精騎
犯西山兵小勝則舉黃旗大軍合勢擊之破之必矣乃帥騎先進
用短兵力戰彥超小卻元福舉黃旗暉引兵赴之彥超大敗明日
暉入
靈州

壬周太祖郭威廣順二年北漢 起申師厚為左衛將軍拜河西節
子乾祐五年是歲凡五國二鎮 度使自安國鎮至涼州立臨河蘭三州以扼諸羌用其酋豪為刺史

涼州夷夏雜處師厚不能撫馭至世宗時師厚留其子逃歸涼州遂絕

冬十月周慶州野雞族党項別種居慶州北反遣折從阮討之慶州刺史郭彥欽性貪野雞族

多羊馬彥欽故擾之以求賂野雞族遂反徙折從阮為靜難節度使討之已而野雞族降殺牛族復反周王以郭彥欽擾羣胡致其

作亂黜廢于家選良吏為刺史以撫之會解州刺史郭元昭代歸遂以為慶州刺史撫殺牛族

乙卯周顯德二年是秋九月周王景敗蜀師取秦階成三州先是雄武節度使何

建以秦階成三州降蜀至是怨蜀政苛刻相次詣闕乞兵收復乃詔景與向訓率師赴焉蜀主遣李廷珪伊審徵拒周兵景遣裨將

以兵趣唐倉折蜀歸路景大破蜀兵于黃花谷擒蜀將等一千五百餘人廷珪等退保青泥嶺秦州判官趙玘舉城降成階二州俱

納城降

辛酉宋建隆二年是冬十一月沙州入貢于宋瓜沙自後唐同光初曹義金遣使開道通貢及

皆遣使中國至是入貢于宋

戊辰宋開寶元年北漢主繼元廣夏六月宋以董遵誨為通遠軍使以

夏州近邊授遵誨通遠軍使及至鎮召諸族酋長諭以朝廷威德眾皆感悅後數月復來擾邊遵誨率兵深入其境俘斬甚眾夷落

甘肅新通志 卷四十六 兵防志 戎事中 三

自是大定

宋

太宗丙子太平興國二年春三月秦州羌寇長山巡檢使韋韜擊走之

秦州羌安家族叛韋韜與戰羌敗走因命韜與馬知節田仁朗等屯清水秋七月曹瑋攻敗吐蕃築清水城及四砦

戊寅三年春三月秦州羌寇三陽等砦巡檢使周承瑨等會兵擊敗之

羌族數寇三陽床穰弓門等砦監軍巡檢使周承瑨等會兵擊敗之又寇八狼砦巡檢劉崇讓擊敗之斬其帥王泥猪六月監軍田

仁朗擊破西羌斬俘甚眾

壬午七年夏五月定難留後李繼捧入朝獻銀夏綏宥四州六月繼捧

弟繼遷叛走地斤澤夏州自李思恭以來未嘗親朝中國至是繼捧率其族入朝帝嘉之賜賚甚厚繼捧陳其諸父

昆弟多相讎怨乞納其境內銀夏綏宥四州留京居之帝為遣使如夏州護總麻以上親赴闕以曹光實為四州都巡檢使時繼捧

族弟繼遷留居銀州聞使至乃詐言乳母死出葬于郊遂與其黨數十人奔入地斤澤出其祖像以示戎人戎人拜泣從者日眾

甲申雍熙元年冬十月知夏州尹憲襲李繼遷破走之憲與曹光實襲繼遷于地斤澤

大破之斬首五百級焚四百餘帳繼遷與其弟繼冲遁獲其母妻而還

乙酉 二年春二月李繼遷誘殺都巡檢使曹光實遂襲銀州據之繼遷使人

給光實信之且欲擅其功故不與人謀至期繼遷設伏止領數十人近城迎光實光實從百騎赴之繼遷前道北行至其地忽舉手揮鞭伏兵盡起光實被害遂襲據銀州事聞上遣知秦州田仁朗等

將兵討之

夏四月徵田仁朗還五月副將王侁擊李繼遷走之銀麟夏州蕃內

附 繼遷既殺曹光實遂圍三族砦砦將折裕木殺監軍使者與繼遷合帝聞之大怒徵仁朗還五月侁等出銀州北破悉利諸砦梟其首折羅遇麟州諸蕃皆請納馬贖罪助討繼遷侁遂與所部兵入河蘭川斬首五千級擒裕木繼遷遁去時詔郭守文與侁同領邊事守文復與知夏州尹憲擊鹽城諸蕃焚千餘帳由是銀麟夏三州蕃首二十五族悉內附

丙戌 三年夏四月夏州安守忠以眾三萬與繼遷戰于王亭鎮敗績

子戊 端拱元年夏五月以李繼捧為定難節度使賜姓名趙保忠李繼遷侵

擾日甚趙普請復命繼捧鎮夏州帝召見加賜而遣之

甘肅新通志 卷四十六 兵防志 戎事中 四

辛卯 淳化二年秋七月李繼遷請降以為銀州觀察使賜姓名趙保吉

先是趙保忠至夏州言繼遷悔過歸款詔授繼遷銀州刺史然實無降心也至是與保忠戰于安慶澤繼遷中流矢遁去轉攻夏州保忠乞禦之乃遣翟守素帥兵往援守素至繼遷歸款奉表謝罪遂有是命且以其子為管內蕃落使行軍司馬

甲午 五年春正月趙保吉寇靈州以李繼隆為河西都部署討之保吉徙綏

州民于平夏部將高文怀等因眾不樂反攻敗之保吉復圍堡砦掠居民焚積聚遂攻靈州詔繼隆帥師討之

三月李繼隆入夏州執趙保忠赴京師保忠聞繼隆將至先挈其母

解怨獻馬乞罷兵帝覽奏立遣中使督繼隆進軍及師壓境保吉因夜襲保忠營欲併其眾保忠方寢聞難作單騎走還城其指揮使趙光嗣閉之別室開門迎繼隆繼隆執保忠以獻保吉遁去保忠至汴詰責釋之封為宥罪侯

夏四月削趙保吉姓名墮夏州城帝以夏州深在沙漠奸雄因以竊

城以來頗為關右之患若遂廢之萬世利也乃詔墮之遷其民于綏銀

秋七月李繼遷遣使來貢繼遷獻馬謝罪又遣弟延信入覲

乙未 至道元年夏六月以李繼遷為鄜州節度使繼遷不奉詔繼遷遣押牙張

丙申 二年夏四月遣李繼隆等分道討李繼遷初帝令洛苑使白守榮護芻粟四十萬赴靈州李繼遷擊於蒲洛河守榮眾潰運饗盡為繼遷所奪帝怒命李繼隆為環慶等州都部署將兵討之會曹瑋自河西還言繼遷眾萬餘方圍靈州城中上表告急為繼遷所得遂頓兵不去呂端請發兵出麟府鄜延環慶三道以擣平夏襲其巢穴則靈武之圍解矣或云盛夏涉旱海無水泉糧運艱辛不如靜以待之帝不聽即部分諸將命繼隆出環丁罕出慶范延召出延王超出夏張守恩出麟五路進討直趨平夏

秋七月以丁惟清知西涼府涼州久不內屬至是請帥從之

八月李繼隆副將范延召遇李繼遷于烏白池擊敗之繼隆不見虜而還諸將分道並進期抵烏白池繼隆遣其弟繼和馳奏以環州道迂欲自清岡峽直趨繼遷巢穴不及靈武上怒曰汝兄必敗吾事矣因手札切責使未至而繼隆已發兵與丁罕合行十日不見虜引還張守恩見虜不擊獨延召與王超至烏白池與賊遇時虜銳甚超持重不進其子德用年十七為先鋒請乘之轉戰三日虜遂卻德用日歸師遇險必亂乃領兵先絕要害下令曰亂行者斬一軍肅然虜見其師整不敢近延召等大小數十戰雖頗克捷而諸將失期士卒困乏終不能擒賊

甘肅新通志 卷四十六 兵防志 戎事中 五

丁酉 三年冬十二月李繼遷請降以為定難節度使復姓名趙保吉繼遷表求蕃任帝雖察其變詐方在諒陰姑從其請又以夏綬銀宥許五州與之張浦亦遣還

真宗 咸平四年秋八月以張齊賢為涇原諸路經略使帝以趙保吉雖入貢而鈔劫益甚乃遣齊賢行邊齊賢言靈武孤城必難固守徒使軍民六七萬陷於危亡之地通判永興軍何亮復上安邊書言靈武地方千里表裏山河決不可舍之以資戎狄帝又以王超為西面行營都部署將步騎六萬援靈州

九月趙保吉反陷清遠軍保吉寇清遠軍都監段義叛降于保吉都大復攻定州懷遠又掠輜重至唐龍鎮副都部署曹瑋以番兵邀擊敗之

寅壬 五年春三月趙保吉陷靈州知州事裴濟死之濟以靈州謀輯入鎮與屯田之利民甚賴之保吉大集番部來攻濟被圍饑絕刺指血染奏求救兵不至城遂陷濟死焉保吉以州為西平府居之

卯癸 六年春二月以六谷酋長巴喇濟為朔方節度使知鎮戎軍李繼隆戮力討趙保吉請授以刺史張齊賢請封為六谷王兼招討使帝以問宰相皆曰巴喇濟已為酋帥授刺史太輕未領節鎮加王爵非順招討使號不可假外夷乃授朔方節度使靈州西面都巡檢使巴喇濟表言感朝廷恩信情保吉佩疆已集騎兵六萬乞命王

師收復靈州帝許之

冬十二月趙保吉陷西涼殺丁惟清巴喇濟會蕃部擊敗之保吉走

死子德明嗣保吉陷西涼殺丁惟清于是巴喇濟偽降保吉受之不疑巴喇濟集六合蕃部合擊之保吉大敗中流矢創甚

奔還死于靈州境上子德明遣使告哀于契丹契丹贈保吉尚書令尋封德明為西平王

甲辰景德元年秋七月盜殺朔方節度使巴喇濟趙保吉既死故黨密班珠爾及日巴勒噶

羅丹二族亡歸扎巴族欲陰圖巴喇濟復讐會其黨攻扎巴巴喇濟率百餘騎赴援將議合擊遂為二族所戕六谷諸豪共立巴喇

濟之弟斯榜多為首領朝廷聞之授斯榜多朔方節度使

丙午三年冬十月趙德明請降詔以為定難節度使封西平王

戊申大中祥符元年秋西夏侵甘州回鶻要擊大破之夏州萬子等軍主領族兵趨甘

州回鶻據要隘以設伏佯示弱不與關俟其軍過半奮起擊之勦戮殆盡

冬十二月契丹蕭圖玉攻甘州回鶻耶刺降撫慰而還

庚戌三年春西夏攻甘州回鶻夜落紇擊破之夏德明侵回鶻恆星不見德明懼兵敗引還

甘肅新通志 卷四十六 兵防志 戎事中 六

夏五月契丹蕭圖玉攻甘州不克

甲寅七年夏四月沙州入貢先是曹宗壽殺其從父節度使延祿而代之至是死其子賢順遣人入貢詔授歸義

使節度

乙卯八年秋九月吐蕃且勒斯資請伐夏州不許且勒斯資吐蕃贊普之裔居宗噶爾城以

宗噶爾僧李立遵為論逋論逋者國相也立遵貪而喜殺國人不附會與涇原鈐轄曹瑋戰于三都谷而敗復襲西涼府亦敗眾益

怨之且勒斯資遂與立遵入協從居邈川立遵居宗噶爾屢請贊普之號朝議命為保順軍節度使且勒斯資與西夏接壤每以兵

抗趙德明希朝廷賜予因聚眾數十萬請討平夏以自效帝以戎人多詐或生他變命周文質監涇原軍曹瑋知秦州以備之

丙辰曹瑋擊宗哥羌破之宗哥羌族率馬銜山蘭州龕谷羌兵至伏羌

九年秋八月知秦州曹瑋敗吐蕃于伏羌砦瑋在秦州屢請益兵帝不悅問李迪邊將

誰可代瑋迪曰瑋知且勒斯資欲窺關中故請益兵非怯也乃發關內義兵迎瑋且勒斯資與宗噶爾族尋連結入寇使謀者聲言

以某日下秦州會食以激怒瑋瑋勒兵不動坐俟其至大破之夷其旛帳斬首千餘級自是且勒斯資勢感退保磧中不出

辛酉天禧五年秋九月吐蕃且勒斯資來降明年李立遵來附

仁宗丙寅天聖四年夏五月契丹伐回鶻圍甘州兵敗而還先是契丹

甘州降其王伊拉克既而又破肅州盡俘其民修土隄口故城以實之至是契丹將蕭惠復圍甘州不克由是卓木布諸部皆叛

契丹兵將多敗死

六月環州羌叛環原州屬羌叛環慶都監趙士隆等戰敗死之于是遣使招撫羌眾內附

戊辰六年夏五月趙德明使其子元昊襲回鶻甘州取之德明雖臣事中國及契丹

然於本國則稱帝至是以元昊襲破回鶻奪甘州

壬申明道元年冬十一月夏王趙德明卒子元昊嗣是歲封德明為夏王未幾卒遣楊吉

授元昊節度觀察處置押蕃落使封西平王契丹亦冊元昊為夏國王

吐蕃且勒斯資徙邈川求內附初且勒斯資與其相李立遵不協更

詔授且勒斯資甯遠大將軍逋哥歸化將軍

甲戌景祐元年冬十月趙元昊寇環慶元昊率眾至環慶殺掠居民下

部都巡檢威通攻後橋諸堡破之元昊稱兵報仇緣邊都巡檢楊遵與戰敗績環慶都監齊宗矩援之次節義峰伏發被執久之始

甘肅新通志 卷四十六 兵防志 戎事中 七

放還

乙亥二年冬十二月吐蕃且勒斯資大敗趙元昊于河湟趙元昊遣蘇木諾爾將兵

擊且勒斯資敗死殆盡蘇木諾爾被執元昊自領眾攻貓牛城不

下既而詐約和城開元昊大縱殺戮又攻青唐宗噶爾爾帶星嶺諸

城且勒斯資部將安子羅以兵截歸路元昊與戰敗之然部兵弱

宗噶爾河及飢死過半未幾并兵臨河湟且勒斯資壁鄯州不出

元昊乃渡河插幟識其淺且勒斯資使人移植深處及大戰元

昊潰歸士卒視幟而渡溺死者十八九擄獲甚眾且勒斯資來獻

捷詔加保順軍留後

趙元昊攻蘭州諸羌元昊攻敗吐蕃還欲南侵恐且勒斯資制

其後復舉兵攻蘭州諸羌侵至馬銜山

丙子三年冬十二月趙元昊侵回鶻取瓜沙肅州元昊既悉有夏銀綏

又取瓜沙肅而洪定威龍皆即堡鎮號為州仍居興州以為興慶

府阻河依賀蘭山為固地方萬里改元大慶置鹽州路以備環慶

宥州路以備鄯延甘州路以備吐蕃回紇

餘兵駐賀蘭靈州興州興慶府為鎮守

戊寅寶元元年冬十月趙元昊殺其叔父山遇遂反元昊遣使請五臺

路既還與諸酋歃血約先攻鄯延欲自靖德塞門若赤城路三道

並入其叔父山遇數勸元昊勿反不聽山遇遂挈妻子來降元昊

執而殺之遂稱帝改元
天授禮法延祚國號夏

十二月以夏竦為涇原秦鳳安撫使范雍為鄜延環慶安撫使經略

夏州趙元昊反故有是命

加吐蕃夏勒斯資保順節度使自李繼遷陷西涼巴喇濟舊部往往歸夏勒斯資回紇降者復數萬夏勒

斯資居鄯州西有臨谷城通青海高昌諸國商人趨之以貿易由是富強朝廷欲使背擊元昊以披其勢因授節鉞仍兼邈川大首領尋加河西節度使夏勒斯資約盡力無負然終不能立大功

庚辰康定元年秋九月元昊寇三川諸砦環慶副總管任福攻其白豹

城克之元昊寇三川諸砦韓琦使任福領兵三千聲言巡邊部分諸將夜趨七十里至白豹城平明克之破四十一族焚其餘積

而還

辛巳慶厯元年春正月詔鄜延涇原會兵討元昊不果行

二月元昊寇渭州任福與戰于好水川敗死貶韓琦知秦州琦行邊至高平

元昊果遣眾寇渭州薄懷遠城琦乃趨鎮戎軍盡出其兵命環慶副總管任福將之以耿傅參軍事涇原都監桑懌為先鋒朱觀武

甘肅新通志

卷四十六

兵防志 戎事中

八

英王珪各以所部從福將行琦戒令自懷遠趨德勝砦至羊牧隆城出敵後度勢未可戰即據險置伏要其歸路且日苟違節制有功亦斬福引輕騎數千趨懷遠捺龍川遇鎮戎西路巡檢常鼎劉肅與敵戰于張家堡南敵伴北桑懌引騎趨之福踵其後謀傳騎兵少福等頗易之薄暮與懌合軍屯好水川朱觀武英屯籠絡川相距五里時元昊自將精兵十萬營于川口諸將已入其伏中猶不自知約以翌日會兵不使夏人一騎遁詰旦福與懌循好水川西行出六盤山下距羊牧隆城五里與夏軍遇方知墮敵計勢不可留遂格戰懌於道旁得數銀泥合封襲謹密中有動躍聲疑莫敢發福至發之乃懸哨鴿百餘自中起盤飛軍上于是夏兵四合懌馳犯其鋒福陣中樹鮑老旗長二丈餘懌等莫測既而旗左摩左勝地忽夏人陣中樹鮑老旗長二丈餘懌等莫測既而旗左摩左伏起右麾右伏起翼而擊之官軍大敗懌肅戰死福身被十餘矢猶力戰槍中左頰絕其喉而死子懷亮亦死先是渭川都監趙津將民亭騎兵三千為後繼至是與朱觀武英遇合兵拒戰王珪亦自羊牧隆城引屯兵四千五百助觀武英遇合兵拒戰王珪傷不能視軍敵兵益至眾遂潰英津珪傳皆死惟觀以兵千餘保民垣發矢四射會暮敵引去得還將士死者萬三百人關右大震奏至帝震悼為之肝食夏竦使人收散兵得琦檄於福衣帶間言罪不在琦琦亦上章自劾猶奪一官徙知秦州

秋分秦鳳涇原環慶鄜延為四路以韓琦王沿范仲淹龐籍兼經略

安撫招討使四路各置使琦知秦州沿知渭州仲淹知慶州籍知延州詔分領之初元昊陰誘屬羌為助環慶首長六百餘

人約為鄉導事尋露仲淹以其反覆不常至部即奏行邊以詔書犒賞諸羌為立條約諸羌皆受命自是為中國用羌人親愛之呼為龍圖老子仲淹又據要險築大順城度賊必爭密遣其子純佑與番將趙德明先據其地旬日城成賊以三萬騎來戰伴北仲淹戒勿追已而果有伏大順既城而自豹金湯皆不敢犯邊自此寇盜益少

壬午二年秋九月元昊寇鎮戎軍副總管葛懷敏會兵禦之敗死遂大掠渭州元昊入寇攻鎮戎軍王沿使葛懷敏督諸若兵禦之分諸將為四路趨定川營賊驍騎斷其歸路四面圍之懷敏突圍走

由是大潰懷敏馳至長城濠路已斷遂與將校十四人死焉餘軍馬皆為敵所得元昊乘勝直抵渭州焚蕩廬舍屠掠民畜自涇州以東閉壘自守范仲淹自將慶州蕃漢兵援之元昊乃還

冬十一月以韓琦范仲淹竊籍為陝西安撫經略招討使置司涇州

時以葛懷敏敏敢死中外震懼帝用范仲淹策乃復置陝西路經略安撫招討使總四路之軍事置府涇州益屯兵三萬以琦仲淹籍分領之復以堯臣為體量安撫使徙文彥博帥秦滕宗諒帥慶張元帥渭州尋以堯臣言諸路並罷經略使

癸未三年春正月元昊上書請和夏四月遣使如夏州

甲申四年秋七月契丹來告伐夏八月遣右正言余靖報之先是元昊

甘肅新通志 卷四十六 兵防志 戎事中 九

人救之至是契丹王徵諸道兵將討元昊遣使來告日請為中國討賊慎無與和也時朝廷欲加元昊封冊而契丹之使適至帝疑契丹與元昊同謀見欺乃命余靖致

契丹伐夏冬十月夏人誘而敗之契丹及夏平契丹王親將騎兵十萬出金肅城遣弟重

元出南路樞密使蕭惠出北路三路濟河入夏境不見敵據德勝寺南壁以待惠與元昊戰於賀蘭山北敗之元昊見契丹兵盛乃請和惠師十里請收叛黨以獻且進方物契丹三遣樞密副使蕭革詰其納叛首盟之故元昊以未得成言又退師三十里以候凡三退將百里每退必藉其地契丹馬無所食因許和元昊乃遷延以老之度其馬飢士疲因縱兵急攻惠營敗走乘勝攻南壁契丹至大敗從數騎走得免已而元昊歸其先所俘獲契丹王亦遣所留夏使還之遂引兵還

十二月册元昊為夏國王余靖使還知契丹已與夏和帝乃遣使册元昊為夏國王仍賜對衣黃金帶銀鞍勒

賜敕書為詔而不名許置官屬然元昊帝其國自若也

戊子八年春正月夏元昊卒子諱祚立夏四月册諱祚為夏國王

丑巳皇祐元年冬十月契丹伐夏執諱祚之母以歸契丹北道行軍都統耶律達魯噶率

兵至賀蘭山獲諱祚母及宮僚官屬以歸

卯辛三年涇原番樊家族密斯哥等內附

英宗甲治平元年冬十二月吐蕃木征內附

丙三年夏四月夏人寇邊環慶經略使蔡挺擊走之初夏主諒祚遣吳宗來賀即位

宗語不遜詔諒祚徵約宗諒祚不奉詔而出兵秦鳳涇原鈔熟戶擾邊塞殺掠人畜以萬計遂寇大順城環慶經略使蔡挺使蕃官趙明擊之諒祚衷銀甲氈帽督戰挺先遣強弩列壕外注矢下射諒祚中流矢遁去徙寇柔遠挺又使副總管張玉以三千人夜出擾營賊驚潰退屯金湯

丁未四年冬十二月夏主諒祚卒子秉常立遣劉航册秉常為夏國主

遼遣使册為夏國王

神宗配熙寧二年春二月夏人寇秦州夏人寇陷劉溝堡殺守將范愿巡檢劉維吉敗之

庚三年秋八月夏人寇環慶州先是夏人築諾和堡知慶州李復圭合蕃漢兵三千遣裨將李信劉甫襲之大敗而還復圭斬信等以自解復出兵追夏人殺其老幼二百以功告捷至是夏人大舉入寇環慶分其軍多者號二十萬少者不下一二萬攻大順城及柔遠等砦游騎至慶州城下九日乃退鈐轄郭慶等數人死焉

甘肅新通志 卷四十六 兵防志 戎事中 十

辛亥四年春正月韓絳使种諤襲夏人敗之遂城羅兀三月夏人陷撫甯諸城

秋八月命王韶至洮河安撫司事時議取河湟自古渭砦接青唐武勝軍應招納蕃部市易募人營田

等事並令王韶王之韶至秦會諸將以蕃部命龍珂在青唐最大渭源羌與夏人皆欲羈縻之議先致討韶因按邊引數騎直抵其帳諭以成敗遂留宿明日兩種皆遣其豪隨韶以東龍珂率其屬十二萬口內附賜姓名包順

壬子五年秋八月王韶擊吐蕃敗之遂城武勝秦鳳駐泊都監張守約請名古渭砦為軍以根本隴右諸從之遂建為通遠軍使王韶知軍事以圖武勝韶引兵築乞神平堡蕃酋穆爾結舒克巴等族入寇韶率兵渡竹牛嶺逼之斬首百餘級焚其廬帳洮西震動會木征渡河來寇穆爾復依其聲勢保集抹邦山知德順軍景思立以涇原兵出南路分遣諸將一擊穆爾于南甲一擊木征于鞏令城制二酋使不得動韶將大軍從東谷徑趨武勝未至數里賊迎戰敗還追至其城首領恰約克棄城遁建為鎮洮軍既而不征亦敗於鞏令城

冬十月置熙河路以王韶為經略安撫使置熙河路領熙河洮岷州州以韶為經略安撫使兼知熙州然河洮岷三州猶未復也

癸丑六年春二月王韶克河州獲木征妻子

秋九月吐蕃木征復入河州王韶破走之遂取岷岩洮疊四城復河

州會降羌叛同軍擊之木征以其間據河州韶進破和諾克密藏城穿露骨山南入洮州境道隘釋馬徒行或日至六七木征留其黨至河州自將尾官軍韶力戰破走之河州復平岷山首領木令征以城降韶入之于是岩洮疊三州羌酋皆以城附

甲寅七年春二月知河州景思立與吐蕃別將戰于踏白城敗死三月

木征寇岷州刺史高遵裕擊走之木征雖屢敗而董戩別將青伊克結鬼章之眾復數擾河州屬蕃時

王韶入朝思立與戰於踏白城敗死木征勢復熾遂寇岷州遵裕遣包順擊走之

夏四月吐蕃木征圍河州王韶擊降之木征圍河州其勢甚盛韶自京師還至興平聞之乃與李

憲日夜馳至熙州熙方城守韶命徹之選兵得二萬人諸將欲趨河州韶曰賊所以圍城者恃有外援也攻其所恃則圍自解乃直趨定羌城破西番於結河川斷夏國通路進臨甯河分命偏將入南山木征知援絕拔柵去韶還熙州以兵循西山繞踏白城後焚賊帳八十斬首七千餘級木征窮感率酋長八十餘人詣軍門乞降韶受之送木征赴京師初思立之覆師也羌勢復熾朝議欲棄熙河帝為之肝食數下詔戒韶持重勿出及是帝大喜以木征為營州團練使賜姓名趙思忠

甘肅新通志 卷四十六 兵防志 戎事中 十一

丙辰九年春二月吐蕃鬼章寇五牟谷番將蘭氈納支大破之

冬十二月詔宦者李憲節度秦鳳熙河諸軍董戩將鬼章先寇五牟谷復聚兵洮岷脅新附

羌多叛歸之帝遣內侍李憲往秦鳳熙河措置邊事詔諸將皆受節制

辛酉元豐四年夏五月夏人幽其三秉常秋七月詔李憲會陝西河東

五路之師討之知慶州俞充知帝有用兵意屢請西伐又言謀報云夏將李清本秦人說秉常以河南地來歸秉常母梁氏知之遂誅清奪秉常政而幽之宜興師問罪此千載一時也帝然之遂詔李憲出熙河種諤出鄜延高遵裕出環慶劉昌祚出涇原王中正出河東大舉征夏分道並進又詔吐蕃首領董戩集兵會伐

秋九月李憲復蘭州憲總熙秦七軍及董戩兵三萬敗夏人于西市新城復襲女遮谷破之遂復古蘭州城之請建

為帥府

冬十一月高遵裕等兵潰李憲不至靈州而還先是高遵裕將兵出慶州與夏人戰敗之

復通遠軍種諤使曲珍率兵通黑水安定堡與夏人遇亦大敗之時劉昌祚率蕃漢兵五萬受遵裕節制合兩路合兵以進既入境而環慶兵不至昌祚次磨夥隘遇夏眾十萬扼險大破之遂薄靈州城兵幾入門遵裕嫉其功馳使止之昌祚按甲不敢進遵裕至

圍城十八日不能下夏人決黃河七級渠以灌營復鈔絕饑道士卒凍溺死遂潰而還餘軍纔萬三千而已夏人躡之復敗焉昌祚亦引還涇原初詔憲率五路兵直趨興靈憲總師東上營于天都山下焚夏之南牟內殿弁其館庫追襲其統軍新都喇卜丹敗之次於葫蘆河遂班師時諸路軍皆至靈州獨憲不至

壬戌五年春正月以李憲為涇原經略安撫制置使憲復上再舉伐夏之策詔以為涇原

經略安撫制置使知蘭州

癸亥六年春二月夏人寇蘭州貶李憲為熙河都總管夏人數十萬圍蘭州已奪兩關

鈐轄王文郁夜集死士七百餘人縋城擊走之未幾夏人復分道入寇亦多為諸路所敗中丞劉摯言熙河經略使李憲貪功生事一出欺罔避興靈會師之期頓兵以城蘭州遺患至今詔貶憲為熙河安撫經略都總管

甲子七年春正月夏人大舉寇蘭州初李憲以夏人數至蘭州河外而初李憲以夏人數至蘭州河外而

備至是果大入步騎號八十萬圍蘭州意在必取督眾急攻矢如雨雹雲梯革洞百道並進凡十晝夜不克糧盡引去尋復寇延州順德軍定西城及熙河諸砦

哲宗丙寅元祐元年秋七月夏主秉常卒子乾順立帝初即位秉常遣阿爾班求蘭州米

甘肅新通志 卷四十六 兵防志 戎事中 三

脂等五砦未許會秉常卒遣使來告哀詔自元豐四年用兵所得城砦待歸我永樂陷執民當盡以給還遂遣穆衍弔祭尋遣使封

乾順待夏國王

卯丁二年秋八月吐蕃額爾古誘鬼章使據洮以叛岷州將种誼執之

檻送京師董戩既死養子額爾古嗣為邈川首領逼鬼章使帥其眾據洮河州行營將种誼等帥師執鬼章檻送京師尋赦

之遣居秦州監招其子且木磋及部屬以自贖額爾古灌乃上表謝罪

辛未六年夏六月夏人犯蘭州智固勝如二堡

壬申七年冬十月夏人寇環州

丙子紹聖三年夏人造使來謝罪夏遣使謝罪且願以蘭州一境易塞門二砦詔數其違順不常而卻其請

丁丑四年夏四月知渭州章燾城平夏燾以夏人猖獗上言城葫蘆河川據形勝以逼夏朝廷許之遂

合熙河秦鳳環慶廊延四路之師陽繕理他砦數十所以示怯而陰具版築守戰之備出葫蘆河川築二砦於石門峽江口好水河之陰夏人聞之帥眾來襲燾迎擊敗之二旬又二日城成賜名曰平夏城靈平砦章愔因請絕夏人歲賜而命沿邊諸路相繼築城於要害以進拓境土凡五十餘所

戊寅元符元年春二月知蘭州王舜臣討夏人于塞外築興平城

冬十月夏人寇平夏城章榘大敗之獲其將威明阿密等夏人圍平

之其勇將威明阿密及西壽監軍穆爾圖斬獲甚眾夏人震

駭集在涇原日久嘗言夏嗜利畏威不有懲艾邊患不得休息宜

稍取其土疆如古削地之制以固吾圉然後諸路出兵擇要害不

一冉舉勢將自感矣由是以南牟會城創建西安州又築城峇九

屢敗夏人而諸路多建城峇以

逼夏及平夏之捷夏人不復振

卯己二年秋七月洮西安撫使王瞻取吐蕃邈川青唐降其酋轄戩初

爾古死子轄戩嗣性嗜殺部曲朕貳大酋星摩沁占之屬有異志

忌轄戩季父蘇南党征雄勇多智共誣其謀亂轄戩不能察殺之

盡誅其黨獨沁魯克節逃奔希卜温奉其長子表怎據溪哥城轄

戩攻殺表怎沁魯克節奔河州說知州王瞻以取青唐之策瞻言

于朝章情許之至是瞻引兵趨邈川守者以城降瞻留屯之轄戩

自知其下多叛乃脫身自青唐降于瞻認胡宗回帥熙河以節制

之于是遂城會州未幾星摩沁占迎希卜温入青唐立木征之子

隆咱爾為王其勢復張宗回督瞻進帥瞻急攻隆咱爾及星摩沁

占等皆出降遂入據其城詔

以青唐為贍州邈川為湟州

庚辰三年春三月吐蕃復叛詔棄鄯湟州界之初瞻留鄯州縱所部剽

掠羌眾攜貳星摩等結

諸族謀反瞻擊破之瞻又諷諸羌酋籍勝兵者皆涅其臂無應者

沁魯克節請歸帥本路為倡瞻聽之去遂聚數千人圍邈川夏眾

十萬助之城中危甚苗履姚雄帥所部兵來援圍始解瞻因棄青

唐而還希卜温與其子希卜薩羅桑據之羣羌復合兵攻邈川王

厚亦不能支朝議請並棄邈川且謂隆咱爾乃木征之子遂命知

鄯州賜姓名曰趙懷德其弟彭布鄂特丹幹曰懷義同知湟州加

甘肅新通志 卷四十六 兵防志 戎事中 十三

徽宗未癸崇甯二年詔童貫監洮西軍六月貫及安撫使王厚復湟州

蔡京議復湟鄯還王厚前秩會羌人都爾木奉希卜薩羅桑謀復

國趙懷德畏逼奔河南種落更挾之以令諸部朝廷患羌扇結命

王厚安撫洮西合兵十萬討之都爾本知王師且至集眾以拒厚

聲言駐兵而陰戒行羌備益弛乃與偏將高永年異道而進都爾

本三子以數萬人分據險要厚擊殺其二子唯少子

阿蒙中流矢去道遇都爾本與俱遁厚遂拔湟州

甲申三年夏四月王厚復鄯廓州厚帥大軍次于湟命高永年將左軍

別將張誠將右軍自將中軍期會宗

噶爾川羌置陣臨宗水倚北山希卜薩羅桑張黃屋建大旆乘高

指呼望中軍旗鼓爭赴之厚麾遊騎登山攻其北親帥強弩迎射

羌退走右軍濟水擊之大風揚沙翳羌目不得視遂大敗斬首四

千三百餘級俘三千餘人希卜薩羅桑以一騎馳去其母龜茲公

主與諸酋開城門降厚將大軍趨廓州

羌酋喇什鈞稜節以眾降遂入廓州

秋八月疊州番落來降升通遠軍為鞏州以處之

乙酉四年春三月夏人寇涇原遂誘吐蕃圍宣威城執知鄯州高永年

殺之夏人入鎮戎略數萬口與羌酋希卜薩羅桑合兵逼宣威城知鄯州高永年禦之行三十里為羌人所執都爾本謂其下曰此人奪我國使吾宗族漂落無處所遂殺之探其心肝食焉已而羌眾復焚大通河橋以叛湟鄯大震

戊子大觀二年夏五月童貫復洮州尋復積石軍

乙未政和五年春正月熙河將劉法敗夏人于古骨龍童貫遣熙河經略使劉法將步

騎十五萬出湟州秦鳳經略使劉仲武將兵五萬出會州貫以中軍駐蘭州為兩路聲援仲武至清水河築城屯守而還法與夏右廂軍戰于古骨龍大敗之斬首三千餘既而貫又使法與仲武合熙秦之師十萬攻夏仁多泉城城中力守以援不至遂降

丙申六年冬十月夏人寇涇原屠靖夏城夏人大舉攻涇原靖夏城時久無雪夏先使數萬騎繞城

踐塵漲天乃潛穿壕為地道入城中城遂陷屠之而去

己亥宣和元年春三月劉法及夏人戰于統安城敗走夏人追殺之童貫

使劉法取朔方法不欲行疆遣之乃引兵二萬至統安城遇夏王弟察克率步騎為三陣以當法前軍而別遣精騎登山出其後大

甘肅新通志 卷四十六 兵防志 戎事中 西

戰移七時兵飢馬渴死者甚眾法乘夜遁比明走七十里至蓋朱

峽為一負擔軍斬首而去 貞隱其敗以捷聞察克遂乘勝圍震武震武在山峽中熙秦兩路不能饜自築城三歲知軍李明孟清皆為夏人所殺至是城又將察克曰勿破此城留作南朝病塊乃自引去

高宗丁未建炎二年金天會六年春正月金人侵熙河都監劉惟輔逆擊于

新店破之洛索既破永興鼓行而西秦州帥臣李績降兵勢益張引兵犯熙河經略使張深遣惟輔以精騎二千人禦之夜趨

新店金人恃勝不虞黎明軍進惟輔舞稍刺其帥哈富洞胸墮馬死金人氣奪既而深更檄隴右都護張嚴往追之嚴追洛索至鳳翔境上銳意擊敵至五里坡洛索伏兵坡下嚴與曲端期不至徑前遇伏戰不利死之

夏四月金洛索侵涇原經略使曲端使吳玠擊之洛索敗走洛索既陷秦州

又破隴右都護張嚴勢益猖獗引兵侵涇原曲端使吳玠逆擊于清溪嶺士殊死鬪大敗之金人遂東走曲端乘寇退復下秦州

冬十月金洛索破延安王庶使曲端將兵救之端次于襄樂不進

金烏珠薩里干陷涇渭經略使劉琦退屯瓦亭

庚戌四年金天會八年夏四月曲端使吳玠拒金人于彭原敗績端走還涇

原金洛索長驅入關攻環慶曲端遣吳玠拒于彭原而自將屯邠州
屯涇
原
玠先擊金人敗之薩里干懼而泣洛索整軍復戰玠軍敗績端退

冬十一月張浚遣吳玠守和尚原以拒金時金人盡破涇原諸州軍

慶遂入德順軍浚聞之退保興州時輜重焚棄將士散亡人情大
沮參軍劉子羽請單騎至秦州召諸將將時諸將不知宣司所在
聞命大喜悉以眾來會凡十餘萬人軍勢復振子羽因請遣吳玠
聚兵和尚原以斷金人來路關師古等聚熙河兵于岷州大潭孫
偓賈世方等聚涇原兵于階成鳳三
州以固蜀口金人知有備遂引去

十二月金人侵熙河副總管劉維輔死之金人掠熙河惟輔擊敗之
殺五千餘人已而復至惟
輔顧熙河尚有積粟恐金人因之以守急出焚之為金人所執梓
以去惟輔曰死犬斬即斬吾頭豈汝梓也願坐上客曰國家不負
汝一旦遽降敵耶即閉口不
言而死所部亦多不屈被殺

紹興元年金天會九年春正月金宗弼阿里布破鞏洮河樂蘭廓積石

西甯諸州三月金人破階州

夏六月熙河統制關師古洮東安撫郭玠同討熙州叛兵連敗之時

甘肅新通志 卷四十六 兵防志 戎事中 五

隴六路盡陷入於金粘罕
以所得陝西地悉與偽齊

冬十月吳玠擊金將烏魯折合破之金將烏魯折合自階成出散關
約日會和尚原吳玠縱兵應擊

大破之

壬子二年金天會十年冬十一月王彥復秦州關師古復熙鞏王彥敗立奇
功至是敗劉

豫將郭振于白石鎮復秦州振益兵再至遇于雞川復大
敗追至打狼川斬首三千級各部來應關師古遂復熙鞏

癸丑三年金天會十一年春正月金人遣李彥琪駐秦州睨仙人關以綴吳玠

河池之師復遊騎出熙河以綴關師古金人久窺蜀以吳玠駐兵和
尙原扼其衝不得逞將出奇

取之故遣
兵以綴之

冬十一月吳玠屯仙人關關師古屯武都時金人破和尚原
宣撫司因分屯之

甲寅四年金天會十二年春正月金人犯宕昌臨江寨及花石峽關師古遣統

領劉戩分兵拒之

三月吳玠吳璘與金烏珠戰于仙人關大敗之先是璘守和尚原饋
饒不繼玠慮金人必

復深入且其地去蜀遠乃命璘別營壘于仙人關石名曰殺金平
移兵守之至是烏珠薩里干劉夔帥步騎十萬人守殺金平以當其衝
璘自武階路入接先以書抵玠謂殺金平之地闊遠前陣散漫後
陣阻隘宜益修第二隘示必死戰然後可以必勝玠從之急治第
二隘璘冒圍轉戰七晝夜始得與玠會于仙人關金人首攻玠營
玠擊走之又以雲梯攻壘壁楊政以撞竿碎其梯以長矛刺之諸
將有請別擇地以守者璘拔刀畫地謂諸將曰死則死此退者斬
金軍分爲二烏珠陣于東韓常陣于西璘率銳卒介其間右繞左
繫璘急而後戰戰久璘軍少憊急屯第二隘金生兵踵至人被重
鎧鐵鉤相連魚貫而上璘以駐隊矢迭射矢下如雨死者層積金
軍踐而登薩里干駢馬四視曰吾得之矣翼日命攻西北樓姚仲
登樓酣戰樓傾以帛爲繩挽之復正金人用火攻樓仲以酒衝撲
滅之玠即遣統領田晟以長刀大斧左右擊明炬四山震鼓動地
明日大出兵統領王喜王武率銳士分紫白旗入金營金陣亂奮
擊射韓常中左目金人始宵遁玠遣統制官張彥擊橫山砦王浚
伏河池扼其歸路又敗之是役也烏珠以下皆攜妻孥來劉夔乃
劉豫腹心本謂蜀可圖旣不得逞度玠終不可犯乃還據鳳翔投
甲士田爲久留計自是不輕動矣

冬十一月吳玠遣統制楊從義等率兵敗金人于臘家城是歲金薩里干欲假

道仙入關入蜀兵至上奢田楊政夜斫其營金兵遁追至河池而還

甘肅新通志

卷四十六

兵防志 戎事申

六

金人破福津蹂同谷以迫興州張浚退保閬州

乙卯五年金熙宗亶仍稱天會十三年春二月吳玠復秦州吳玠聞金侵淮南遣吳璘楊政乘機牽制璘等

出奇兵自天水至秦拔其城薩里干聞秦州被圍集諸道兵來接政復擊敗之

庚申十年金天眷三年夏六月金人攻石壁砦吳璘遣將破走之初胡世將

卒召諸將議時吳璘孫渥已在楊政田晟繼至諸將請少退清野以挫其鋒渥言河池不可守璘厲聲折之請以百口保破敵世將壯之尋詔世將移屯蜀口以璘同節制陝西諸路軍馬時金人攻石壁砦璘遣姚仲等破走之旣而薩里干使鶻眼郎君以三千騎衝璘軍璘使統制李師顏以驍騎擊敗之尋敗於扶風

閏月金人攻涇州經略田晟破走之薩里干引兵趨邠州田晟遣將拒之於青谿嶺胡世將又遣王

彥等分道而出屢戰皆捷旣而復出攻涇州田晟據山爲陣乘金師壁壘未定奮兵擊敗之奪其兵馬甚眾薩里干走還鳳翔

冬十月金薩里干破慶陽河東經略使王忠植死之忠植本河東步

功授河東路經略安撫使及薩里干侵慶陽知府宋萬年拒守胡世將檄忠植以所部救慶陽行次延安叛將趙惟清執忠植詣薩里干使甲士引至慶陽城下諭降忠植大呼曰我太行忠義也爲金所執使來招降願將士勿負朝廷堅守城壁薩里干怒詰之忠

植披襟曰當速殺我
遂遇害萬年以城降

辛酉 十一年 金皇統 秋九月

金人戰于剡家灣大敗之 吳璘進兵于秦

州金統軍罕占與希卜蘇合兵五萬屯劉家園請于胡世將擊之
遂進次剡家灣時罕占希卜蘇據險自固前臨峻嶺後控矚家城
謂璘必不敢輕犯先一日璘會諸將問所以攻姚仲曰戰于山上
則勝璘以為然乃請戰金人皆笑之夜半璘遣姚仲王彥銜枚渡
河陟峻嶺截坡上約二將上嶺而後發火二將至嶺寂無人聲軍
已畢列萬炬齊發金人駭愕曰吾事敗矣希卜蘇善謀罕占善戰
二人異議璘先以兵挑之罕占果出鏖戰璘以疊陣法更迭迭戰
輕裘駢馬亟麾之士殊死鬪金人大敗降者萬人罕占走保臘家
城璘圍而攻之城垂破朝廷方主和議以驛書詔班師時
璘拔秦州其勢方張詔至璘即自臘家城引兵還河池

辛巳 三十一年 金正隆六年十月 秋八月 金人攻黃牛堡吳璘等敗之

遂復秦隴洮三州 金圖克坦喀齊喀將五千騎扼大散關遊騎攻黃
馳至吳璘營起璘于帳中責之曰大將與國義同休戚臨敵安得
高枕而卧璘大驚即馳至殺金平野軍青野原又遣劉海復秦州

金蘭州漢軍千戶王宏殺其刺史溫敦烏也來降

壬午 三十二年 金大定 春閏二月 吳璘復大散關 璘遣姚仲率兵復河
源州及積石鎮戎軍

甘肅新通志 卷四十六

兵防志 戎事中 七

遂復大散關

金以移刺成爲臨洮尹招降喬家等族首領結什角

吳璘復德順軍及環州

璘遣姚仲取鞏惠逢取熙河竟無成功仲舍
子挺節制軍馬挺與金人戰于瓦亭大敗之擒其千戶耶律斜堅
等百三十七人金人懲其敗悉兵趨德順璘自將往督師先壁於
險且治夾河戰地璘接行諸屯斬不用命者先以數百騎進金銳
卒空壁躍出突璘軍璘軍得先治地無不一當百至暮璘忽傳呼
某將戰不力人益奮搏金人大敗遁入壁黎明師再出金人堅壁
不動會大風雪遂拔營去凡入日而克璘入城市不改肆父老擁
馬迎之璘又遣嚴忠取環州遂還河池時
姚仲等又復蘭會熙鞏等州及永安軍

冬十二月詔吳璘班師

璘以重兵扼鳳翔爭吳璘新復十三州三軍
傑率師十萬來攻璘力戰拒之時議棄三路遂詔璘班師璘得詔
退師還河池金人乘其後璘軍亡失者三萬三千部將數十人連
營痛哭聲振原野于是秦鳳熙河永興
三路新復十三州三軍皆復爲金所有

孝宗 隆興元年 金大定 冬 金人攻白環堡陷之

甲申 二年 金大定 春正月 金人攻白環堡守將董炤拒退之

乙未 清熙二年 金大定十五年 土番寇文州守臣庫彥威戰歿

甯宗 丙寅 開禧二年 金泰和六年 夏四月遣兵攻天水為金將劉鐸所敗

吳曦反 曦與其從弟覲及徐景望等共為反謀乃陰遣其客姚淮源獻關外階成於金求封蜀王

秋七月吳曦遣楊雄李珪入秦州金完顏承裕破斬之

冬十月金布薩揆分兵南侵 布薩揆分兵為九道南下使富察貞出

溫出鹽川完顏璘出來遠

十一月金人入西和州十二月入成州兵曦焚河池退壁青野原

遣姚淮源如金因按兵河池韓侂胄日夜望其進兵使者相繼

恐謀泄乃遣兵攻秦隴與金人力戰以堅侂胄之心淮源至金

人許封之因命完顏綱進兵水洛訪得曦族人吳端署為水洛城

巡檢曦意動送款於綱及金富察貞入西和州曦將王喜等方力

戰曦忽傳令退黑谷軍遂潰貞入成州 焚河池退壁青野原自是金人無復顧

卯丁 三年 金泰和 春正月吳曦遣將引金兵入鳳州以階成和鳳四州

付之表鐵山為界

甘肅新通志 卷四十六 兵防志 戎事中 六

三月安丙使興州將李好義等復西和階成鳳州及大散關

丙既誅是分遣好義等復四州及大散關好義進兵次于獨頭嶺會忠義

及民兵夾擊金人死者蔽路七日至西和人人效死前無留敵金

將完顏欽遁去好義整軍入城欲乘勢取秦隴以牽制江淮宣撫司不許遂止

五月李好義襲秦州與金將珠赫呼高琪戰敗績好義率步騎三萬

圍阜郊堡與金將虎威將軍珠赫呼高琪戰好義以兵車

為左右翼琪分騎迭出又遣奇兵出山後合擊宋兵大奔

辰 嘉定元年 金泰和 夏六月和議成金人來歸秦隴地

己 二年 金王永濟 夏五月蒙古入靈州夏王安全降

癸 六年 金至甯元年九月以 夏侵金保安慶陽冬十二月夏取金涇州尋襲金會州

甲 七年 金貞祐 夏金烏庫哩長壽與夏人戰于東關堡夏人敗走

冬十月元取金成州

十一月蘭州譯人程察遜結夏人以州叛邊將敗其兵三千

乙未八年金貞祐三年秋八月金諭提控曹吉遜節度使完顏果勒討程遜

察節度使完顏果勒討程察遜夏人援之九月遂破西關堡

冬十月夏取金臨洮宣撫副使完顏胡朱刺被執十一月臨洮知府

陀滿胡士門破夏人于城下

十一月蘭州叛賊奇撒森等誘夏人圍臨洮陀滿胡士門襲之大捷

夏人遁去

丙子九年金貞祐四年夏六月金完顏果勒抵西關堡招集舊部將九人掩

擊夏兵于阿密灣殺其將士百餘人

秋九月金完顏益都攻阜郊堡

丁丑十年金興定元年夏四月金遣完顏阿林入大散關以攻西和階成州

詔趙方李珪董居誼俱便宜行事以禦之

五月蘭州水軍千戶李平等叛千戶李平等苦提控富察雅爾堅貪暴殺之搆夏人以叛脅其徒張展俱

甘肅新通志 卷四十六 兵防志 戎事中 九

行展以計盡獲之

冬十二月蒙古圍夏興州夏主遵頊出奔西涼

戊寅十一年金興定二年春二月金人焚大散關入阜郊堡三月利州統制

王逸將兵復之進攻秦州至赤谷而潰金完顏阿林入阜郊堡兵死者五萬餘人逾月王逸帥官

軍及忠義人十萬復之追斬金統軍完顏贊進攻秦州至赤谷口河州都統劉昌祖命退師且放散忠義人軍遂大潰

夏四月金人入西和成階州及河池興元都統吳政敗之乃去金人合長

安鳳翔之眾復攻阜郊堡遂趨西和州劉昌祖焚城遁還時西和守臣楊克家成州守臣羅仲甲階州守臣侯頤以昌祖遁皆棄城走金兵遂入諸州前後獲錢糧軍實不可勝計復攻大散關守將王立亦遁又攻黃牛堡吳政拒卻之

秋七月夏人犯金龕谷提控夾谷瑞及其副趙防擊走之冬十月又

敗夏人于質孤堡

己卯十二年金興定三年春正月金人復侵西和成鳳州入黃牛堡吳政拒

戰死之金犯湫池堡守將石宣拒退之復攻白環堡守將董炤拒退之金人遂焚成州犯河池守將張斌遁去又攻黃牛堡吳政

戰死金人入之

庚十三年金興定四年秋八月安丙遣兵會夏人伐金丙遣夏人書定議同舉約以夏兵野

戰我師攻城遂命利州統制王仕信帥師赴熙秦鞏鳳委

丁煇節制傳檄招諭陝西五路官吏軍民夏取金會州

九月夏人圍金鞏州諸軍會之不克而還夏遣其樞密使甯子甯率眾二十萬圍鞏州且來趣

兵王仕信發宕昌四川宣撫使統制質俊李實發下城安丙命諸

將分道進兵河州都統張威出天水利州都統程信出長道興元

都統陳立出大散關統制田昌出子午谷質俊等克來遠鎮敗金

人于定遠城王仕信克鹽川鎮程信引兵會夏人于鞏州攻城不

克遂趨秦州夏人自定遠退師信復遣夏人共

攻秦州不從遂自伏羌城引兵還諸將皆罷兵

理宗乙酉寶慶元年金正大二年冬十月蒙古主伐夏取甘肅州西涼府十

一月取靈州進次鹽州川蒙古伐夏以西夏納仇人齊拉克和雙琪及不入質子也

丁亥三年金正大四年春二月蒙古主兵次清水縣西河攻金陝西德順秦

州清水等城三月破金西甯州蒙古主盡克夏城邑其民穿鑿土石以避鋒鏑免者百無一二白骨蔽野

甘肅新通志 卷四十六 兵防志 戎事中 三

夏五月元兵陷臨洮金總管陀滿胡土門死之蒙古兵薄西和城寅率民兵晝夜苦戰援兵不

冬十二月蒙古入西和州知州事陳寅死之至城遂破寅伏劍而死

壬辰紹定五年金天興元年冬十月金以汪世顯為鞏昌便宜總帥時呼沙呼勤王

東下而潰乃以世顯代之

乙未端平二年冬十月金鞏昌總帥汪世顯降蒙古

秋八月趙彥呐遣兵守仙人原蒙古兵至彥呐登原督戰知天水軍曹友聞來救戰卻之

冬十月蒙古略河池曹友聞部分諸將擊退之

十二月蒙古先鋒汪世顯擣大安曹友聞戰卻之遂引兵扼仙人關

丙申三年春三月階岷疊宕十八族降蒙古

冬十月蒙古破文州知州事劉銳等死之庫騰兵離成都入文州知州劉銳通判趙汝彛乘城

固守晝夜搏戰踰月援兵不至集其家人盡飲以藥皆死乃聚其屍及公私金帛誥命焚之家素有禮法幼子纔六歲飲藥時猶下

拜受之左右感慟城破銳及其二子自刎死汝昇被執殺之軍民同死者數萬人

庚申景定元年蒙古世祖皇帝呼夏四月蒙古諸王哈丹及巴崇汪良

臣山丹州元帥按竺邇大破阿拉克岱爾渾塔噶于甘州東蒙古世祖初立

阿里克布克亦稱帝于和林糾其黨阿拉克岱爾及六盤守將渾塔噶為變渾塔噶聞京兆有備西渡河趨甘州阿拉克岱爾自和林帥兵適至遂與渾塔噶合兵而南時諸王哈丹亦帥騎兵與巴崇汪良臣兵合分三道以拒之既陣大風吹沙良臣令軍士下馬以短兵突其左繞出陣後潰其右而出巴崇直擣其前哈丹勒精騎邀歸路大戰于甘州東殺渾塔噶阿拉克岱爾關隴悉平

忽都叛據臨洮蒙古主命火奪都等以蒙古漢軍從大軍征討之

帝熹乙亥德祐元年元至元十二年元遣兵征吐蕃元主敕安西王恆兀刺諸王只世帖木耳駙馬章吉

分遣所部蒙古軍從西平王奧魯赤征吐蕃復以萬執中唐永堅阿失罕等銳兵千人從征

元

世祖壬辰至元二十九年徙瓜沙二州民置甘州是時西南夷內侮瓜沙不靖詔徙甘州于

甘肅兩界畫地使耕無力者則給以牛種農器

甘肅新通志

卷四十六

兵防志 戎事中

三

成宗癸卯大德七年夏六月遣蒙古軍戍瓜沙二州御史言瓜沙二州為邊鎮重地今大

軍內屯甘州使官民反居邊外非宜乞以蒙古軍萬人分鎮二州險隘兼立屯田以供軍從之既而簽樞密院齊諾言蒙古兵在山東河南者往戍甘肅鞍馬自備動涉萬里戍者未歸代者當發前後相仍困苦日甚請以近甘肅之兵戍之詔從之

仁宗庚申延祐七年秋九月利族阿俄等寇成州鞏昌總帥汪庸以兵

討之

順帝丁丑至元三年夏五月西番盜起時甘肅頻歲饑饉西番土寇乘之殺鎮西王子巴丹尋蔓延至

二百餘處詔立行宣政院以額森特穆爾為院使督兵往討之

甲午至正十四年秋九月階州番賊起遣兵討之

丁酉十七年冬十月韓林兒黨白不信等陷秦隴不信等攻陷秦隴據鞏昌遂窺鳳翔

壬寅二十二年夏五月明玉珍自稱隴蜀王玉珍自稱隴蜀王以張楨為參謀分兵犯興鞏等路

明

太祖戊申洪武元年冬十二月元庫庫特穆爾軍潰走甘肅

己酉二年春三月徐達克奉元路元將李思齊奔臨洮達既克奉元路遂帥大軍西征

耿炳文輸饒五千石赴鞏昌以資軍食常遇春兵至鳳翔思齊奔臨洮

徐達克秦州達率兵度隴清水知縣鐵木罕巴北竄既至秦州元守將呂國公遁都督陳德追擒之

夏四月徐達進兵隴右元鞏昌守將總帥汪庸迎降達遣平羌將軍馮勝取鞏昌勝

駐兵城東烽火臺汪庸率眾迎降

馮勝徇臨洮李思齊降時張思道弟良臣守慶陽徐達會諸將議所向皆曰張思道之才不如李思齊而慶陽易

於臨洮請先慶陽達曰不然慶陽城險兵精猝未易拔臨洮西控羌戎北界河湟得之其人足備戰鬪物產足佐軍儲感以大軍思

齊不西走則束手就降矣臨洮既克於旁郡何有遂遣馮勝逼臨洮思齊果不戰降

徐達遣將徇蘭州元張志敬降達都督副使顧時參政戴德徇蘭州元平章張志敬率州人侯文賢等降

遣指揮韓溫守之

秋八月徐達克慶陽擒張良臣斬之達自臨洮下蘭州襲走元豫王盡收其部落輜重還出蕭關克

平涼張思道懼使其弟良臣守慶陽而自奔甯夏為庫庫特穆爾所執良臣以慶陽降達遣薛顯受之良臣先出迎尋復叛襲傷顯

甘肅新通志 卷四十六 兵防志 戎事中 三

達督兵圍之良臣求援於庫庫特穆爾遣將攻原州陷涇陽為慶陽聲援達遣馮勝據驛馬關敗其將哈札噶爾等良臣被圍久數出戰不利糧乏絕至煮人汁丸泥嚙之守者遂開門降良臣父子俱投井引出斬之

庚戌三年春正月元庫庫特穆爾攻蘭州鞏昌指揮于光來援死之徐

軍還庫庫特穆爾偵知率兵奄至蘭州圍城數重于光自鞏昌來援猝與敵遇力戰而敗被執使呼城內出降光大呼曰我不幸被執公等堅守大軍旦夕至矣敵怒批其頰遂遇害城中聞光言守益固庫庫特穆爾尋引去帝以徐達為大將軍分二道出兵達自潼關出西道擣定西取庫庫特穆爾李文中出東道絕大漠追元帝

夏四月徐達大破元庫庫特穆爾於沈兒峪達至安定庫庫特穆爾退屯沈兒峪達進軍薄

之隔溝而壘日數交戰庫庫特穆爾遣精兵千餘人由間道劫東南壘左丞胡德濟倉卒失措軍驚擾達親擊劫之械送德濟於京師而斬其下趙指揮等數人以徇明日整兵奪溝殊死戰大破庫庫特穆爾兵擒王公文武千八百餘人士卒八萬庫庫特穆爾僅挾妻子數人遁渡黃河遂奔和林都督郭英追至甯夏不及而還

五月鄧愈克河州

蜀將丁世珍會吐蕃攻文州守將朱顯忠戰死世珍圍文州四十日城不下攻益急文州

兵以援兵不至皆曰與其陷死地孰若出城求生路顯忠厲聲曰為將守城存亡與共豈有求活將軍耶顯忠知部下有貳心遂獨率家兵二百餘人突圍力戰死於陣

辛亥 四年夏六月傅友德拔階文二州先是帝以傅友德為征虜將軍帥師伐明昇友德帥副將軍

時等以步騎由秦隴趨成都帝諭之曰蜀人聞我師西伐必悉精銳東守瞿塘北阻金牛若出不意直搗階文門戶既隳腹心必潰兵貴神速患不勇耳友德疾馳至陝西集諸軍聲言出金牛而潛引兵趨陳倉攀援巖谷晝夜行抵階州敗其將丁世珍克其城蜀人斷白龍江橋友德修橋以渡破

子壬 五年春正月遣徐達李文忠馮勝等分道征庫庫特穆爾達軍敗

續文忠勝破元兵而還帝以庫庫特穆爾達為征虜大將軍出雁門趨和林李文忠為左副將軍出居

庸趣應昌勝為征西將軍出金蘭趣甘肅三月達先遣都督藍玉敗庫庫特穆爾于圖拉河五月庫庫特穆爾與賀宗哲合兵拒達于嶺北達軍敗死者數萬人勝至蘭州遣副將軍傅友德前驅再敗元兵拔甘肅下額齊訥路次畢道山元岐王多爾濟巴勒遁去獲其平章昌嘉弩等二十七人友德復追至瓜沙州斬獲甚眾文忠至鄂爾坤河馬中流矢力戰破敵追至青海樅牛饗士而還

癸丑 六年涼州都指揮宋晟破元兵斬其渠帥也速兒涼州襲有邊患都指揮宋晟率

甘肅新通志 卷四十六 兵防志 戎事

兵討之道至亦乃集路斬其渠帥也速兒殺獲甚眾又招降其國公吳把都等

甲寅 七年春二月吐蕃寇蘭州八里麻民郭買的叛誘蕃兵入寇詔懸賞購捕蘭州衛指揮遣其兄着沙與其

弟火石乃往招之買的

乙卯 八年立安定阿端二衛按西甯府志安定衛在西甯西北甘州西

帖木兒為甯王鎮之其地本名撒里畏兀兒廣袤千里東近罕京北瀕沙州南接西番居無城郭以帳為廬舍產駝馬牛羊洪武三年遣使持詔招諭七年六月卜煙帖木兒使其府尉麻答兒等來朝貢鎧甲刀劍諸物太祖喜宴賚其使者遣官厚賚其王而分其地為阿端阿真若先帖里四部各錫以印明年正月其王遣傳卜顏不花來貢上元所授金銀字牌請置安定阿端二衛從之乃封

卜煙帖木兒為安定王以其部人沙刺等為指揮九年命前廣東參政鄭九成等使其地賚王及其部人衣幣明年王為沙刺所弑王子板咱失里復讐誅沙刺部將復殺王子部內大亂番將朵兒只巴叛走沙漠經安定大肆殺掠奪其印去其眾益衰二十

五年藍玉西征徇阿真川土酋司徒哈魯等懼逃匿山谷不敢出及肅王之國甘州遣僧謁王乞授官以安部眾王為奏請帝許之二十九年命行人陳誠至其地復立安定衛其酋長哈孩虎都魯等五十八人悉授指揮千百戶等官誠還酋長隨之入朝貢馬謝恩帝厚賚之復命中官齎銀幣往賜永樂元年遣官齎救撫諭撒里諸部明年安定頭目多來朝擢千戶三即等三人為指揮僉事

餘授官有差並賜本衛指揮同知哈三等銀幣未幾指揮康壽往受之壽言罕
東來朝願納差發馬五百匹命河州衛指揮康壽往受之壽言罕
東必里諸衛納馬其值皆河州軍民運茶與之今安定遼遠運茶
尤難乞給以布帛帝曰諸番市馬運茶已著為例今姑從所請後
仍給茶于是定制上馬給布帛各二疋以下遞減三年哈三等遣
使來貢奏舉頭目撒力加藏卜等為指揮等官且請歲納孛蓄什
一並從之四年從駢苦兒丁之地初安定王之被殺也其子撒兒
只失加為其兄所殺部眾潰散子亦攀丹流寓靈藏十一年五月
率眾入朝自陳家難乞授職帝念其祖率先歸附令襲封安定王
賜印誥自是朝貢不輟二十二年中官喬來喜鄧誠使烏斯藏次
畢力朮江黃羊川安定指揮哈三孫散哥及曲先指揮散即思等
率眾邀劫之殺朝使盡奪駢馬幣物而去仁宗大怒敕都指揮李
英偕康壽等討之英等率西甯諸軍及隆奔國師賈失兒蓋藏
等十二番族之眾深入追賊賊遠遁英等踰崑崙山西行數百里
抵雅令關之地遇安定賊孽敗之斬首四百八十餘級生擒七十
餘人獲駢馬牛十四萬有奇曲先聞風遠竄追之不及而還英以
此封會昌伯壽等皆進秩大軍既旋指揮哈三等懼罪不敢還故
地宣德元年帝遣官招諭之復業者七百餘人帝並賜絲幣表裏
以安其反側三年春賜安定及附先衛指揮等官五十三人誥命
初大軍之討賊也安定指揮桑哥與罕東衛軍同奉調從征罕東
違令不至其所轄板納族瞰桑哥軍遠出盡掠其部內廬帳蓄產
事聞降勅切責令速歸所掠違命則發兵進討已進桑哥都指揮
僉事正統三年桑哥卒其子那南奔嗣職九年那南奔率眾掠曲
先人畜朝廷論還之不奉命反劫其行李帝怒敕責安定王追理

甘肅新通志

卷四十六

兵防志 戎事中

言

王既奉命又陳詞乞憐帝乃宥之諭以保國睦鄰之義十一年冬
亦攀丹卒子領占幹些兒襲時王年幼叔父指揮同知輟思泰巴
佐理國事其同儕多不相下王遣之入朝奏請量加一秩乃擢都
指揮僉事歷景泰天順成化三朝頻入貢宏治三年領占幹些兒
卒子千奔襲賜論祭其父十七年千奔率眾侵沙州大掠而去正
德時蒙古大酋亦不刺阿爾禿斯侵據青海縱掠鄰境安定遂殘
破部眾散亡僅存餘孽江纏爾加等俗僧四十有奇徙居西甯沙
棠川威遠城東歲輸馬一十有奇 阿端衛在撒里畏兀兒之地
洪武八年置後為朵兒只巴殘破其衛遂廢永樂四年冬酋長小
薛忽魯札等來朝貢方物請復置衛設官從之即授小薛等為指
揮僉事洪熙時曲先酋散即思邀劫朝使齊阿端指揮鎖魯丹借
行已大軍出征鎖魯丹懼率部眾遠竄失其印宣德初遣使招撫
鎖魯丹猶不敢歸依曲先雜處六年春西甯都督史昭言曲先衛
直只罕等本別一部因其父助散即思為逆竄處畢力朮江其地
當烏斯藏孔道恐復為亂宜討之帝敕昭曰殘寇窮迫無地自容
宜遣人宥其罪令復故業於是真只罕率所部還居帖兒谷舊地
明年正月入朝天子喜授指揮同知令掌衛事以指揮僉事卜答
兀副之真只罕因言阿端故城在回回境去帖兒谷尚一月程朝
貢艱乞移本土為便天子從其請仍給以印賜璽書撫慰之迄正
統朝數入貢後不知所終其時西域地亦有名阿端者貢道從哈
密入與此
為兩地云

丁十年夏四月遣鄧愈等帥師擊吐蕃平之 初鄧愈克臨洮遣員外郎許允德招諭吐蕃諸

族以指揮韋正守臨洮會吐蕃來寇正擊降之既允德還元吐蕃宣慰司何索諾穆温布詣軍門降鎮西武靖王伯訥時亦以諸部來降遂移正使守河州其後吐蕃所部往往邀阻貢使帝命愈為征西將軍偕都督同知沐英討之分兵三道入番部覆其巢穴窮兵至崑崙山俘斬萬計留兵戍諸要害而還

戊午 十一年西番劫貴德州 哈刺鬼諸土番劫掠貴德州人畜遣朵爾只失結至西海捕獲之

秋八月西番寇洮州命沐英為征西大將軍帥藍玉等統兵征之英兵攻取甘朵降其萬戶乞送迎平其部落俘獲無算

己未 十二年春正月遣征西將軍沐英擊洮州番大破之 洮州十八族番酋三副使據納琳七站地帝命英討之復命李文忠往籌軍事英至洮州番城寇遁去追擊大破之擒三副使等築城東籠山置洮州衛

庚申 十三年春正月沐英襲元將托和齊等于額齊訥路擒之 元國公知院按珠屯和林帝命英擊之英至靈州偵知托和齊等在額齊訥路遂渡黃河經甯夏歷賀蘭山涉流沙七日夜至其境去敵營五十里分軍為四乘夜銜枚而進合圍之擒托和齊按珠盡獲其部曲以歸已而濮英襲元柳城王虜之復獲平章瑚圖克特穆爾幽王額琳沁及其部曲千四百人遂還肅州

甘肅新通志 卷四十六 兵防志 戎事中 三

丁卯 二十年遣指揮朵爾只失結招撫叛亡千戶阿卜的千戶祁貢哥

星吉收捕西番酋亦林真奔

辛未 二十四年夏五月遣祁貢哥星吉招撫祁者孫諸番酋

壬申 二十五年詔朵爾只失結征西番阿立答哈思

甲戌 二十七年秋八月階文軍千戶張嘉叛命都督甯政為平羌將軍總川陝兵討平之 先是嘉得龍馬於古教場心頗自負會妖人霍佛至連戰皆克軍人盡降嘉竄入山林搜獲誅之

丁丑 三十年罕東西長鎖南吉刺斯入貢尋置罕東衛以鎖南吉刺斯

為指揮僉事 按明史罕東衛在赤斤蒙古南嘉峪關西南漢熾煌郡地其部眾多竄徙西甯三刺為書招之遂相繼來歸三十年酋鎖南吉刺思遣使入貢詔置罕東衛授指揮僉事永樂元年借其兄

答力襲入朝進指揮使授答力襲指揮同知並賜冠帶鈔幣自是數入貢十年安定備奏罕東數為盜掠去民戶三百復糾西番阻截關隘帝降敕切責令還所掠十六年命申官鄧誠使其地洪熙元年遣使以即位諭其指揮同知縛兒加賜白金文綺時官軍征

曲先賊罕東指揮使卻里加從征有功擢都指揮僉事賜誥世襲其指揮那那奏所屬番民千五百例納差發馬二百五十匹其人多逃居赤斤乞招撫復業帝即命招之并免所負之馬宣德元年諭從征曲先功擢綽兒加都指揮同知初九軍之討曲先也安定部內及罕東密羅族人悉驚竄平定詔指揮陳通等往招於是罕東復業者二千四百餘帳男婦萬七千三百餘人安定部人亦還衛正統四年罕東安定合衆侵西番申藏族掠其馬牛雜畜以萬計其僧訴於邊將言畜產一空歲辦差發馬無從出帝切責二衛數其殘忍暴橫違國法毒鄰境之非令悉歸所掠又諭僧不限舊制隨所有入貢明年冬綽兒加偕班麻思結共侵哈密獲老耨百人馬百匹牛羊無算忠順王遣使索之不予帝聞復賜敕戒諭然番人以剽掠爲性天子即有言亦不能盡從也六年夏綽兒加來貢馬宴賚還九年卒子賞卜兒加嗣職奏乞齋糧茶布命悉予之十一年進都指揮使成化九年土魯番陷哈密都督李文西征罕東以兵來助後都督罕慎復哈密亦藉兵賜敕獎賚十八年其部下掠番族有侵入河清堡者都指揮梅琛勒兵追之奪還男婦五十餘人馬牛雜畜四千五百有奇邊臣請討其罪部臣難之帝曰罕東方聽調協取哈密未有攜貳之形奈何因小故遽加以兵宜諭令悔過不服則耀兵威之二十二年邊臣言比遣官往哈密與土魯番使臣家屬四百人偕行道經罕東爲都督把麻奔等掠去朝使僅免乞討之帝命遣人往諭如番人例議和還所掠物不從則進兵宏治中土魯番復據哈密兵部馬文升議直擣其城召指揮楊翥計之翥言罕東有閒道不旬日可達哈密宜出賊不意從此進兵文升曰如若言發罕東兵三千前行我師三千後繼各

甘肅新通志

卷四十六

兵防志 戎事中

一

持數日乾糧兼程襲之若何翥稱善文升以屬巡撫許進進遣人諭罕東如前策會罕東失期不至官軍仍由大路進賊得遁去十二年其部人侵西甯隆奔族掠去印誥及人畜兵部請敕都督官論其下毋匿所掠物盡歸其主違命則都督自討從之時土魯番日強數侵掠鄰境諸部皆不能支正德中蒙古大酋入青海罕東亦遭蹂躪其衆益衰後土魯番復陷哈密直犯肅州罕東復殘破相率求內徙其城遂棄不守嘉靖時總督王瓊安輯諸部移罕東都指揮枝丹部落於甘州

成祖丙永樂四年置曲先衛以土人三郎爲指揮同知

按西甯府志曲先衛在西甯

甯西甯州西南東接安定古西戎漢西羌唐吐蕃元設曲先衛林元帥府洪武時酋長入貢命設曲先衛官其人爲指揮後遭采兒只巴之亂部衆竄亡併入安定衛居阿真之地永樂四年安定指揮哈三散即思三郎等奏安定曲先本二衛後合爲一比遣土番把禿侵擾不獲甯居乞仍分爲二復先朝舊制從之即令三郎爲指揮使掌衛事散即思副之又從其請徙治藥王淮之地自是屢入貢洪熙時散即思偕安定部酋劫殺朝使已大軍往討散即思率衆遠遁不敢還故土宣德初天子赦其罪遣都指揮陳通等往招撫復業者四萬二千餘帳乃遣指揮失刺罕等入朝謝罪貢駝馬待之如初尋擢散即思都指揮同知其僚屬悉進官給以誥命五年六月朝使自西域還言散即思數率部衆邀劫往來貢使梗塞道途天子怒命都督史昭爲大將率左右參將趙安王或及中官王安王瑾督西甯諸衛軍及安定罕東之衆往征之昭等兵至其地散即思遁其黨脫脫不花等迎敵諸將縱兵擊之殺傷甚

眾生擒脫脫不花及男婦三百四十餘人獲駝馬牛羊三十萬有奇自是西番震懼散即思素狡悍天子宥其罪仍怙惡不悛至是人畜多損失乃悔罪明年四月遣其弟副千戶堅都等四人貢馬請罪復待之如初令還居故地并歸其俘七年其指揮那罕言往者安定之兵從討曲先臣二女四弟及指揮桑哥等家屬被掠者五百人今散即思已蒙赦宥而臣等親屬猶未還望聖明垂憐天子得奏惻然語大臣曰朕常以用兵為戒正恐濫及無辜彼不自言何由知之即敕安定王亦攀丹等悉歸所掠其年散即思命其子都立嗣職賜救勉之十年擢那罕都指揮僉事其僚屬進職者八十九人正統七年遣使貢玉石成化時土魯番強被其侵掠宏治中安定王子陝巴居曲先廷議哈密無主迎為忠順王正德七年蒙古酋阿爾禿廝亦不刺窟居青海曲先為所蹂躪部族竄徙其衛遂亡

壬辰十年冬十一月命侍講楊榮經略甘肅涼州酋婁達袞叛守將擊敗之婁達袞走赤斤蒙古

衛帝欲發兵討之乃遣榮至陝西會豐城侯李彬議方略榮還言隆冬非出兵時彬亦言道遠饑難宜緩圖之乃賜敕詰責赤斤蒙古明年赤斤蒙古遂縛婁達袞來獻

仁宗乙巳洪熙元年安定及曲先部劫殺朝使命都指揮李英等討之

宣宗丙午宣德元年春正月詔陳通等招撫罕東諸處逃亡初大軍之討曲先也

甘肅新通志 卷四十六 兵防志 戎事中

安定部內及罕東密羅族人悉驚竄至是詔指揮陳通等往招於是罕東復業者二千四百餘帳安定部人亦還衛

庚戌五年夏六月命都督史昭等帥兵征曲先衛散即思遁

乙卯十年夏阿兒台寇甘州千戶孫禎禦虜于哮囉口敗績死之

冬十一月阿兒台寇甘肅總兵官陳懋擊敗之阿魯台既死其所立阿爾台王子及所部

多爾濟巴勒等為托克托布哈所窘竄額齊訥外為納款而數寇甘涼至是陳懋連敗之追至蘇武山而還

英宗丁巳正統二年夏五月遣王驥經理甘肅邊務鞞鞞阿爾台及多

涼邊將失利帝命驥往許便宜行事先是都督蔣貴追敵魚海子將及之都指揮安敬以前無水草遂引軍還巡撫甘肅都御史曹翼奏之帝命驥責貴狀并戮敬驥視之疾馳至軍大會諸將問往時魚海子先退者為誰僉曰安敬乃即縛敬斬軍門責貴曰汝大將亦當死姑貸汝立功自贖諸將皆股栗莫敢仰視于是校閱將士分兵畫地使各自防禦邊境肅然尋報命會阿爾台復入寇帝命驥帥都督任禮蔣貴擊之驥遣貴為前鋒而自與禮統大軍繼進貴擊敵石城走之驥及禮復敗之胡桐林又及之多喇溝窮追至黑泉而還阿爾台多爾濟巴勒皆遠遁尋為托克托布哈所殺

九年秋套虜寇秦州虜寇秦州嘯騎至清水張家川等處大虜寇秦州兵邀擊之棄其所掠而遁

丁卯十二年春三月徙沙州衛之衆于山東沙州衛都督訥格等兄弟乖爭部衆多攜貳甘肅總兵官任禮欲乘其飢窘遷之內地會訥格不來言請入居甘肅禮遣使借訥格撫諭其部衆而親帥兵隨其後比至訥格之意中變其部下多欲奔衛拉特禮進兵迫之收其全部入塞帝命徙之山東自是沙州遂空已爲罕東所據初成祖置哈密沙州罕東赤斤四衛於嘉峪關外屏蔽西陲及是沙州先廢而諸衛亦漸不能自立肅州遂多事

己巳十四年秋七月也先別騎寇甘州時蒙古可汗脫脫不花衰微不要求朝廷不許也先愧怒糾諸番分道入寇平羌將軍任禮大破于臨水虜遁

冬十二月額森犯甯夏先是帝親征額森師潰于土木額森以帝北額森以上皇至衛拉特老營及是喜甯觀額森西犯甯夏掠苑馬直趨江表居上皇南京上皇力解乃止額森遂自寇甯夏掠人畜期月始退仍留數千人于河套時入甯夏爲寇

景帝庚午景泰元年春正月也先寇西安州海刺都固原等處大掠而去三月衛拉特復分道入寇時邊將禦敵互有殺傷惟甯夏慶陽被敵殺掠甚衆

丁丑英宗復辟天順元年春三月韃靼保喇寇邊保喇犯甯夏參將神興戰歿帝命石亨爲將軍討之

甘肅新通志 卷四十六

兵防志 戎事中

天

巴沙番寇邊大掠站堡

冬十二月以柳溥充總兵官禦宇來于甘涼宇來亦韃靼部長也時司劾之以溥代穎溥禦之輒敗而飾小捷以聞

戊寅天順二年套虜入寇武平伯陳友擊敗之套虜分道入寇武平伯陳友率百戶孟成浙戰于鎮番之四壩虜敗績諸番聞風畏服

辛巳五年夏六月遣尙書馬昂懷甯伯孫鏗擊保喇保喇衆萬餘屯莊浪攻涼州諸衛副總兵仇廉禦之或績敵渡河剽掠官軍莫敢撻其鋒

秋八月保喇上書乞和許之保喇三上書乞和帝遣指揮使庚昇齎敕諭之自是每歲入貢而寇掠如故

癸未七年秋宣城伯衛穎擊番酋巴沙部與西甯沙棠川破之

甲申八年春三月總兵官衛穎巡撫僉都御史吳琛等討巴沙巴哇等族逆番平之巴沙巴哇所管小族阿爾加倉肆謀叛逆自天順改元至巴沙巴哇無虛歲命衛穎等討之軍至捏都兒分道進

亨至邊無功而還

兵直擣賊巢平之

西番寇甘肅巡撫吳琛與總兵衛溼將甘涼蘭鞏等衛軍擊破之

夏六月套虜入寇虜分道入寇遂入平涼鞏昌臨洮殺掠人畜七月虜騎擾掠慶陽尋復寇臨鞏馬文升敗之

憲宗乙酉成化元年春遣都指揮黃瑀逐套虜于靈武

丙戌二年春詔諸將備邊套虜屢為邊患命甯夏延綏甘涼鎮巡諸令官整飭兵備候期調發

吐番入寇階州階州趙家坪吐番叛守備顧鐸戰歿都察院右副都御史馬文升滅西固番旗不奉命者三十餘曹

戊子四年冬十一月都督劉玉副都御史項忠討開城叛酋滿俊平之

滿俊亦名滿四其祖自洪武初即率所部歸附世以千戶畜牧為

雄長仍其故俗無科徭地在開城縣回原里俊素獷悍藏匿奸盜

會宥獄辭連俊有司迹捕至其家多要索遂激眾為亂據石城石

城即唐吐蕃石堡城在山巔四壁削立惟一徑可緣而上最稱險

固官軍討之屢為所敗不數月眾至數萬關中震動乃以玉為平

虜副將軍忠總督軍務討之既抵石城前軍已屢敗賊乘勝逐之

玉中流矢被圍眾欲退忠斬一千戶以徇親當矢石不少避玉得

出復連戰數十賊大斲會天寒甚忠慮賊乘凍渡河與套寇合乃

督兵直薄城下列圍困之有賊夜出汲被獲忠貫其死賜之金帶

鉤縱歸使誘俊出戰伏兵擒焉賊盡殲于是毀石城送俊京師伏

甘肅新通志 卷四十六 兵防志 戎事中 完

誅明年獲俊餘黨毛哈喇誅之忠奏請于石城北西安州增設千戶所設兵防守之

庚寅六年保喇據河套命都御史王越督關中軍務搜河套復東勝州

壬辰八年套虜入寇總兵范瑾遊擊祝雄破虜于靈武城南虜勢大挫

癸巳九年春正月遣都督同知李文右通政劉文經略甘肅時吐魯蕃

稱蘇勒坦乘機襲破哈密城虜其王母及金印去留伊蘭鎮之兵

部言哈密實西域咽喉棄而不救恐赤斤蒙古苦峪沙州等亦為

所脅則我之藩籬盡撤而甘肅之患方殷乃遣李文等往甘

肅經略文等檄哈商及赤斤罕東默克埒諸部集兵進討

甲午十年春正月命王越總制三邊刑部王事張鼎言延綏甘肅甯夏

臣一人總制詔從其請因設制府于固原即以越為

之巡撫總兵而下並聽節制三邊設總制自此始

夏閏六月築邊牆初余子俊上言三邊惟延慶地平易利馳突寇屢

屯外急宜於沿邊築牆置堡帝從之會王越襲虜紅鹽池患少息

冬十月都督同知李文等進兵討土魯番不克引還李文等引兵至

報阿里集眾抗拒且結別部謀掠罕東赤斤二衛文等不敢進令
二衛還守本土哈商及默克里輝和爾之眾退居苦峪文等亦引
還肅州土魯番知中國不足憚遂久據哈密朝廷因令邊臣築
苦峪城移哈密衛于其地給米布賜穀種命哈商主國事焉

寅壬 十八年洮州番叛兵備道葉琪率岷州守備劉琥討平之

巳乙 二十一年冬小王子犯蘭州

午丙 二十二年秋七月小王子犯甘州指揮姚英等戰死

孝宗 申 宏治元年夏四月韃靼求貢小王子上書求貢自稱大元汗時朝廷方務優容許之自是與

巴延蒙克王等屢入貢漸往來套中出沒為寇

卯乙 八年春正月甘肅總兵官劉甯敗寇于涼州韃靼北部伊畢喇伊木王等入套駐牧于

是小王子及陀羅該子和碩居賀蘭山後與之相倚數為邊患及是入犯涼州甯與戰相持數日禽其長一人寇乃遁去

冬十二月土魯番侵沙州阿哈瑪特既據哈密僭稱汗侵沙州迫罕東諸部附已救發罕東赤斤苦峪兵命副

將彭清將之隸巡撫許進往討

巳丁 十年秋八月北虜掠平涼營于四山驅掠人畜數萬而去

甘肅新通志

卷四十六

兵防志 戎事中

三

冬十月起王越總制三邊軍務小王子和碩諸部屢犯邊甘肅俱被殘破時越自安陸赦還詔起原官總

制甘涼軍務

戊午 十一年夏五月甘州參將楊翥敗小王子于黑山

秋七月王越襲小王子于賀蘭山破之小王子居山後久熟知路徑累招野默克塔等侵擾邊地

越分兵三路進俱有斬獲日捕收兵而設伏道旁敵來襲復追殺至柳溝獲駝馬牛羊器仗千數

辛酉 十四年夏四月和碩及小王子連兵入寇命朱暉帥師禦之先是

子及和碩等復居河套至是以敵入千騎駐遼塞下既而西歸復進掠甯夏往來數千里所至殺掠殆盡命暉佩大將軍印統都督劉甯等五將往禦及秋暉等至甯夏敵已飽掠去乃以五路之師夜襲敵巢于河套僅斬三級以捷聞未幾小王子和碩以十萬騎分道入散掠固原甯夏境戕殺慘酷諸路徧野

冬十二月和碩等出河套詔朱暉還

武宗 卯丁 正德二年夏六月增設花馬池衛所總制三邊楊一清建議防邊以花馬池至靈州

地勢平衍寇每從此毀牆入固原平涼不能耕牧請修濬牆塹增設衛所以安內附以遏外侵帝可其議為特發帑金數十萬工方

興而劉瑾憾一清不附己一清遂引疾歸

己巳四年北夷酋阿爾禿斯宰桑亦卜刺竄入西海攻西甯諸番破之

先是北地小王子怒阿爾禿斯亦卜刺欲刺之二酋懼奔河套擁部落至涼州乞空閒地居牧涼州將吏閉門不應于是大掠入西海攻破西甯安定王等部奪其印誥諸番散亡據有其地

秋小王子寇花馬池總制尙書才寬率師禦之小王子寇延綏尋犯花馬池寬率師禦之

頗有斬獲敵伏兵突出寬中流矢死

庚午五年夏四月安化王賓鐻反遊擊將軍仇鉞討擒之賓鐻素狂誕術者言當大

貫遂覬望非分與其黨指揮周昂等潛蓄逆謀會大理寺少卿周東度田甯夏以五十畝爲一頃苛斂騰怨巡撫安惟學素殘虐將士銜刺骨賓鐻使人激之咸願從賓鐻遂反殺東與惟學及總兵官鎮守太監都指揮等傳檄遠近以誅劉瑾爲名詔起右都御史楊一清總制軍務討之以太監張永爲監軍先是仇鉞以邊警屯玉泉營聞變即入城佯以兵練賊營自稱疾堅卧而陰結壯士伺間圖之及一清至賓鐻令周昂就鉞問計鉞方卧呻吟伏卒猝起捶殺昂乃披甲橫刀提昂首躍馬大呼壯士皆集徑馳賓鐻第縛之其衆皆潰檻送賓鐻京師賜死黨皆伏誅

甘肅新通志

卷四十六

兵防志 戎事中

三

冬十一月小王子犯甘州左衛指揮同知王綱禦于甘浚堡死之先

小王王子犯甘州副總兵白琮擊敗于柴溝至是復犯甘浚堡綱禦之虜敗走綱追至巴雜兒境戰勝深入虜忽大集矢盡無援死之

辛未六年西番犯鎮番參將李愷率千戶孟清百戶李楫等大破于柳

條灣

壬申七年夏閏五月青海番犯西甯北川守備汪淮追至旱坪山擊敗

之七月指揮甘浚襲擊海寇于紅柳灘

蜀盜攻陷徽州承平既久人不知兵蜀盜突至大肆焚掠人民逃亡殆盡時禮店所百戶徐甯與賊戰於徽州四條嶺力

竭死

癸酉八年春正月青海番犯西甯南川守備金冕禦于扁都嶺敗績指

揮陳治死之

夏六月蜀盜掠徽州僉事李璋帥三衛兵擊破之

甲戌九年夏遣右都御史彭澤提督甘肅軍務土魯番既據哈密復遣使赴甘肅投謾書索贖

賜邊臣以聞請遣大臣經理大學士楊廷和等交薦澤再辭不許澤至甘州吐蕃方攻掠赤斤苦峪諸衛聲言與我金帛萬數即歸城即澤謂番人嗜利可因而款也遣都督沙呼實賂番酋莽蘇爾令還城即莽蘇爾偽許之卒不還久之復要重賞始以城獻還

丙子

十一年套酋掠臨洮總制都御史鄧章調兵禦之不利

初沙呼實陰與土魯

十二年土魯番寇嘉峪關遊擊芮甯戰歿詔彭澤禦之初沙呼實陰與土魯番酋莽蘇爾通為之耳目據城奪印皆其謀至是復逼莽蘇爾謂肅州可得莽蘇爾遂以萬騎寇嘉峪關遊擊芮甯戰歿詔彭澤提督二邊軍務禦之會副使陳九疇禁繫沙呼實及沙布塔絕其內應莽蘇爾乃還瓜州為副兵鄭廉所敗因復求和遣兵遂罷

己卯

十四年冬十月隆卜部烏思巴爾等番叛千戶李純戰敗死之

十一月革哂部番侵掠紅花寺兵備副使高顯守備楊佑率兵襲于

巴燕戎山破其眾

庚辰

十五年秋八月西固番叛遣劉文討之破其入寨受降而還

西固番侵

掠階成總制尚書王瓊遣劉文帥師討之破其入族斬首三百餘級降三十六族

世宗^壬嘉靖元年春正月甘州軍亂殺巡撫都御史許銘

甘肅總兵官李隆與

甘肅新通志

卷四十六

兵防志 戎事

三

銘不相能會支月糧喉部卒請增值銘不許遂圍公廨毆殺銘焚其屍五衛軍大亂詔擢陳九疇為僉都御史巡撫甘肅按驗銘事誅隆及亂卒首事者

秋七月北虜襲涇州屠王村固原兵邀擊大破之斬獲甚眾

套虜寇涇原平涼殺指揮楊洪千戶劉瑞等

套騎二萬自井兒堡毀邊牆入寇固原平涼涇

州殺指揮楊洪千戶劉瑞等大掠人畜十一月復寇固原環慶間殺傷人民萬計

甲申 三年秋七月土魯番圍肅州分兵犯甘州命尚書金獻民都督杭

雄往禦之

吐魯蕃莽蘇爾以二萬騎圍肅州分遣步卒犯甘州巡撫都御史陳九疇自甘州馳入城守禦奏聞於朝帝以獻民

總制軍務雄充總兵官率師西討

巡撫寇天敘敗回賊于山丹擒其酋脫脫木兒及其餘黨三十六人

秋九月土魯番退金獻民等還

陳九疇擊破吐魯蕃眾斬哈濟迪音其分掠甘州者亦為總兵官姜奭所

敗賊乃遁走獻民等至蘭州聞寇已退遂引還

乙酉 四年春正月西海卜兒孩犯甘肅總兵官姜奭擊破之

卜兒孩小王子部下

酋長也。以內難奔據青海出沒。寇西北邊。姜夷率兵擊破之。

隴東流賊至秦安。知縣張繼先督民兵破于東龍谷。

子戊 七年春二月起王瓊為兵部尚書總制三邊。瓊在戌久桂莠等言今邊陲急人廷臣才

實出瓊下帝乃復瓊官代王憲總制三邊時罕東衛以土魯番侵逼瓊乃移置之甘州

伊蘭率眾來歸。莽蘇爾令伊蘭據沙州索羈留貢使且率兵攻肅州失期欲殺之伊蘭遂率眾奔肅州降莽蘇爾以討伊

蘭為辭糾衛刺特寇肅州

冬十月吐魯蕃寇肅州。初陳九疇在甘肅力言吐魯蕃不可撫宜閉關絕貢專固邊防帝可之因拘其前後使數

十輩及九疇得罪瓊督三邊悉遣還所繫且許通貢番酋益驕會其黨伊蘭獲罪內附遂引衛拉特犯肅州為遊擊彭濟所敗乃復遣使求貢許之已而莽蘇爾桀傲愈甚朝廷不能罪然自伊蘭既降其勢漸孤河西稍獲休息

丑己 八年流岷諸番寇臨洮總制尚書王瓊遣總兵官劉文等擊破之

諸番數寇臨洮樞臣李承勳言番為海寇所侵日益內徙儻二寇交通何以善後昔趙充國不戰而服羌段熲殺羌百萬而內地虛耗兩者相去遠矣乞專充國之任制置方略悉聽瓊便宜從事瓊乃集眾議且勦且撫凡斬首三百六十餘級撫定七十餘族自是

甘肅新通志 卷四十六 兵防志 戎事中 三

流賊掠鎮番守備甘積破賊于贊草湖

庚寅 九年春西番掠碾伯夏四月指揮彭杲擊于土官溝敗之

未乙 十四年回賊馬興犯徽州殺指揮王煦秋七月遣兵討平之。階州回賊

馬興糾眾千餘入據鐵鑪山以叛殺千戶王靈鳳至是進犯徽成又殺指揮王煦巡撫都御史黃臣親督大軍進討遇賊于石門大戰敗之靈鳳子印身先士卒射馬興于陣手斬之

丙申 十五年春正月以劉天和為兵部侍郎總制三邊。先是濟農居套中西抵賀蘭山

限以黃河不得渡用牛皮為渾脫渡入山後諸達亦自豐州入套相率為邊患總制唐龍遣總兵官王效梁震數敗敵然蹂躪迄無甯歲及是天和赴鎮修戰具飭邊備築增城堡濟農以十萬眾將大舉入犯天和策寇必東寇果乘黑河墩遇伏大創而去其分犯甯夏者亦為王效所破

二月青海寇犯西甯守備崔騏伏務峽襲擊之寇大敗明年

又敗于鐵佛寺

夏四月濟農犯甘涼總兵官姜爽擊敗之

己亥十八年套虜犯平虜城總兵任傑擊走之

虜據打磴口以為巢窟犯平虜妨人耕牧任傑

率兵擊之斬首四十餘級

濟農寇蘭州參將鄭東戰死復犯西甯總兵楊信副將王輔等敗之

庚子十九年秋九月劉天和敗濟農于黑水苑斬其子錫沙王

濟農連年入寇

邊將禦之屢被殺傷至是復入固原剽掠且饜會淫潦弓矢盡膠無鬪志而諸將多畏縮天和斬指揮二人召故總兵官周尙文盡

銳奮擊于黑水苑斬濟農子錫沙王寇遁走甯夏巡撫楊守禮總兵任傑等復邀擊于鐵柱泉敗之

癸卯二十二年秋西番咎咂部酋卻星吉出掠西甯守備許世爵追擊

之番賊敗遁

甲辰二十三年夏五月青海寇犯西甯南川守備薛卿禦于王狗爾峽

戊申二十七年套虜犯山丹遊擊蔡勳馬宗援擊敗之

庚戌二十九年秋套虜盤據芴苦灘將舉入寇總兵官趙應率兵迎戰

甘肅新通志

卷四十六

兵防志 戎事中

三

破之

西甯番爾加定部攻掠碾伯守備唐勇擊之番敗走追擣其巢敗績

辛亥三十年西番咎咂部攻掠西甯紅崖堡百戶劉清總旗孫瑞先死

之碾伯操守賀有年追擊叛番戰歿

癸丑三十二年西甯番設加和尙爾加定聚咎咂諸部攻掠堡寨兵備

副使范瑟率兵討破之

甲寅三十三年青海寇犯西甯參將金鑑禦于沙棠川敗之

明年海寇犯西甯南

川大掠五日而還後復犯南川西川周欽羅松屢擊走之

丁巳三十六年夏六月碾伯操守彭汝為追擊爾加定諸部叛番戰敗

死之

西番連歲寇掠西甯碾伯等處諸守將出禦屢有殺傷而寇掠如故是年八月咎咂部掠紅崖溝十月出掠水磨溝復掠鍾家

莊明年五月出掠白石溝七月紅帽兒番入掠瞿曇寺十月咎咂部入掠楊官溝十二月入掠弩木溝是後刺咎咂部掠上官兒溝復

掠于家寨尋又掠顏只溝而革咎咂占咎咂叛番從南山掠馬哈刺溝出沒無常為閭閻害

俺達圍甘州俺達韃靼部長小王子叔父行也時強盛用中國叛人趙全邱富計益習兵東至京東西盡甘肅咸受其害

戊午 三十七年秋八月寇圍甘州濟農正犯永昌涼州進圍甘州十四日始退

辛酉 四十年套虜寇甯夏趙應擊破于省鬼口明年總兵官吳鼎破虜

于白樹泉又破于鹽池撤卜掌嶺後復犯境鼎率兵深入戰于河東斬首數十級又破于蘇離虜遁去

壬戌 四十一年春正月北虜入蘭州大肆劫掠

穆宗丁卯隆慶元年冬十月以王崇古總督三邊時濟農據河套為西陲諸部長別部賓都

駐牧大小松山南擾河湟番族環西鎮皆寇乃擢崇古兵部侍郎總督陝西延甯甘肅軍務

冬十二月套虜寇邊賓都入寇由迭烈遜乘冰渡河率輕騎二千寇大白草原郭城驛經靖虜城西肆行劫掠指揮

僉事李文瑞指揮張鵬李得林魏印死之

戊辰 二年夏總督王崇古檄總兵雷龍大破北虜于歸德口明年又檄

雷龍選精騎三千出塞擊之斬獲無算

己巳 三年春西番思我思哥部出掠西甯兵備副使侯東萊督參將陳

甘肅新通志 卷四十六 兵防志 戎事中

愷掩擊獲其二酋

秋七月套虜寇打刺赤賓都由塔兒灣渡河寇打刺赤遊擊哈欽迎擊中流矢

神宗乙亥萬曆三年秋西羌寇洮州西羌札著他等犯洮州總兵孫國臣由舊洮州進剿推官劉希稷監

軍大破西羌斬首二百餘級獲夷器輜重三千有奇

丁丑 五年秋諳達請赴青海迎佛初諳達諸部嘗越甘肅境西番既通款其從孫徹辰台吉連歲盜番不得

志求諸達西援崇古每作書止之是年諳達請赴青海迎佛崇古

上言西行非諳達意且以迎佛為名不可沮宜飭邊鎮嚴守備而

陰洩其謀于番族以示恩

庚辰 八年青海寇入洮州殺掠尤慘

辛巳 九年春西番哈咂部掠西甯思打岔峽百戶郭承勳劉世爵追出

壬午 十年靈州卒楊文遇馬景作亂洪武初略定陝西殘元部落率眾歸附立靈州守禦千戶所其屬處于民渠四里為民號土達使自耕食素獷悍時參將許汝繼以勇名擢靈州御下過嚴怨讎大生汝繼愈恨之眾益怒文遇景遂謀

為亂黨與嚮應四月郭濟逞凶先入參將署汝繼起迎截濟髮遂被戕文遇景等開北門出迎其黨千戶戴儒遂閉門以守賊不得入餘賊出南門肆掠巡撫晉應槐檄中衛守將王保等據邊口把總李鯤楊朝率兵追賊獲楊文遇馬景等並斬于市

戊子十六年秋九月青海寇氏刺他卜囊入掠西甯南川番部副總兵李魁等禦于王狗峽死之覆其軍

庚寅十八年春正月西番咿部入掠西甯沙棠川百戶劉世臣追戰死之往年哈咿部番入犯西甯三川百戶劉存仁戰死至是咿部入掠五月順義王捨力良送佛至西海因掠洮河二州七月詔

鄭洛經略西海

夏六月青海酋浩爾齊犯邊自諸達西掠諸番番人不支輸款于虜虜騎遂數入番中至是套部章圖哩等

據水塘布色圖浩爾齊據莽拉聶恭兩川浩爾齊尤黠築數犯甘涼岷洮西甯間已而進圍舊洮州副將李聯芳戰歿尋復掠河州臨洮渭源官軍禦之敗績西陲大震時徹哩克勢衰亦為布色圖等所誘西行遠邊初諸達建寺青海奏于朝賜名仰華至是徹哩克以赴仰華為名西至青海諸部咸挾以為重帝惡之詔停市貢

秋七月松夷罕僧阿赤圖入掠隆卜部番先是松夷入掠大通燕麥川尋犯西甯北川西甯兵

甘肅新通志 卷四十六 兵防志 戎事中 三

備僉事萬世德禦走之

九月川番犯舊洮州右參政畢自嚴督副將李國柱率兵禦卻之

火落赤犯臨洮火夷由耳紀山傾國突至雙城城中戒嚴夷渡大夏河從吉家寨往甯河臨鞏兵備道郭尊賢督兵戰于

和政驛敗之燹火酋次子及其婿夷屯朱家山總兵劉承嗣等與戰不利敗績火酋益猖獗然眾無紀律承嗣等多方堵禦逐至麻山關漸次出境奪獲原擄人畜以歸

卯辛十九年春正月經略尙書鄭洛招撫西海諸番部五萬八千有奇

秋九月遣總兵張臣萬世德魯光祖等出塞逐夷至西海焚仰華寺

總兵尤繼先擊火落赤部落破之火酋部落潛住莽刺山固鎮總兵尤繼先將番漢兵襲擊之斬首一

百二十餘級

秋七月陝西巡撫葉夢熊防秋駐臨洮自此每歲秋初移鎮臨河東冬初回省

壬辰二十年春三月巴拜據甯夏反巴拜故鞏鞏種嘉靖中巴拜得罪其酋長來降屢立戰功官都指揮

帝十七年巴拜老加副總兵致仕子承恩襲巴拜雖告老而多畜亡命承恩性狠戾十九年洮河告警巡邊御史周宏禴舉承恩及

指揮土女秀並巴拜義子布延等巡撫黨馨檄文秀西援巴拜謁
經略鄭洛願與子承恩從出師馨惡其自薦抑損之巴拜以故心
怨至金城見諸鎮兵皆出其下比賊退取道塞外還寇騎過之皆
辟易遂有輕中外心馨欲按承恩冒糧罪又以承恩娶民女為妾
笞二十會戌卒衣糧久弗給巴拜遂喉軍鋒劉東賜許朝等作亂
是年二月殺馨及副使石繼芳逼總兵張維忠自縊死東陽自薦
總兵奉巴拜為謀主承恩朝為左右副將布延文秀為左右參將
承恩遂陷玉泉營及廣武漢西四十七堡皆陷惟土女秀徇平虜
參將蕭如薰堅守不下賊率兵渡河欲取靈州又齎金帛誘河套
卓哩克圖等許以花馬池一帶聽其駐牧勢甚猖獗全陝震動

秋九月甯夏賊平

巴拜叛總督魏學曾檄副總兵李昫率兵進勦諸
堡皆次第收復惟甯夏鎮城猶為賊據會套部卓

哩克圖等控弦三千騎至賊益掠城中子女饋之套人揚言已與
布王子為一家布延引卓哩克圖攻平虜堡參將蕭如薰伏兵南
關佯敗以誘之射布延死套部遂遁出塞四月以蕭如薰為總兵
調麻貴為副總兵率兵抵鎮城帝復用石星言賜學曾尙方劍督
戰御史梅國楨薦李如松忠勇可任遂令如松總甯夏兵國楨監
之會甯夏巡撫朱正色甘肅巡撫葉夢熊皆先後至軍並逼城下
學曾與夢熊定計決黃河大壩水灌之城外水深八九尺賊懼陽
求撫以緩我師而仍結套部為助七月布色圖章圖哩以三萬騎
犯定邊小鹽池別遣宰桑以萬騎從花馬池西沙湃口入為巴拜
聲援學曾令麻貴等分擊之皆敗去八月卓哩克圖復入李剛堡
如松等擊之追萃至賀蘭山賊援遂絕會給事中許子偉劾學曾
惑於招撫誤國事學曾被逮以夢熊代之賊被圍食盡城受水浸

甘肅新通志

卷四十六

兵防志 戎事中

三

益大圯國楨用閒給東賜朝承恩使互相殺以降許賞其罪三人
互猜疑至是東賜朝殺之開門降如松率兵圍巴拜自縊死俘承
恩等至京
師磔于市

癸巳

二十一年秋青把都兒犯甘肅總兵楊溶擊敗之

青把都兒海部
切盡台吉從子

也駐牧昌甯湖漸據龍首山大為邊患濬
出擊之斬首六百餘級青把都兒單騎遁

乙未

二十三年春正月北虜入寇

虜分道入寇平虜總兵解一清督參
將吳顯石尙文守備陳王道分勦於

平湖灘水塘墩等
處各斬獲甚眾

秋九月青海酋永什卜犯甘肅參將達雲擊敗之

永什卜者順義王
諸達從子也部眾

強盛先嘗授都督同知再進龍虎將軍自以貢市在宣化守將遇
已厚不可逞乃隨詣達西迎活佛留據青海歲為邊患嘗誘殺副
將李魁邊臣不能報遂有輕中國心至是九月九日度將士必宴
飲擁勁騎直入南川屬番偵告雲伏兵要害令番人繞出朵爾峽
外潛扼其背而自提精卒二千夾擊大敗之斬首七百餘級其走
峽外者番人獵之雲既勝度寇必復至厚集以待踰月寇果結浩
爾齊諸部先圍番寨以誘官軍番不能支合于寇寇遂入犯西甯
西甯軍堅不可破寇始遁追奔數十里而還雲乃招集番人初
寇合者七十餘戶皆復其
業尋進雲總兵官鎮甘肅

丙二十四年春北虜入寇虜犯河東總兵李如柏率遊擊來保等擊破于河灘兒哥腦等處尋犯河西如柏等

又大破于石空寺窰兒洞把總楊案又破之于宿崑口

三月火落赤犯洮河總兵官劉綎破走之

丁二十五年春青海諸酋復掠番族將窺內地臨洮總兵劉綎副將

周國柱禦于莽刺川大破之

套酋卓哩克圖犯邊兵備僉事張棟破之斬六十餘級降三千三百餘人

青海酋犯鎮番都督達雲率衛參將甘賴大破之

戊二十六年春套酋卓哩克圖等住牧松山兵備副使張棟臨洮總

兵陳霞大破于六箇井夏四月又寇烏蘭棟遣河蘭二營兵渡河襲破之五月沙害海多等率眾歸降

秋七月巡撫田樂總兵官達雲復松山松山酋賓兔阿赤兔宰僧著力兔等久為兩鎮患田樂決

甘肅新通志 卷四十六 兵防志 戎事申 三

策恢復雲率甘州副將馬應龍等分道襲擊盡拔其巢攘地五百里

冬十一月官軍襲浩爾齊于松山走之復其地徹哩克已東歸而套頻年鈔掠如故據三大巢曰河套曰海西曰松山聲息相倚總督三邊李汶內聯四鎮外招番人襲破寇眾于松山復其地築邊垣四百里

己二十七年春套虜入犯鎮城巡撫楊時甯夏總兵杜桐等大破于黃河灘復犯河東參將吳宗堯等破之斬獲甚眾是年三月副使荆州俊督發蘭臨二

營內丁降虜晝行夜伏直抵青羊水搜勦遺孽四月虜酋潛入松山謀復故巢州俊伏兵黃河掌擊敗之追至中衛而還九月虜復擾邊杜桐出塞至苦刺吾素斬首一百二十餘級

庚二十八年青海寇糾番族犯洮岷總兵蕭如薰孫仁禦之擒斬三百餘人撫叛番五千人

壬三十年春正月番酋索羅台吉等率眾歸附參政荆州俊收之

松山賊侵河州松賊土滅恰等侵河州境副使荆州俊遣兵至古爾半大破之秋八月賊屯松山北總督李汶檄洮固二

總兵由蘆塘出邊擣巢敗之州俊收撫紅水等降夷八起九月真相台吉等酋謀雪土滅恰警州俊同總兵官孫仁督兵至節子岡大戰獲全勝焉

冬十二月荆州俊破火落赤部落于龍羊峽火酋部落從沙溝過冰橋住撻子川謀犯河州州俊率官兵破之斬獲甚多

癸卯三十一年秋八月北虜竊毀紅水新邊荆州俊遣兵勦于白墩子斬二十餘級餘賊驚奔冬又破賊于把撒等川

乙巳三十三年夏西番盜殺千戶張燧火裏藏西番叛只殺千戶張燧將姚得明勒兵問狀得三渠魁巡撫顧其志會總督李汝檄參番還所虜以番俗罰之遂平

丁未三十五年夏四月伊勒敦達春犯涼州官軍擊破之時松山既復寇復據賀蘭山結青海諸部寇鈔不已伊勒敦達春九築鷲三十二年連營犯鎮番總兵官達雲與副將柴國柱擊之寇敗去未幾海寇復大入

戊申三十六年伊勒等酋糾火落赤犯邊遣總兵孫仁等擊之寇敗遁將士分道遮擊生擒其長沙喇餘敗走至是伊勒敦達春復連兵犯涼州雲與國柱及副總兵官秉忠逆戰大破之寇屢被挫悉去

甘肅新通志

卷四十六

兵防志 戎事中

三

諸酋以新疆初定來犯火酋造浮橋于黃河分道並進巡撫顧其志遣總兵孫仁參將張君恩都司王嘉評邀擊于青羊水斬首四十餘級伊勒酋遁去明年參將劉光旄千總韓完卜擊火落赤西至仰華寺燒其浮橋斬首六十一級火酋敗走是春邢雲路率諸將士詣松疆卜吉旅山告功遂勒銘于石而還

壬子四十年秋七月總兵姚國忠副將王宣破套虜于沙山巡撫崔景榮檄平羅參將潘國振偵報虜任邊外先事戒嚴國忠等馳至平虜敵果竊入遂率兵出勦至沙山老灣斬首一百七十餘級

乙卯四十三年秋九月總督劉敏寬防秋于花馬池時濟農合套中諸部大舉入犯延榆敏寬檄甯夏總兵杜文煥督兵應援合定邊固原兵往勦破賊于定西沙梁

套虜糾松山寇入掠鎮番左都督李懷信邀擊敗之寇入鎮番蘆溝墩諸處甘肅總兵左都督李懷信邀擊大破之未幾復三道犯鎮番諸堡懷信亦分兵遏之寇引還將士追之斬虜無算

庚申四十八年秋文縣月連等番叛守備王繼勦捕之未幾海川二部犯洮州守道張士俊督兵以礮轟擊賊遂遁

熹宗辛酉天啟元年秋防巡撫懸賞殺夷時夷數乘閒伺掠乃立賞格殺夷首一級者賞白金五十

兩自是西夷不敢窺伺邊境稍安

甲子四年套虜伊勒酋糾眾謀入故巢犯松山為守臣馮任所敗明年

春河套松山諸部入寇參將官惟賢大破之

韃靼濟能犯甘肅總兵官董繼舒擊卻之濟能韃靼濟農子稱西部糾海西古六台吉等犯甘

肅繼舒與戰大破之斬首三百餘級

丙寅六年春套部酋糾眾復叛吉刺馬台糾眾松山伊勒敦達春及後本素三兒台吉以三千騎突來犯境官

惟賢擊敗之誅三兒台吉是冬伊勒敦達春等以三兒台吉之死挾憤圖報糾土巴台吉等分道入寇惟賢與副將徐永壽分道出

禦賊大敗遁去

丁卯七年春伊勒賓兔矮木素班記刺馬合土賣火力赤等由黑水河入犯官惟賢及副將陳洪範大破之

莊烈帝戊辰崇禎元年秋七月套虜犯重興堡守備趙御破之八月復

犯三岔紅水河御復破之賊遂遁去

甘肅新通志

卷四十六

兵防志 戎事中

罕

文縣生番叛焚掠甚慘

冬十月漢南賊王大梁由兩當逼略陽固原逃兵周大旺等反明年

春副將賀虎臣捕斬之

己巳二年春以楊鶴總督三邊軍務捕流賊三月流寇掠真甯甯州安

化等境

庚午三年春流寇至甯遠西關肆行焚掠夏六月復掠慶陽城堡多陷

冬十月流寇陷清水營流寇王嘉應攻陷清水營殺遊擊李顯宗大盜李老柴於鄜維聞糾三千餘人攻合水縣

甯夏總兵賀虎臣擊賊于盤谷斬首六百餘級又敗之于甯州

辛未四年春三月賊神一魁等請降總督楊鶴受之一魁尋叛先是賀

保安賊目神一魁以千餘騎突圍出復糾賊數萬劫甯夏都指揮王英兵潰諸將棄城南奔一魁尋犯慶陽破東關遊擊伍維濬擊

斬五百餘人賊圍慶陽城攻陷合水三月張應昌等援慶陽賊圍解鶴聞移駐甯州一魁求撫別賊金超鵬過天星獨頭虎上天龍

等亦先後降鶴設御座于城樓賊跪拜呼萬歲因宣聖諭令設誓或歸伍或歸農賊佯許之立赦其罪鶴以一魁最強致其婿帳中

與同起一魁果至數以十罪一魁伏謝即官詔赦之處其眾於甯塞鶴以賊黨茹成各桀驚令一魁所善劉金誘誅之其黨以叛

陝賊劉五可天飛等聚蘆保嶺分犯平涼固原三原盜混天猴薄甯州分犯環縣流賊劉五可天飛據鐵角城混天猴獨行狼等眾各萬詐稱官兵襲陷華亭時大盜王老虎圍莊浪官兵西勦諸賊乘虛四犯

夏六月流賊混天猴獨行狼等自甘泉犯合水洪承疇率兵追擊敗之混天猴等乞降

五年秋八月總兵官曹文詔等連敗賊于平涼慶陽

先是文詔與等分勦陝境諸賊皆大捷瑞地王授首神一魁餘黨紅軍友李都司杜三楊老柴等屯鎮原將犯平涼巡撫練國事檄甘肅總兵楊嘉謨副將王性善扼之賊走廣陽文詔從鄜州開道至與嘉謨性善合大戰西濠斬千級生擒杜三楊老柴餘黨糾他賊破華亭攻莊浪文詔嘉謨掩擊縱反與曹其黨殺紅軍友嚴敗之水洛城追至靜甯州賊奔據唐毛山遊擊曹變蛟先登殄其眾至是混天猴郝臨菴劉道江獨行狼李都司等連兵圍合水文詔往救賊匿精銳以千騎逆戰誘指南原伏大起城上人驚疑相告曰曹將軍沒

甘肅新通志 卷四十六 兵防志 戎事中 聖

矣而文詔持矛左右突匹馬繫萬眾中諸軍望見夾擊賊大敗僅屍蔽野餘眾走銅川橋又敗之越日文詔復與甯夏總兵賀虎臣固原總兵楊騏破賊于甘泉之虎兒四會總督洪承疇師次平涼擊斬混天飛李都司降白廣恩等餘賊分竄文詔追感之

六年夏五月流寇犯成縣賊遁過天星橫天王等犯成縣官兵至秋八月陝賊攻陷隆德殺知縣曹彥芳分守固原參政陸夢龍戰死

七年春三月流寇攻秦州時流賊奔隴右一才穀老同回回鳴子塊奮勇擊敗之未幾總督洪承疇至秦州調兵防守賊合眾入兩當大肆焚掠四月川賊數萬由漢中奔鞏昌承疇追至成縣賊勢甚盛乃益集邊兵機副將賀人龍劉成功等兵三千夾擊及兩當陷賊分道走五月陝別賊攻陷文縣六月張應昌自清水追賊敗績時慶陽賊復南下

秋七月流賊寇平涼張獻忠李自成寇平涼流賊入雞川攻苟家堡渭縣東川知縣王耀時率民固守賊攻圍數月始退

流寇陷涇州寇掠涇州官民力守賊勢益熾攻圍益急城遂陷

閏八月川賊犯兩當未幾陝賊陷崇信靈臺涇州聞官軍至遂東奔

川賊復由徽縣入兩當殺知縣車九典史李統焚殺甚慘時陝賊分道攻陷靈臺崇信涇州先是西甯殺將領洪承疇還軍西甯賊遂分陷關隴及西甯兵亂既定承疇始旋師東行賊聞承疇兵將至悉眾分奔

乙亥

八年春二月流賊攻秦州賊攻秦州城垂陷巡道遣兵擊敗之過

三陽川官軍分路追擊賊復擾秦安清水秦州開張昌全賀人龍等追至清水之張家川斬賊首百六十餘級時秦州賊搖天動襲陷西和別賊數十營踞甯遠毀東南關殺掠殆徧

夏六月總兵官曹文詔遇流賊于真甯戰死

時賊走鳳翔與官軍遇副將艾萬年柳國鎮等

戰致文詔聞信乃以三千人自甯州進遇賊真甯之湫頭鎮從子變蛟先登斬首五百追三十里文詔率步兵擊之賊伏數萬騎合圍矢蝟集賊不知為文詔也有小卒縛急大呼曰將軍救我賊中叛卒識之甚賊曰此曹總兵也賊喜圍益急文詔左右跳盪手擊殺數十人轉鬪數里力不支拔刀自刎死遊擊平安以下死者二十餘人

階州番叛階州番茅菴族犯境守備王政往勦戰歿軍士死者百餘人

流賊入文縣防守鎮撫張世勳死之流寇數十萬入文縣經城過者七日不絕四鄉劫掠一空陷

鎮羌等十二寨防守鎮撫張世勳戰死尋圍攻舊城不克而去

甘肅新通志

卷四十六

兵防志 戎事中

聖

陝西賊陷靈臺李自成留秦中賊眾七八萬總督洪承疇邀擊連敗之賊東走環慶其眾漸散會甯夏兵變承疇旋師邊

鎮自成得收餘燼復振

丙子九年春正月李自成犯階州闖賊潛眾犯階州二更初至城下人不為備城遂陷屠戮幾盡

階州番叛階州白馬峪部番叛知州張佩玉督兵勦破夾石等寨族與守備李志忠討平之

二月甘肅總兵柳紹宗敗流賊於西甯州過天星犯西甯州紹宗擊敗之過天星台九條諸等

八營西掠蘭河南掠會甯洪承疇檄左光先與紹宗合兵擊之絕其西奔賊復自萬安走鹽池兩軍力戰破之賊窮感請降

夏五月洪承疇遣總兵柳紹宗從徽縣往略陽勦李自成七月自成

復犯徽縣陷成縣趣兩當殺知縣王鼎鉉

丁丑十年春二月李自成入階文洪承疇遣兵追勦之先是孫傳廷誅闖王高迎祥其

黨李自成過天星踞階文深谷閒總督洪承疇遣總兵曹變蛟左光先祖大弼孫顯祖合兵追勦四月入山遇賊於郭家壩會大雨諸將力戰賊死傷無算食盡引還

秋九月流寇陷階州時賊在西者復由階成出西和曹變蛟擊降小紅狼餘竄走階成兩當成鳳開不敢大逞

冬十月李自成敗竄入岷州自成乘間犯四川降三十餘州縣未幾入番地官軍轉戰千里不解甲者二十七晝夜自成引殘卒竄入岷州及西河禮縣山中

戊寅十一年春正月流寇犯階文巨魁六隊等四部東犯混天星過天等十二若防守鎮撫張世勛死之三月復攻舊城十餘日而解夏六月六隊為左光先所扼復走階成又為曹變蛟所扼其別部三隊及仁義王洪天王降光先李自成合六隊及餘黨遵秦兵謀入蜀副將馬科及賀人龍拒之將還走階文憚變蛟乃走漢中

庚辰十三年春李自成由階入秦尋犯階州參將柳應時用火攻逐之賊走去

階州生番叛誘殺守備李志忠參將柳應時率兵剿平之

秋九月流賊竄慶陽冬十月囉賊寇掠清水境知府喬遷高追斬之

辛巳十四年春流賊寇秦州賊寇秦州西關賂州役柴羔為內應事洩時清水張家川民胡景龍等聚眾數千人作亂知府喬遷高誘殺之攻其黨于任家堡賊眾悉平

壬午十五年春西甯番族作亂總兵官馬燝督諸將五道進剿斬首七百餘級撫降番三十八族而還

甘肅新通志 卷四十六 兵防志 戎事中 三

秋七月流賊一斗穀圍攻清水縣城三日不克而去

冬流賊陷鎮原賊許申攻陷鎮原城屯聚七晝夜搜掠俱盡總兵馬某受賊賄按兵不戰王老虎復大掠而去

李自成遣賊將賀錦略地攻陷甘州等城獨西甯不下賊將辛恩忠

急攻破之遂進掠西海

癸未十六年夏總制洪承疇遣總兵曹應蛟大破李自成黨于河州時

黨在洮岷由雪山入河州總制洪承疇遣總兵曹應蛟尾之賊由老鴉關突出總制大兵晨到賊乃夕至戰于西川大捷奪獲婦女器械無算追至景古城賊以十七騎趁黑霧而逃擒賊酋侯將官莫皮虎三花襟于市

冬十月李自成發兵攻慶陽屠其城自成大發兵攻屠翰林遂乘勝

副使段復興一門死之知府董琬里居少卿麻禧皆不屈死自成別將賀錦移攻蘭州巡撫林日瑞等死之肅王識鉉被執宗人皆死遂進陷西甯甘肅尋攻通渭官民固守不下越七日

十一月李自成遣兵取秦州自成遣賊帥袁宗第劉體純取秦州通判朱廷璋死之別賊牛鎮守等攻溝水

城不克而去

甲申十七年賊帥袁宗第入鞏昌賊陷鞏昌邑紳温元春等起義被戮城幾屠隴西民張傑倡義魯班山相 依附者以萬計賊圍數月破之皆遇害

國朝

世祖章皇帝甲申順治元年春正月明固原副將武大定入秦州指揮于光

耀等擊卻之故明副將武大定突入秦州東關指揮于光耀守備雷

數萬眾圍北城光耀發大礮斃其甚眾有功披靡遁去抵三陽川番家城攻掠村堡

乙酉二年夏四月肅王征秦隴王帥兵征秦隴清水知縣丁圖昌迎降遣參將王元安撫秦州

以孟喬芳總督陝西三邊軍務是時天下多未歸附人心不靖以喬芳為兵部右侍郎兼右副都御史總

督陝西三邊軍務於是四鎮入府文武官民俱統招撫

總督孟喬芳平甘州流賊初闖賊部將賀錦據甘州置偽官並降人子興周拒守約莊浪土司魯允昌申中族番目完冲等歃血訂盟

推生員胡連器為參軍計議曰賀賊驍勇我寡彼眾可以智取不

甘肅新通志 卷四十六 兵防志 戎事中

可力敵遂令番人誘賀錦入重地掘陷阱設絆馬索擒而斬之破賊眾斬數千級兩賊黨忿怒勢益熾攻掠延諫繫纆以去與周奔

長安乞師進討適總督孟喬芳帥兵略地西陲所至咸降直抵甘州全城歸附流賊四潰置官鎮守撫殘孽徹經制粗立

甯夏兵作亂總兵劉芳名討平之甯夏鎮兵變巡撫焦安民總兵劉

日復追擊賊於河兒坪擒賊將馬德磔之餘黨悉平

總督孟喬芳遣土官李天俞祁廷諫等安撫西甯及河西各土司

冬十二月明副將武大定擾固原總兵何世元副使呂鳴夏等死之

丙戌三年夏五月階州營官郭志李旺名等叛參將柳應時會兵殲之

郭志李旺名等以三路兵駐牛頭關禦賊敗逃遂擁兵叛圍文縣舊城不克潘淩霄擒斬郭志餘黨潰遁白馬峪土賊馬聰胡登旺

吳起運等內不自安遂謀叛八月襲文縣舊城據之大肆殺掠中路楊挺上丹堡田自彩姚大文哈南寨李旺名等一時俱叛殺傷

人民無算副將侯承甯遊擊萬從信參將柳應時會兵攻擊羣賊悉被殲除

階州營叛將蔣登雷攻圍階州上城不克叛將蔣登雷夜抵階州潛

聯故明總督賀珍獻五六萬及王可臣兵犯階城環攻數月參將柳應時守禦有方前後斃賊於城下者數百

肅王遣固山額真杜雷分兵勦慶陽流賊克之斬賊渠石二等

六月肅王遣兵勦武大定於仇池肅王率兵向秦州進發時武大定據仇池乃分遣貝子滿達海輔國

公哈爾楚渾蒙古固山額真準塔巴圖魯等率兵搜勦武大定於仇池大定部將石國璽等以所部降高如礪率蔣登雷等迎拒尙書星訥擊敗之潰奔據三台山滿達海等掘濠重圍如礪夜遁蔣登雷王可臣率賊兵二千降遂克三台山

秋八月北地賊掠清水亭子鋪知縣孫鏡率民兵攻之不克千總傅梅死之

流賊黎馬賀王陷徽州總督孟喬芳遣兵討之復其城

丁亥四年春正月賊帥賀洪器攻慶陽守道沈加顯等擊之賊敗遁時

賊賀洪器等率眾數萬圍攻慶陽守道沈加顯參將曹希冬曹大川南一龍分兵出戰大破賊眾斬首數十級賊敗走宵遁

秋七月階州賊趙榮貴陷文縣榮貴遣叛將陷文縣據兩城參將吳復犯文境遊擊張學詩率兵堵勦至下丹堡退歸龍安

己丑六年春二月趙榮貴犯階州平西王吳三桂討平之榮貴扶偽秦王從玉壘關

甘肅新通志 卷四十六 兵防志 戎事 中 聖

犯階州二月賊薄城下副將董焜參將吳應科率兵戰於東門外敗績城幾陷未幾平西王吳三桂帥師至擒斬偽王朱森金偽侯趙榮貴餘眾悉降

辛卯八年總兵官張勇開市洪水時總兵官籌皮馬之利始與海部通市於洪水而海部黠酋遂負緣漸駢

近地時掠民畜甘南大擾

壬辰九年冬十二月西番掠老鴉關參將曹希冬會兵勦其巢起臺哈家轄西

番擄掠老鴉關民畜參將曹希冬率兵會各土官直趨山外搗其巢穴殺戮無數

癸巳十年秋八月西番犯土門關火裏藏西番犯河州土門關參將曹希冬率親兵夜抵關口獲賊首羅藏

都什罰牛馬銀貨九九之數番部震慄邊境以甯

丁酉十四年冬十一月北地賊掠清水縣二十里鋪知縣陳加論率民

兵攻之不克千總李隆吉中流矢死

戊戌十五年秋七月北地賊掠清水縣五里鋪遊擊于邁知縣姚之淵

率民兵圍之地龍溝賊潰圍遁

冬十二月文縣南路部番糾生番襲鐵樓寨肆殺掠副將羅映台守備潘雲龍等征勦竹林族餘番悉降復立鐵樓寨

聖祖仁皇帝

癸卯

康熙二年春二月北地賊掠清水遊擊耿文裕禦之敗績地

乙巳

四年冬青海酋懷阿爾賴梗甘涼道路遊擊王進寶擊破之

市以來懷阿爾賴及其兄弟三人各率所部從近地交通北部搆煽不測至是屯定羌廟甘涼路梗進寶揮兵擊破之虜自是不敢窺邊

甲寅

十三年夏五月吳三桂遣賊將郝龍陸道清陷秦州冬十二月提督王輔臣叛據平涼應之

初三桂以偽劄給輔臣輔臣舉發遣其子繼貞馳奏詔撫慰之至是隨陝西提督經略莫洛征四川莫洛率綠營步兵先行貝勒董額統滿騎繼之遂生異志咬其眾二千噪饑叛攻莫洛營莫洛親隨滿兵力射卻之既而輔臣自督戰攻殺莫洛至西縣輔臣欲與貝勒董額戰而所部潰逃過半乃僅偕數百人走秦州董額亦未追躡徑還西安輔臣遂得據平涼降附三桂三桂急給輔臣犒師銀二十萬又合

甘肅新通志

卷四十六

兵防志 戎事中

巽

蜀叛將王屏藩吳之茂由漢中出隴西為援徧布偽劄所在響應土寇羌番蜂起而荆州彝陵赴援之兵盡集西安 詔分千人赴守蘭州董額及總管哈占皆留不遣 詔復促之

王輔臣遣叛將巴三剛等陷鞏昌

輔臣遣秦州知州巴三剛犯鞏昌克之偽總兵陳可鄭元經入城據

守又分抄旁邑破斗底山

十四年春正月王輔臣遣叛將白光勇陷清水貝勒董額帥大兵

踰隴討平之遂圍秦州

賊將趙士昇陷臨洮二月陷蘭州巡撫華善棄城遁甘肅提督張勇

西甯總兵王進寶帥兵討賊敗之

士昇既陷臨洮進犯蘭州撫標遊擊董正己守備馬宏通賊城遂陷

巡撫華善偕按察使伊圖奔涼州布政使成額降於賊賊斷河橋以守於是鞏昌慶陽花馬池相繼失守王輔臣自踞平涼而其黨分踞各郡隴右皆陷勇與進寶帥兵由聞道至蘭州張家河灣折民屋結草囊為筏夜渡河大破賊於新城偽遊擊李廷玉等就擒抵龍尾山賊眾出城抗拒又擊

副都統鄂克濟哈復涇州

鄂克濟哈等大破賊於涇州城南擒斬偽總兵衛民舉等遂復涇州

賊將周養民等侵掠合水邑人劉有餘率義兵禦之

三月賊犯興武營遊擊熊虎等擊之賊敗走花馬池初賊據花馬池分犯興武營熊

虎等擊敗之賊退保花馬池時陝西提督陳福自甯夏統兵駐靈武遣兵復惠安章州定理三堡至興武營會合蒙古索諾木貝勒下各台吉兵馬圍攻花馬池賊將朱龍等來援城內賊出應官軍兩路夾擊擒斬偽都司王一龍大敗之賊將來化降花馬池平

總兵王進寶襲臨洮克之時賊又陷蘭州官軍圍之偽總兵陳可聞

進寶曰蘭州要地賊必堅守不若先取臨洮則彼坐困孤城不戰而自屈矣進寶然之遂督兵六百人前進命遊擊王朝海為前鋒萬祥次之途遇臨洮民來者不許還並除沿塘賊兵以杜漏洩夜四鼓至臨洮城下萬祥見城垣有微斜處令家將閻潤先登繩繩引之萬祥乃登隨登者五六十人賊驚覺礮矢競發不得進萬祥曰是處欲退無路不如進戰勝負未可定也遂獨出排牆手斫二賊眾繼進賊下城奔竄追擊之賊蜂擁出北門時王朝海亦攻破東門殺賊過半降五百餘人遂復臨洮

甘肅總兵孫思克復靖遠衛

將軍阿密達攻平涼失利調太原兵援涇州賊分據華亭

西番掠和政驛遂侵河州西番乘吳逆之亂率眾三千招外番萬餘人自沙馬關直抵和政驛擄掠婦女焚燬

甘肅新通志 卷四十六 兵防志 戎事 中

廬舍人民望風奔潰遂遣賊番二十騎至河州城下以添把為言次日大隊趨至攻城三四十里內殺掠甚酷官兵礮擊傷賊亦眾後賊乞和而搶掠如故四月靖遠將軍裨將下令驅逐歸巢番遂出境所掠人畜盡挈而去哭聲震野

蒙古犯洪崖堡襲執官吏蒙古乘吳三桂之亂犯洪崖堡拆毀關隘襲執官吏與官兵戰承固副將陳達戰歿

詔甘肅總兵孫思克加意防邊如蒙古仍行肆害即率兵勦禦仍遣使往諭達賴台吉約東部落毋為邊患

夏四月總兵王進寶攻蘭州進寶既克臨洮回攻蘭州賊堅守不出

進寶奮勇鏖戰自辰至午進東門甕城陣斬一賊將賊大敗入城進寶圍之斷其糧運賊屢出突圍進寶分路截剿俘斬甚眾

五月固原遊擊趙元輔復甯州先是王輔臣作亂甯州人民逃竄四

至是趙元輔等率兵赴甯州屢敗賊於東河灘賊黨大肆屠掠而去尋又攻陷州城盤據一載焚燬殆盡

貝勒董額克秦州賊將巴三剛遁時吳三桂遣賊兵萬餘由四川平

突出應之貝勒董額分兵迎擊大敗之屢戰屢捷總兵孫思克自鞏昌率兵來會賊驚懼偽總兵陳萬策率民兵出降賊將巴三剛等遁走遂遣振武將軍佛尼勒內大臣坤巴圖魯總兵孫思克追擊於西禮等縣屢敗之遂復禮縣西和清水各城

提督張勇復洮河二州偽總兵潘瑞偽副將曾文耀竊據洮河二州番民乘隙肆掠張勇率兵至河州曾文耀先

遁乃遣土官楊朝樑攻洮州潘瑀
敗走復洮河二城番民警服歸巢

閏五月提督張勇等圍鞏昌
逆賊王輔臣遣偽副將任國治領眾三千由鞏昌東門潛入內城偽總兵陳可

鄭元經等率賊六千四門分出突圍勇率副將劉宣聖等分兵堵

勒斷賊歸路斬獲無算生擒四百餘人遊擊張大選追賊逼城中

抵鞏昌遣投誠官陳萬策謝輝入城招諭偽總兵陳可等率眾歸

六月總兵王進寶復蘭州
蘭州賊造木筏百餘將渡河道進寶沿河布政使成額率偽官百餘兵丁五千餘以城降遂復蘭州

秋七月陝西提督陳福復平遠所總兵孫思克復靜甯州
提督陳福必圖進兵平遠擊賊擒斬偽官二十二員賊二千餘旋復平遠所

時孫思克進剿平涼賊至紅寺兒大破賊眾生擒偽守備等遂復

州

八月貝勒董額等帥兵至平涼斬賊將郝天祥
定西將軍貝勒董額揚威將軍阿木達俱率兵抵平涼賊出城逆戰官軍屢敗之陣斬偽總兵郝天祥

兵防志 戎事申

甘肅新通志 卷四十六 兵防志 戎事申 異

九月平涼賊援固原副將太必圖力戰死之
平涼賊奄至固原城內甚銳提督陳福遣副將太必圖率兵擊之方戰中衛副將賈從哲

先退遊擊張元經亦走眾軍驚擾太必圖陣歿兵潰陳福遂與副

將來塔等還靈州事聞詔斬賈從哲張元經於軍前以徇調大同兵赴固原

賊復陷慶陽城陝西總督哈占尋復之
先是王輔臣遣其黨據慶陽其黨尋反正率眾投誠輔臣

怒遣偽總兵周養民率南一元率圍攻復陷其城哈占以原任知

官兵攻平涼克東關
府王文紳等俱被脅從遣人招撫文紳即擒偽總兵南一元率眾獻城安插士民三萬餘人

總兵王進寶等會剿西和賊三戰皆克
臨鞏總兵王進寶振武將軍佛尼勒靖逆將軍張勇等會

剿逆寇於西和縣三戰三捷斬獲甚眾

冬十二月甯夏兵變戕提督陳福
王輔臣煽誘甯夏兵伯亂提督陳福遇害詔副都統恰塔等駐守

靈州旋移屯黃河對岸以扼兩路要害

副將田萬頃與賊將李壽國戰於西和鳳凰山死之
先是逆藩吳三桂遣其姪之茂

屯兵西和鳳凰山總兵王進寶帥師迎剿屯軍西峪堡至是遣副
將出萬頃攻鳳凰山賊寨偽總兵李籌國迎戰於青家灣賊兵鎗
集礮矢俱發官軍不支萬頃力竭戰死賊氛愈熾既而李籌國等
夜襲進寶左營進寶用計環攻之促於党家山西崖賊大潰籌國
敗遁其黨多墜崖死

丙辰十五年春二月以大學士圖海為撫遠大將軍涖西師員勦董額
以下咸受節制初王輔臣叛上命輔臣子賁救招撫輔臣雖且

疏乞撫冀緩師期吳三桂又遣王屏藩譚洪吳之茂三路分犯秦
隴欲與平涼賊合並令雲南土司總兵陸道清率苗猓千人入平
涼助守貝勒等久無功故有是命

蜀賊吳之茂薄秦州之茂薄秦州屯踞北山斷臨鞏路秦州兵乏饑
詔將軍席卜臣佛尼勒都統赫業等分兵援
之王進寶會同佛尼勒進剿北山賊渠吳之茂迎戰
大敗之生擒偽總兵四員參將二百餘員殺獲無算

王輔臣遣賊將陳甲等犯靈州都統恰塔擊卻之
賊將李國良援秦州偽總兵李國良率賊八千餘由靜甯援秦州
詔佛尼勒同靖逆侯張勇巡撫華善等調度勦
滅秦州援賊
恢復靜甯州

甘肅新通志 卷四十六 兵防志 戎事中 兪

夏四月賊犯通渭靖逆侯張勇等大破之賊眾萬餘犯通渭縣城守
官以兵單逃入山寨賊遂
入城張勇與護軍統領傑股自伏羌進剿行至十八盤山遇
賊全隊勇急擊大破之賊敗奔追斬七百餘級乘勝復通渭

甯夏提督趙良棟招撫河東二十餘堡
撫遠大將軍圖海至平涼大破賊於虎山墩圖海至平涼越日至賊
北虎山墩相度攻取賊

眾萬餘由墩突撲官軍圖海引兵分路進擊自已至午賊眾敗奔
追斬偽總兵二人餘賊被傷及墜崖死者甚眾獲馬匹器械不可
勝計遂奪虎山墩斷其饗道俯瞰城中以破攻之王輔臣大懼
圖海令參議道周昌入城招諭輔臣遂遣偽副將謝天恩乞降

靖逆侯張勇等破賊於洛門賊奔潰張勇與蒙古都統赫業進兵洛
門編察地勢時賊聯營十一座

其南北山梁二營尤踞要害勇等議營於山梁中以分賊勢滿漢
兵各分爲二赫業攻賊南營勇自攻北營分兵堵截賊援令官兵
各攜草束填賊營壕壘忽南北營賊突出犯官軍赫業率滿兵與
南營賊戰勇率標兵與北營賊戰奮力撲剿賊敗奔人營偽汪總
兵從北路偽李將軍從南路率賊進援滿漢兵分路堵擊賊矢俱
發賊披靡不進南北山賊見有援兵據營寨殊死戰勇等鏖戰六
陣斬偽總兵等殺賊千餘獲器械無算

蜀賊吳之茂遣李黃鶯攻通渭以援平涼都統赫業戰死將軍王進

寶追賊至砥石峽大破之

吳之茂欲援平涼使偽總兵李黃鶯攻通渭赫業自洛門星夜馳至與賊戰於城南中礮陣亡賊屯城北筆架山以困城奮威將軍王進寶引數十騎自東峽口入聞赫軍敗績賊甚眾令軍士伐木曳之塵大起賊駭遁追殺數十里至砥石峽遂合官軍分路進剿大破賊眾招降偽官遂復靜甯州

六月王輔臣以平涼降

大將軍圖海復令周昌齋赦詔入平涼城詣軍門獻軍民冊又遣其子王繼貞及偽總兵蔡元等繳所受吳逆偽敕二紙偽平遠大將軍及陝西東路總管各印並諸偽劄而輔臣尚懷疑未出圖海復遣周昌及其姪侍衛保定入城温諭輔臣遂率眾出降固原偽巡撫陳彭慶偽總兵周揚名下峪關偽總兵王好問關山偽副將孔印雄及雲南土司陸道清等各率所部相繼來降苗獮兵遣回原籍平涼遂平

蜀賊吳之茂率眾宵遁

時振武將軍佛尼勒靖逆侯張勇將軍王進寶等統滿漢官兵會剿賊於秦州洛門等處賊不能支乃遁官軍追剿敗之於牡丹園又敗之於西和縣斬獲甚眾吳之茂以十餘騎遁又追剿於紅崖等處恢復禮縣

靖逆侯張勇進取階州偽總兵陳友功以城降

蒙古鄂爾多斯入邊侵掠甯花寨平羌等堡

丁巳十六年春二月西番糾吐蕃圍撒拉靖逆侯張勇檄副將楊三元

甘肅新通志

卷四十六

兵防志 戎事中

辛

統兵至起台堡千總徐承烈至清水西番遁歸

秋九月撫遠大將軍大學士公圖海自平涼巡視秦州清水一帶隘口撥滿漢官兵防守

戊午十七年春三月慶陽賊袁本秀作亂大將軍公圖海遣兵討平之

袁本秀受吳三桂偽劄糾合匪徒千餘盤踞山林乘隙作亂圖海發慶陽宜君延安三營官兵並檄奮威將軍王進寶協力合剿賊敗績夏四月追剿至衛遠溝斬袁本秀及偽副將等並殺賊二百餘級餘眾敗潰

秋八月大將軍公圖海遣諸將取兩當徽州城克之

圖海議取漢中

由棧道進甯夏提督趙良棟由徽州進王進寶與賊戰於利橋紅花鋪諸處大敗之復兩當縣趙良棟由密樹關取徽州復遣兵於黃渚關以牽賊勢遂抵密樹關連戰皆捷賊不支棄徽州遁遂復州城

冬十月將軍畢力克圖等復成縣偽副將王光生降

將軍王進寶進兵武關

進寶議取武關率兵進剿提督趙良棟敗賊於打火店王家臺等處賊敗奔追至白水江

而還

參將康調元等復階州賊敗走渡白水江

十一月大將軍公圖海遣將復文縣抵其境偽兆岷道王文衡等率眾迎降

庚申十九年冬環縣賊鄧萬才糾黨作亂官兵討平之鄧萬才糾合耿飛馬玉等作亂

四出焚掠攻破縣城戕知縣賊勢益熾玉泉營防兵駐荔家堡涇州遊擊柳生甲聞變牽賊進退嚴密防守涇州獲全會大兵攻剿一戰成擒匪亂遂平

辛酉二十年夏五月西番攻圍撒拉回部眾西番黃霸台吉攻圍撒拉殺蘇職莊回民多人土官

選死士乘夜入番營殺傷甚眾番遁出老鴉關名索添把百里無復行人靖逆侯張勇檄涼州都督楊惺率河西兵馬至河州西番聞風遁歸

辛朱三十年西夷卜吉叛發兵討滅之卜吉叛亂無常發兵討之卜吉西遁總兵官柯彩率李士達等

合兵征剿於昌甯湖滅之

乙亥三十四年噶爾丹率騎三萬入寇

甘肅新通志 卷四十六 兵防志 戎事中 至

丙子三十五年春二月

上統六師親征噶爾丹命振武將軍孫思克率陝甘兵出甯夏西邀其歸路

丁丑三十六年春二月

上幸甯夏三月辛未駐蹕花馬池癸酉

上駐蹕興武營救振武將軍孫思克速自甘州進剿丙子

上自橫城渡河丁丑

上駐蹕甯夏察卹昭莫多翁金陣亡弁兵

閏三月丙午

上駐蹕黃河西岸白塔己酉

上駐蹕黃河西船站親視八旗前鋒黑龍江兵

夏四月大將軍伯費揚古奏噶爾丹已伏天誅

五月乙未

癸未 四十二年青海蒙古內附

子戊 四十七年西固番叛文縣守備程梓率所部赴援殲賊甚眾

世宗憲皇帝 癸卯 雍正元年秋青海羅卜藏丹津叛命川陝總督年羹堯四川

提督岳鍾琪討之 羅卜藏丹津者和碩特顧實汗之孫也初青海乃

涼塞外橫侵據之以喀木糧富而青海廣漠故令子孫游牧青海

而喀木納其賦惟以藏衛二部給達賴班禪順治十三年顧實汗

卒其裔分二支在藏者為拉藏汗在青海及河套者為鄂齊圖汗

為阿拉善王尋鄂齊圖汗為噶爾丹所破阿拉善王來投 聖祖

賜以賀蘭山游牧地青海汗遂絕及 聖祖出塞青海顧實汗子

孫入台吉親入 朝時顧實汗惟達什巴圖尚存 賜爵親王餘

授貝子貝勒公爵又預平西藏功於是入家復振噶爾丹及策妄

兩世親覲青海皆震懼中國軍威不敢輕犯休養百年捍蔽西陲

雖藏中和碩特末年為策妄所覆而青海之和碩特部如故也至

是達什巴圖之子羅卜藏丹津襲親王爵從大軍入藏歸以青海

及唐古特舊皆和碩部屬而已為顧實汗嫡孫陰覲復先人霸業

總長諸部乃於是年夏誘諸部盟於察罕托羅海令各仍故號不

得復稱王貝勒公等爵而自號達賴渾台吉以統之欲脅諸台吉

奉己如鄂齊爾汗據唐古特以逆制青海親王察罕丹津郡王額

爾德尼等不從遂受 羅卜藏丹津之兵

甘肅新通志 卷四十六 兵防志 戎事申 五

秋八月察罕丹津內奔至河州 時親王戴青和碩齊察罕丹津領兵

子屬人一百四十餘名來至河州老鴉關外侍郎常壽即

令進邊居住其餘人眾合伊察桑管束邊外防守要隘

九月 命年羹堯備兵擒勦羅卜藏丹津 羅卜藏丹津攻察罕丹津

已渡黃河 命羹堯備兵

冬十月以川陝總督年羹堯為撫遠大將軍四川提督岳鍾琪參贊

軍務 初青海有大喇嘛曰察罕諾們汗自西藏分支任持塔爾寺為

遠近風靡游牧番人喇嘛等二十餘萬同時騷動犯西甯掠牛馬

抗官兵至是年羹堯自甘州移駐西甯相機行事因授為撫遠大

將軍改員勒延信為平逆將軍羹堯因奏前鋒統領蘇丹

經事頗多岳鍾琪總統綠旗土司兵丁請授為參贊大臣

羅卜藏丹津執侍郎常壽於堪布廟筆帖式多爾濟死之 先是駐西

甯辦事侍郎常壽往諭羅卜藏丹津至巴顏布拉克羅卜藏丹津云我等往

察罕托羅海會盟再議行至和爾地方忽有賊二三千突至執常

壽並劫去輜重筆帖式多爾濟憤賊

陵辱自刎而死常壽被禁堪布廟中

賊犯鎮海堡 先是羅卜藏丹津聚集各台吉肆行邊外大將軍年羹
堯令又木多總兵官周瑛率兵截其赴藏之路令靖逆
將軍富甯安調吐魯番駐防副將軍阿喇納領滿洲蒙古綠旗兵
任布隆吉爾未幾賊犯鎮海堡都統武格率兵援救時厄魯特兵
二千番賊千餘圍堡賊陸續添兵日夜轉戰參將宋可進往援賊
敗走殺厄魯特兵六百餘人並擒獲叛歸羅卜藏丹津之多巴囊
素阿旺
丹津

羅卜藏丹津攻西甯南川口尋圍申中堡守備馬有仁參將宋可進
等擊敗之 賊攻南川口官兵據申中堡賊遂圍之堡內囊素潛與賊
率兵往援內外夾攻 賊敗遁遂滅囊素

十一月賊犯北川新城 賊二千餘侵北川新城遊擊馬成輔擊之殺
破賊六營 賊敗走

大將軍年羹堯遣涼州總兵楊盡信率兵擊莊浪番 謝爾蘇厄爾布
浪基子山茨爾滿年羹堯調兵四千令涼州總兵楊盡信率之四
面夾攻斬首數百級俘獲其妻子生擒厄爾布賊首魯木受等二
人謝爾蘇賊酋坎
枉等六人斬之

甘肅新通志 卷四十六 兵防志 戎事中 三
大將軍年羹堯遣兵收復西甯北川 西甯北上北塔下北塔地數百
里皆為蒙古回子佔據丁衆糧
裕素懷異志羹堯令千總馬忠孝招撫下北塔三十六莊回目忠
孝又率兵千人往勦上北塔擒頭目阿布多吳圓厄爾克喀等斬
之餘回
就撫

賊犯永新城毀之又遣莊浪番犯張義堡
移察罕丹津於蘭州 年羹堯以察罕丹津在河州居住羅卜藏丹津
欲行劫擄乃移察罕丹津妻子屬人於蘭州時
羹堯分遣諸將攻申中歸德各堡潰其黨
羽羅卜藏丹津始懼願歸常壽請罪不許

厄魯特番賊掠新城堡西甯總兵黃喜林大破之 賊掠新城堡大將
總兵黃喜林率兵往勦羅卜藏察罕等賊殺傷奇嘉寺賊
五百餘喇嘛番子千餘獲賊目七器械駝馬牛羊無算

大將軍年羹堯條奏進勦青海事宜 一預備進勦兵丁請將陝西督
同榆林土默特鄂爾多斯巴爾庫爾吐魯番等處兵丁共揀選一
萬九千名令提督岳鍾琪等分領從西甯松潘甘州布隆吉爾四
路進勦一防守邊口土司兵二千名及西安滿兵五百名留守西
甯各邊口陝西撫標兵五百名防守永昌西安滿兵五百名防守
甘州其布隆吉爾舊有兵一千名仍留駐防至副將張成龍見領
兵五百防守巴塘其裏塘止駐兵二百請將四川撫標兵三百增

大將軍年羹堯條奏進勦青海事宜 一預備進勦兵丁請將陝西督
同榆林土默特鄂爾多斯巴爾庫爾吐魯番等處兵丁共揀選一
萬九千名令提督岳鍾琪等分領從西甯松潘甘州布隆吉爾四
路進勦一防守邊口土司兵二千名及西安滿兵五百名留守西
甯各邊口陝西撫標兵五百名防守永昌西安滿兵五百名防守
甘州其布隆吉爾舊有兵一千名仍留駐防至副將張成龍見領
兵五百防守巴塘其裏塘止駐兵二百請將四川撫標兵三百增

大將軍年羹堯條奏進勦青海事宜 一預備進勦兵丁請將陝西督
同榆林土默特鄂爾多斯巴爾庫爾吐魯番等處兵丁共揀選一
萬九千名令提督岳鍾琪等分領從西甯松潘甘州布隆吉爾四
路進勦一防守邊口土司兵二千名及西安滿兵五百名留守西
甯各邊口陝西撫標兵五百名防守永昌西安滿兵五百名防守
甘州其布隆吉爾舊有兵一千名仍留駐防至副將張成龍見領
兵五百防守巴塘其裏塘止駐兵二百請將四川撫標兵三百增

大將軍年羹堯條奏進勦青海事宜 一預備進勦兵丁請將陝西督
同榆林土默特鄂爾多斯巴爾庫爾吐魯番等處兵丁共揀選一
萬九千名令提督岳鍾琪等分領從西甯松潘甘州布隆吉爾四
路進勦一防守邊口土司兵二千名及西安滿兵五百名留守西
甯各邊口陝西撫標兵五百名防守永昌西安滿兵五百名防守
甘州其布隆吉爾舊有兵一千名仍留駐防至副將張成龍見領
兵五百防守巴塘其裏塘止駐兵二百請將四川撫標兵三百增

添防守再令署松潘鎮副將張英副都統黑色領兵一千五百名
出松潘口在黃勝關駐紮雲南提督郝玉麟領兵二千名駐紮又
木多則羅卜藏丹津等斷不敢前往巴爾喀什等處一購買馬駝
臣在陝西買馬一千匹甚不敷用請令在歸化城張家口採買或
將太僕寺上都打布孫腦兒孳生馬匹解送三千匹巴爾庫爾挑
送駝二千匹再於甘涼肅州等處採買一千五百則兵丁進勦之
時可無貽誤一貯備軍糧臣在西安慮青海有事已豫買米六萬
石將來自不至有誤一精練火器請將景山製造之火藥每駝以
一百八十斤計算賞給一百
駝於明年正月內解送西甯

十二月蒙古貝勒貝子公台吉各殺賊來歸降其脅從部落十餘萬

察罕丹津屬下厄爾克札爾固齊阿爾塔爾和碩齊拉布木貝勒
色布騰札爾察罕丹津之婿喇卜坦寨桑巴圖墨爾根戴青拉查
卜之子察罕喇卜坦旺舒
克喇卜坦等率眾來歸降

賊犯布隆吉爾參將孫繼宗遊擊孫節超與副將潘之善擊之賊大

敗賊侵布隆吉爾孫繼宗孫節超率兵進勦遇賊三千餘副
將潘之善引兵繼之併力奮擊殺賊甚眾獲器械無算

提督岳鍾琪勦郭密番賊時西甯一帶番賊俱勦滅惟南川口外郭
密九部肆行截搶乃廣行招撫沙克都爾

阿拉卜坦率三部來降其餘部落仍恣肆而呈庫浩爾賈二部暴
戾尤甚大將軍年羹堯以鍾琪所部瓦斯雜谷兵熟習山路令在

甘肅新通志 卷四十六 兵防志 戎事中 番

歸德堡將上寺東策布下寺東策布之助惡賊番勦撫兼施移師
至郭密番搜捕賊穴呈庫一部攻殺殆盡浩爾賈等部首惡俱擒
誅之盡降其餘眾

甲辰 二年春正月以四川提督岳鍾琪為奮威將軍攻黨賊喇嘛於西

甯郭隆寺克之初張家胡土克圖之胡必爾汗原任西甯東北郭隆
寺屬下喇嘛甚多素與羅卜藏丹津阿爾布坦温布

和好至是郭隆寺喇嘛忽聚兵操演約東山一帶番賊齊集拒戰
大將軍年羹堯遂遣提督岳鍾琪會同前鋒統領蘇丹副都統覺

羅伊禮布等統兵進勦未至賊眾已駐營哈拉直溝迎敵官軍直
前奮擊大敗之奪據三嶺毀其十寨副將宋可進總兵吳正安黃

喜林等各有新獲沿途焚毀七寨廬舍七千餘所抵郭隆寺山谷
伏賊千餘皆逃入洞官軍施放槍礮復聚薪縱火賊俱死前後殺

傷賊六千餘人遂毀郭隆寺
寺攻破奇嘉郭莽等寺

二月將軍岳鍾琪率兵追擊阿刺布坦等擒之鍾琪率兵出口聞巴
爾珠爾阿喇布坦奔

烏蘭博爾克即分兵三路進勦及至其地賊已逃遁遂令總兵吳
正安由北路總兵黃喜林副將宋可進由中路鍾琪與侍衛達鼐

由南路追賊副將王嵩紀成斌等各率兵搜山鍾琪追至伊克哈
爾吉阿喇布坦温布逃入山中遣兵擒之黃喜林並獲巴爾珠爾

伊克喇布坦等
收撫部落多人

涼莊道蔣洞等大破阿岡部賊番擒其首阿岡等斬之初羅卜藏丹津叛阿岡部

賊番代探內地信息年羹堯遣蔣洞等率兵四路進剿擒斬無算獲賊首阿岡囊蘇斬之

將軍岳鍾琪追勦羅卜藏丹津賊潰遁鍾琪率兵至席爾哈羅色知吹拉克諾木齊在天城察罕

哈達遂派兵往擒獲甚眾吹拉克諾木齊率三百餘人夜遁噶斯其屬下人馬被台吉益蘇克汪札爾等擒獲投獻鍾琪令率蒙兵五百赴噶斯追吹拉克諾木齊而自追羅卜藏丹津途見野獸羣奔知前有賊急麾兵進逼賊偵騎百餘殪之又殄守哈達河賊二千於是賊無哨探銜枚宵進黎明將抵其帳賊聞大軍至倉皇奔潰羅卜藏丹津乘白駝遁官兵窮追至桑駱海而還沿途斬賊八萬降男女數萬獲牲畜器械無算

涼莊道蔣洞擊破番賊於石門寺石門寺喇嘛渾囊蘇山丹等所屬羅卜藏馬賈等部與謝爾蘇厄爾

布二部逃散人等倚寺為穴肆行劫掠年羹堯令蔣洞率旗綠土司民兵分五路進發抵寺齊集奮擊殺喇嘛番賊六百餘搜寺得盛甲軍械甚多燬其寺而還

三月將軍岳鍾琪追勦羅卜藏丹津直抵賊巢獲其母以歸青海悉

平鍾琪率大軍追勦羅卜藏丹津由布爾哈屯直抵賊巢額丹訥布隆吉地方分兵赴北路柴旦木豫截賊眾逃往噶斯要路自由南

甘肅新通志 卷四十六 兵防志 戎事中

路尾追至烏蘭穆和兒賊復逃柴旦木遂選輕騎一千追逐大軍繼進沿途追擊獲羅卜藏丹津之母及其妹夫克勤克濟農藏巴吉查等至柴旦木羅卜藏丹津率二百餘人逃匿分兵追至烏蘭白克又獲吹拉克諾木齊札錫敦多卜並男女駝馬無算助亂之八台吉等亦並就擒青海悉平

夏四月副將岳起龍擊鐵布番克其寨河州口外鐵布等番寨亦青海所屬乘亂劫掠年羹堯檄

岳起龍率兵攻勦取四十一寨降三十七寨殺傷番賊二千餘獲人口牲畜甚眾

五月大將軍年羹堯遣奮威將軍岳鍾琪討莊浪涼州西甯等番平

先是莊浪謝爾蘇部番倡亂據桌子碁子等山涼州南崇寺沙馬拉木札木巴等與蒙古通連年搶掠新城張義等堡郭莽郭隆等寺逃出之喇嘛煽惑西甯納朱公寺朝天堂加爾多寺番與莊浪番賊通及大兵分十一路出納朱公寺喇嘛番眾俱降副將紀成斌張玉總兵黃喜林等分兵四路直抵加爾多寺殺賊數百餘多死於溝河遂火其寺遊擊馬忠孝王大勳等殺賊於和石溝遊擊王序吉花世雄敗賊於石門口涼莊道蔣洞殲賊於喜達堡前鋒統領蘇丹至旁伯拉夏口番賊設伏迎降丹識其詐趣兵抵賊穴殺戮甚眾守備馬光破賊於寬溝陣斬二十餘人餘賊潰奔惟莊浪衛西山西二百餘里六族番據其中而石堡城南臨大通河北倚桌子山四面峭壁惟羊腸一徑可通其東沒毛山周四百里上番數萬乘青海有亂劫饒戕官年羹堯屢勦之東閃西匿旋撫旋

甘肅新通志

卷四十六

兵防志 戎事中

翼

叛至是岳鍾琪以兵二萬討之賊狂故智盡徙老弱輜重於東山
 留驍勁備出沒鍾琪分兵二路以其半據西山之隘聲明進擣以
 萬人襲東山擒斬大半留兵據守急勒兵回攻西山賊萃石堡城
 乃夜遣死士合降番鄉導援薙躋壁潛出其背擒斬賊五千餘賊
 感乞降遣蔣洞破賊於巴洞溝土司魯華齡殺賊於天王溝前後
 搜勦殆盡賊首謝爾蘇阿旺策凌被先密寺喇嘛擒獲解送大將
 軍以先密寺番順逆無常且與基子山賊穴相連恐後復聚生事
 令移任加爾寺番多寺之外遂燬先密寺鍾琪率兵至鎮羌聞賊聚木
 茂山遣兵截擊大破之賊棄妻子遁年羹堯奏青海善後事宜
 十三條略稱一青海各部落人等宜分別功罪以加賞罰也從前
 羅卜藏丹津侵犯內地貝勒色卜騰扎爾力拒及賊犯西川南川
 嘗報信息並未出兵協助即首先投誠並引策凌諾爾布羅卜藏
 察罕等來投台吉噶爾丹戴青始終未助賊且與貝勒益蘇克汪
 札爾力戰哈拉克諾木齊又隨大兵出口效力札薩克阿喇布坦
 係察罕丹津之婿隨大軍進勦效力均應請加封爵以示鼓勵又
 俘獲之諾顏格隆乃圖爾古特台吉今已為喇嘛隨提督岳鍾琪
 軍前效力貝勒益蘇克汪札爾從前雖助逆賊後知悔過投誠擒
 賊贖罪應與投誠之公策凌諾爾布留其原封之爵以示寬大輔
 國公羅卜藏察罕台吉濟濟克札布雖經投順從前與貝子阿卜
 布坦巴爾珠爾阿喇布坦擾亂內地請革爵為民貝勒策凌敦多
 卜貝子拉查卜雖經投誠但久助逆賊應降其所封之爵以示懲
 戒一青海部落宜分別游牧居住也請照依內札薩克編為佐領
 以申約束每百戶編一佐領其不滿百戶者為半佐領將該管台
 吉俱授為札薩克於伊等弟兄內揀選授為協理台吉每札薩克
 俱設協領副協領參領各一員每佐領俱設佐領副佐領各一員
 酌添參領一員一旗有十佐領以上者添設副協領一員佐領兩員
 其每年會盟奏選老成恭順之人委充盟長不准妄行私推以致
 生事滋擾一朝貢交易宜按期定地也請自雍正三年起於諸王
 台吉內派定人數令其自備馬由邊外赴京請安進貢青海諸
 王貝勒應分三班三年以次俱以邊外為集臣選得西甯川邊外
 定以每年二月八月二年俱以邊外為集臣選得西甯川邊外
 有那拉薩拉地方請指定為集不准擅移屆期仍令總兵官飭委
 營弁領兵督守如有擅進邊牆者即行懲治又羅卜藏丹津所屬
 垂寨桑係首領先歸順之人應令於松潘口外駐牧授為土百戶職
 銜丹忠部下寨桑噶隆色卜騰達什等率領數百餘人赴松潘投
 順見在潘州應給以千戶百戶文憑一喀爾喀厄魯特之四部落
 宜不屬青海也查伊等原非被擄之人今青海諸王台吉內投降
 者咸歸仁化助逆者俱已被擒而喀爾喀內有隨大兵投降者宜
 乘此軍威遠振將不願為青海屬人之喀爾喀等照青海例編旗
 牙為佐領添設札薩克等分駐勦滅逆賊舊地情願歸本處者聽
 其自便則青海之勢可分而喀爾喀台吉等無不感恩報効一西
 番人等宜屬內地管轄也查陝西之甘肅涼州莊浪西甯河州四
 川之松潘打箭爐裏塘巴塘雲南之中甸等處皆係西番人等居
 任牧養之地自明以來失其撫治之道或為喇嘛耕種地或為青海
 屬人交納租稅惟知有蒙古而不知有廳衛營伍官員今西番盡
 歸仁化即係內地良民應相度地方添設衛營所以便撫治將番人
 心服之頭目給與土司千百戶土司巡檢等職銜分仍令附近

道廳及添設衛所官員管轄其應納糧草較從前數目請略減少以示寬大至近邊居住帳房逐水草游牧者仍准照舊游牧一青海等處宜加約束也查青海巴爾喀木藏危乃唐古特四大部落顧實汗占據此地以青海地面寬大可以牧養牲畜喀木地方人衆糧多遂將伊子孫分居此二處從前施捨爲達賴喇嘛班禪喇嘛香火方爲伊等納貢藏危二處從前施捨爲達賴喇嘛班禪喇嘛香火今因青海叛逆取此一帶地方交四川雲南官員管理達賴喇嘛向差人赴打箭鑪貿易每馱向又木多乍了巴塘裏塘居住喇嘛索取銀兩名爲鞍租至打箭鑪始行納稅請飭達賴喇嘛等不准收受鞍租並飭打箭鑪收租官員亦免其納稅再每年請賞給達賴喇嘛喇嘛茶葉五十斤班禪喇嘛減半一喇嘛廟宇宜定例稽察也查西甯各廟喇嘛多者二三千少者五六百遂成藏垢納污之地番民納喇嘛租稅與納貢無異喇嘛復私藏盜甲器械羅卜藏丹津侵犯時喇嘛等帶領番民與大兵抗衡今臣於塔兒寺喇嘛內之老成者揀選三百名給與大將軍印信執照諭令學習清規請嗣後定例寺廟之房不得過二百間喇嘛多者三百人少者十數人仍每年稽查二次令首領喇嘛具結存檔至番民之糧俱交地方官管理每年量各廟用度給發再加給喇嘛衣服銀兩庶可分別賢否地方官得以稽察一邊防宜嚴界限也查邊外自黃河入中國之處至於河州西甯蘭州中衛甯夏榆林莊浪甘州等處其間水草甚佳林麓茂密乃棄此不守以致蒙古等占據大草灘之地將常甯湖爲牧廠是以各處相通竟無阻礙請於西甯之北川邊外上下白塔之處自巴爾托海至扁都口一帶地方創修邊牆築建城堡則西番人等肆行據攘之區悉成內地又肅州之西桃

甘肅新通志

卷四十六

兵防志 戎事申

三

賈河常馬爾勒敦他拉等處俱膏腴之地應令民人耕種布隆吉爾地方修城駐兵之後可漸至富饒至甯夏險地無過於賀蘭山顧實汗之諸孫及額駙阿保等向在山後居住游牧今竟移至山前請台阿保等嚴飭所屬仍在賀蘭山後居住游牧則山前營盤水長流水等處俱爲內地一甘州等處宜添設官弁也查甘州西甯疆界相連應於此二處設立營汛至青海巴爾虎蓋池自古原係內地後竟棄爲塞外蒙古等至西藏噶斯等處必於此處經過應速取回於新設邊內大通河設立總兵一員兵三千名管轄中左右三營於大通南邊設立參將一員兵八百名大通北邊設立遊擊一員兵八百名西川邊外單陽爾斯地方移鎮海營參將駐紮兵一千名拉科閣門等處各設守備一員兵二百五十名恆鈴子地方移南川守備駐紮兵五百名南川舊營留千總一員兵一百名至西甯地方宜改設同知移西甯通判駐紮鹽池辦理稅務再河州保安堡應設遊擊一員千把總各一員兵四百名歸德堡應添設把總一員兵二百員隸西甯總兵道員管轄則蒙古等不敢覬覦番民等亦有所依仗一打箭鑪等處亦宜添設官弁也查青海多乍了地方俱隸胡土克圖管轄外其餘番衆頭目俱應給與印信勒緊與內地土司一體保障打箭鑪之外木雅吉達地方應設總兵遊守千總等官兵二千名雅龍江中渡處設守備一員兵千總二員兵五百名裏塘巴塘之吹音等處設守備一員兵二百名裏塘址處四衛應設副將一員都司一員兵一千二百名鄂洛地方各路咽喉應設參將一員兵六百名巴塘係形勝要地應設遊擊

一員兵五百名宗都地當雲南孔道應設參將一員兵一千名俱令新設之總兵統轄以爲雲南四川兩省聲援又青海所屬左格等處番人應亟移於內地再阿巴之土司頭目墨丹柱等帶兵進剿屢次建功應給與安撫司職銜不隸青海管轄又黃勝關外潘州舊城應設遊擊一員兵六百名河巴地方山河圍繞應設副將一員都司一員兵一千五百名黃河兩邊渡口應設守備一員兵二百名悉隸松潘總兵統轄裏塘添設同知一員令其管理兵糧收納番民貢賦則南至滇省北至陝省俱可援助一邊地弁兵宜歸併裁汰也查西甯地方設立總兵留兵四千即可敷用應裁五百名歸併於大通鎮屬甘涼莊浪等處其餘營汛兵丁可裁一千營遊守千把等員補入大通鎮標四川重慶川北一鎮應改設副將都司守備千把等員裁汰總兵官二員遊擊六員遵義藥州兩協遊擊各二員亦行裁汰化林副將一員額兵一千名應改爲遊擊一員留兵五百名一邊內地地方宜開墾屯種也查西甯邊境內俱屬可耕之田布隆吉爾地方見在修築城垣請將直隸山西河南山東陝西五省軍罪人犯盡行發往大通布隆吉爾等處令其開墾一番人部落宜加撫綏也今兵事已竣臣應遵旨回西甯辦理三省事務暫令奮威將軍岳鍾琪駐紮西甯留兵四千聽其管束其撫遠大將軍印信見今策妄阿喇布坦遣使請罪應俟撤回各將將軍時臣即行裁撤收貯內庫再甘肅地方黃番各部乘此軍威收聚撫綏亦可抵禦青海臣同岳鍾琪會商俟七八月馬匹肥壯時親率兵丁由西甯口外到甘肅地方招撫番民又奏請禁約青海十二事一朝見進貢定有限期一不准自稱盟長一

甘肅新通志

卷四十六

兵防志 戎事申

奏

番子唐古特人等不許擾累一喀爾喀輝特圖爾古特部落不許青海占爲屬下一編設佐領不可抗違一內外貿易定地限時一背負恩澤必行勦滅一內地差遣官員不論品級大小若捧論旨王公等俱行跪接其餘相見俱行賓主禮一恪守分地不許強占一差員商賈往過不許搶掠一父歿不許娶繼母及強娶兄弟之婦一察罕諾們汗喇嘛廟內不得妄聚議事經王大臣議奏交易之期定爲四季大通河地方不必發遣犯人餘均如所請

冬十月副都統達爾追羅卜藏丹津至花海子獲丹津渾台吉

達爾追羅

什與總兵黃喜林王嵩孫繼宗蘇圖等統領大軍追羅卜藏丹津至花海子獲丹津渾台吉及其妻子並招撫三十三家台吉

戊申六年準噶爾侵噶斯斥埃散秋大臣達爾追擊之獲遺賊益素克

辛亥九年夏六月青海原札薩克墨爾根戴青拉查卜等逃遁副都統

達爾擊降之 青海原札薩克等渡梭羅木河而遁達爾等率兵追至河濱生擒其子察罕拉布坦進攻拉卜營拉查卜畏威

迎降

乙卯十三年罷噶斯駐防準噶爾官兵 時大兵在額色爾津一帶駐防

奏准撤回每年派西甯鎮營千把四員馬兵一百名青海巡撫德齡公札薩克派佐領驍騎校各二員蒙古兵二百名防範哨探外備

蒙古兵二千名以候調遣歲以為常

高宗純皇帝

丙辰

乾隆元年春正月以甘涼西肅安西兵換防哈密

署甯遠大將軍查郎

阿奏巴里坤大兵撤後請仍於哈密駐兵五千大兵出征數年不便再行留駐應於甘涼西肅安西各提鎮兵內派出更換布隆吉赤靖等處應分駐五千於內地標營兵內輪班派往安西鎮營向有分防況守加以肅州甘涼原設戰兵及分駐涼莊滿兵以之接應口外兵力已屬寬裕原不在安西防兵之多寡俟數年後邊界大定或應量減則將布隆吉赤靖等處防兵陸續議撤哈密距安西甚遠不可無重兵彈壓此五千兵應永遠分駐以靖邊徼

仁宗睿皇帝

戊午

嘉慶三年春三月川楚教匪西竄寇階州布政使廣厚總兵

吉蘭泰禦之

川楚教匪寇階州延及文縣時賊分二路各六千人一

士龍向良恭縣廣厚等禦之於新市鎮擒斬千餘獲馬騾器械無算賊奔甯遠犯鞏昌官兵開道趨通渭殲其後隊東走秦州四月富成所追白號賊亦至秦州分屯渭河南北廣厚等多張旗幟於渭河南為疑兵以精兵二千馳掩渭北之賊賊驚潰脅從逃散者二千餘賊亂流而渡溺陷者又千餘渭南賊亦望風東竄由陽平關將竄入川恒瑞邀之復走成縣適廣厚等追禮縣藍號賊至冒雨突襲白號賊擒斬七百餘又與老回兵夾攻於徽縣又追截之於白水江各斬賊數百

甘肅新通志

卷四十六

兵防志 戎事中

堯

夏五月教匪犯兩當

白蓮教匪竄入兩當之楊家店徧掠諸村遂犯北關官民登陴嚴守藍號賊尋至南鄉閱十日

官軍抵縣賊遁

教匪犯徽縣境

白號賊入虞關蹂躪徽縣之梁家坪武家坪尋渡白水江道略陽東去時富成所追藍號賊往來階文山

管復欲渡白水江恒瑞與廣厚等夾擊賊敗渡嘉陵江走略陽與白號賊合奔川北其前隊為額勒登保大軍所殲詔以嘉陵白水二江為川西門戶令經略勒保撥兵嚴守又以富成擁兵七千專剿藍白二賊徒尾追不迎擊任蹂躪秦隴禡職違間旋留軍前効力

己未四年春正月賊酋張漢潮寇徽縣境

張漢潮自成縣入徽縣至江洛鎮榆樹壩下地峪太白凹

韓家灣焚殺最慘

夏四月賊犯徽縣城

賊犯徽縣環城數十里皆賊騎踞城下三日而退由蔡家坡至東河壩舊城等處大肆殺掠是

時賊酋楊開甲自白花川入兩當之前川進犯縣城官兵追至賊驟奔而秦州南鄉青石天水二里皆告警天水人石珙等各率團丁勤賊劫等深入被圍力戰死鹽官之高棧民團死者甚眾賊遂至北鄉民人熊友諒率眾拒戰賊潰死之侵擾徽縣之賊竄入文縣廣厚募邑勇為前隊導大軍進剿與賊戰於固軍壩關智坡黃泥匾王黑壩中寨左家壩等處屢獲小勝

五月將軍恆瑞破賊於白馬關恆瑞馳抵白馬關勦南竄賊匪派勇繞道前進遂督兵越山出賊前迎

頭截擊破之擒殺賊匪四百餘人

賊踞徽縣武家坪賊由栗亭迤南擾高棧坎姚家坪竄踞武家坪廣厚及河州總兵吉蘭泰督兵截勦賊以布為桴渡

白水竄略陽六月又至橫川入小池壩掠小河廠尋渡江去

秋九月將軍明亮等圍張漢潮於天賜山賊宵遁先是明亮恆瑞破張漢潮於留壩賊

殺馬騾塞山路由老林竄徽縣欲越洮河走階岷赴蜀明亮恆瑞慶成廣厚等四路會勦於雪水河擒斬千餘又圍之於天賜山賊

由山後懸崖縋險宵遁

冬十二月賊犯秦鞏賊由略陽渡嘉陵江西犯秦隴安肅道瑞亨守虞關賊突其營兵潰瑞亨以失印獲譴賊遂至

王家灣廩生王百斛集眾守禦敗死闔族被屠德楞泰聞秦隴勢急率兵冒雪西上賊已分寇秦鞏提督吉蘭泰革職遣戍命慶

成以藍翎侍衛赴鞏昌軍助勦

庚申五年春正月賊犯通渭縣賊自碧王鎮吳家川剽掠殘戮入東峽口至通渭縣東川見城守有備遂自雲

霧山入洛門

甘肅新通志

卷四十六

兵防志 戎事中

卒

白號賊犯清水縣把總孔登元擊殺賊酋楊開甲賊眾奔潰白號賊楊開甲

率眾萬餘入清水縣境所至焚掠轉寇秦安龍山鎮欽差大臣那彥成自隴州督兵西剿參贊某率把總孔登元夜半先至賊空

壁迎戰登元引兵擊之手槍斃開甲賊眾奔潰次日那彥成至分騎追捕賊不能北趨乃南犯伏羌復追敗之適德楞泰追王廷詔

等賊至成縣額勒登保亦力疾馳至軍乃合德楞泰回蜀恆瑞以兵三千回陝而自與那彥成分三路一邀截其入蜀二遏其北

竄時楊遇春穆克登布破張添倫等於岷州慶成等破張士龍於洮河二賊復合夜襲經略參贊大營為官軍所敗乃分兵追兩賊

匪而大軍移勒高馬二賊扼其趨階州松潘之路賊轉岷州官軍間道邀擊慶成以勁騎衝入賊隊表裏夾擊又分兵破賊伏擒斬

千七百人賊遁

二月賊入徽縣之栗亭南趨陡頭坡出境迴擾思義川

三月賊掠通渭縣榜羅什川二鎮賊入二鎮屠戮甚慘後經入里灣與官軍遇交鋒大風忽作官兵軍

火倒發自相擊傷遂敗績賊乘勢追擊陣亡兵丁千餘賊進掠馬營監探知有備從木家營而去

藍號賊張士龍等走秦州時官軍邀高天升馬學禮二賊於鞏昌皆偏回渭南而張士龍等又糾別賊由禮縣

東走秦州將趨北棧那彥成以兵五千留追高馬二賊於岷州額勒登保並楊遇春岱森保兩軍皆回陝西

欽差大臣那彥成追賊酋高天升馬學禮於文縣大破之餘賊南竄
那彥成追及高馬二賊於文縣時賊攻狼卡寨寨民萬餘岌岌拒
守賊據河岸高阜官兵以礮遙卻之軍乃濟遂分三路仰攻慶成
率勁騎橫衝賊陣為數隊賊潰奔石峽官軍扼峽口前後圍攻賊
急衝突官軍奮力迎擊賊大敗自相蹂躪擒斬二千餘人其攀崖
墜斃者屍骸徧地散其脅從千餘人餘賊南竄將入川境那彥成
以道險不利騎兵恐復蹈老林搜勦之轍乃檄總兵百祥迎擊於
龍安遂率
兵回陝

夏閏四月經略勒保遣川北鎮總兵薛大烈扼水泉關時高馬二賊
自大軍東還
後復裹脅二三千人自階文折入龍安分掠勒保督兵堵擊遣大
烈扼水泉關杜其折竄階文之路而廣厚復以甘肅兵嚴守白水
江賊不
得北渡

賊竄文縣官兵禦之敗績白藍號賊由哈南寨南繞竄至距文縣五
里之西圍官兵堵勦至榻子壩賊分股迎
戰困於當道山上矢石如雨彼此爭路擁擠落河者甚眾官兵寡
不敵眾多戰歿於此賊繞山下掠東南鄉大兵進勦餘黨悉竄入
境川

五月賊入洮州番地官軍追擊復走秦州賊由川境復折入洮州番
地路險騎踣斃者不少提

甘肅新通志 卷四十六 兵防志 戎事中 空

督七十五新愈與阿哈保敗賊於舊關及新寨等處進圍於番地
之鐵樓寨賊乘雨夜潛由卓泥土司番地北走岷州聞官軍追及
復走
秦州

六月賊竄秦州襲總督長麟軍於徽縣前四川將軍富成遊擊台清

阿等戰死經略額勒登保復追陝賊遣穆克登布由徽縣兩當擊秦
州之賊而分兵扼棧道防其折竄時長麟所追伍金柱張
士龍冉學勝等與楊遇春所追高馬二賊皆至秦州因渭河有備
不能北渡合隊順渭而東眾二萬夜襲長麟軍於徽縣之伏家鎮
官軍敗績遊擊台清阿以下將弁死者十七員陣亡兵千餘前四
川將軍富成以數騎遇賊力戰被重創敗死額勒登保檄官兵嚴
守棧道及渭河北岸復令穆克登布赴楊遇春軍
而自率慶成等馳扼唐藏與恆瑞夾擊之賊敗走

秋七月賊奔西和成縣賊竄棧道不克復折奔西和成縣楊遇春移
軍西勦而高天升等賊已合隊犯略陽沔縣

西鄉恆瑞以兵赴西鄉張士龍冉學勝伍金柱等自階州折回遇
楊遇春穆克登布阿哈保等三路會擊擒斬三千餘賊潰赴太平
河與辛聰顏勝可等合奔沔略時總督長麟亦自岷州追至與額
勒登保軍合八月慶成斬宋麻子楊遇春斬伍金柱乃以階文餘
匪令長麟督阿哈保穆克登布勦之額勒登保迎擊冉學
勝張士龍等於沔縣於是秦鞏西北之賊盡折回陝矣

丁卯 十二年春三月西番寇掠大通縣甘肅提督百祥勦之

夏五月將軍興奎等敗番賊於松布時興奎馳抵大通與青海大臣貢楚克札布會剿令西甯鎮九

十率兵勦賊於松布賊據山梁拒敵官兵敗之遂奪山梁

六月將軍興奎等擊尖木贊及沙布浪番三族破之追至章纏腦又

破之興奎等勦尖木贊及沙布浪番三族追賊自什噶干至章纏腦兩處殲賊五十餘人秋官軍破沙布浪番族焚毀賊巢餘番乞

降番目尖木贊亦來營投順 詔以青海大臣那彥成抵軍籌議善後

宣宗成皇帝道光二年春正月循化貴德野番蘊依等二十三族搶掠河

北蒙古盤踞助勒蓋克烏蘇等處

二月總督長齡調督標及各提鎮屬官兵八千餘分防進剿

三月官軍夜襲賊營連勝之擒斬剛明族目乙木旦官軍夜襲賊營連勝之殲擒賊

番數百人餘賊窮蹙奔匿雪山一帶長齡慮賊西竄令副將丁承安嚴防西北而撤甘肅提督齊慎移師南來齊慎偵知番賊窺伏

連夜率兵急進番匪依險抗拒齊慎合布官兵直衝山梁復賊餘賊散竄長齡督飭鎮將入山搜捕盡數殲除於是青海全境肅清蒙古邊氓悉獲安堵

甘肅新通志 卷四十六 兵防志 戎事中 奎

秋八月野番復掠河北先是蒙古察罕諾們汗一旗即白佛僧也牧

進剿則率屬依附及兵退則與番大肆劫掠長齡先為所愚奏請以察罕諾們汗移居助勒蓋一帶俾為防守至是復奏野番以察

罕諾們汗前引官兵進剿尋仇殺掠傷男婦十餘人又兵部於新疆文移內排出匪名揭帖言官兵勦番甫經凱撤即有賊番復出

約二千餘人分四股劫掠於是詔責長齡守各卡隘以防為勦差大臣赴西甯查辦番案彥成上疏欲先嚴守各卡隘以防為勦奏

可旋授為陝甘總督附奏稱伏查野番分族而居每族不過數百或百十人其能為賊者每族亦不過十之一二尋常即互相搶

竊彼此素不相和臣前在西甯從未聞野番聚眾百人搶掠之案迨近年以來聞野番哨聚肆掠牲畜或數百人或千人以上不等

細加查訪其中既多漢奸而蒙古之貧窮者亦隨之謀食是以人數滋多惟賊番等烏聚獸散一聞大兵雲集即紛紛竄匿深山而

黃河以北南山之下東西千里南北亦數百里不等窮谷深山而難必其搜捕淨盡大兵一經凱撤未盡餘匪又復潛出搶掠若云

計出萬全邊境又安實不敢易言至察罕諾們汗即係白佛僧亦即蒙古二十五旗之一現在各旗蒙古俱已貧窮該旗若非向結

到番分贖窩賊則應早被野番搶劫斷不能獨稱富強查該旗原牧在循化邊外後於嘉慶二年經策巴克奏准移居黃河之南窩

駭引路因此番案之多實生於此今又潛住河北為奸更便但此時移之則驅而為賊留之則引賊作賊如何辦理方為妥善容臣

至彼細心訪問籌畫再為奏辦又匿名揭帖內所稱四股賊番搶劫之案且有月日及經過地方無難確查虛實如果地方員弁明

知匿報則將該員弁嚴參示懲若地方曾經稟報而督臣長齡未經嚴辦則長齡咎無可辭事關邊疆重務斷不敢稍涉瞻徇臣出京以來即將西甯野番情形常自臆度抵陝後相距益近於曾在番地回任員弁之內留心試探所稱亦大略相同查野番各旋原以黃河為界今野番闌入河北肆行劫掠自非大加懲創不足使之畏懼惟野番搶掠祇為謀食先搶蒙古無可搶乃及內地不過鼠竊狗偷萬不值張皇辦致糜帑項且計臣馳抵西甯已交九月正在大雪封山之際亦未便議勦再四籌度惟有嚴飭各提鎮查明各卡隘山口視要隘之大小定兵數之多寡口糧柴薪照例支給亦不致於糜費派令副參等官帶兵分紮駐守仍令各提鎮來往會巡嚴密稽查如有野番闌入內地搶掠由何卡隘偷過即將防卡將弁嚴行參辦如果野番行近某卡不必重在接仗但須奪其牛羊絕其口食不勒自清至野番搶得牲畜什物帶交漢奸潛赴西甯貴德循化或甘涼等屬偷出口隘銷賣易換茶葉火藥令各口隘派有防守即就便盤查一有漢奸代為銷贖無難立破一面嚴札禁止商民出口如有私販茶葉火藥即嚴審究辦是野番缺少茶葉無以為生而火藥一斷更無所施其伎倆如此以防為勒不過半年即足制其生命况野番等本係烏合素無頭目賞罰一經受苦必不能耐久計至明年春夏之間當有窮感而生內變者屆時臣察看情形如果必須進勦再行厚集兵力痛加勦辦斷不敢因惜小費畏難苟安若野番窮感畏懼過河遠遁亦斷不敢勞師費財意涉貪功但臣離青海之任十有餘年臆度情形未敢自信統俟馳抵西甯後實在如何情形再行具奏

甘肅新通志

卷四十六

兵防志

戎事中

三

九月總督那彥成檄各提鎮增設防兵

那彥成檄西甯河州甘州各提鎮於所屬毗連番地卡隘

增設防兵禁私販茶葉火藥口糧接濟野番

守備愛隆阿追擊賊番於黑河破之

甘肅提督齊慎令守備愛隆阿率兵至邊外古佛寺等處偵防

至夾道河知番賊劫黃番牛羊即率兵急進至黑河東岸及之槍斃十餘名賊搶渡黑河溺死者無數奪獲牛羊四百餘給回黃番

番賊犯西甯窩卜圖卡遊擊丁玉桂擊擒索南木曲札等

番賊百餘人突犯西甯窩卜圖卡外委拜君朝率卡兵悉力堵禦至夜半賊退即飛報

日月山卡遊擊丁玉桂率馬步兵一百五十名追至奎天庫托番賊放槍迎戰官兵奮勇直前槍箭齊施斃賊十餘名生擒賊番索南木曲札及羣本木二名皆察罕諾們汗旗下人與喇咱族共掠蒙古者解至西甯誅之時甘涼肅河各提鎮屬撥兵分布要隘以貴德循化附近番地增兵設卡巡緝之先後獲私販糧藥軍器之漢奸及冒為野番劫掠之蒙古共二十餘案於是賊番無所接濟又不能得食遂致窮蹙

冬十一月西甯總兵穆爾岱率兵進勦察罕諾們汗降其眾

察罕諾們汗率

屬移近會亭游牧那彥成令穆爾岱率兵七百餘名進勦諾們汗不意官兵猝至伏地謝罪願歸河南原牧乃押令渡河編戶安插而各族野番亦惶懼無措乃遣喇嘛乙希多爾濟札木洛碩等論之野番聞命拜投乞宥那彥成清理戶口編置牌戶分立千百戶

以管其眾

癸未 三年春正月野番悉眾渡河歸巢

甲午 十四年春十一月督標革兵鄭萬德等作亂伏誅總督楊遇春汰標兵老弱者革

兵鄭萬德等潛聚省城山子石之斗母宮瀝血飲酒謀作亂夜半糾黨焚督署大門時變起倉猝遇春左右僅戈什哈數人皆欲扼宜門守禦遇春以前門已為火焚賊不能入必從署後繞襲乃令嚴守箭道戈什陳芝桂攜鳥槍而之鎗子遇春碎案上資杯與之須臾萬德等果登箭道垣欲入芝桂發鳥槍中萬德腹顛墜垣下餘黨潰散次晨捕同惡佛大善等置諸法

乙巳 二十五年夏六月署西甯總兵慶和追捕番賊力戰死之慶和涇州出口

會哨至金羊嶺突遇番賊慶和奮勇追捕至迤北龍溝賊番益集官兵寡不敵眾陣亡者多慶和身受重傷力竭被賊青海大臣德興以聞 詔陝甘總督惠吉星馳赴任妥辦未到任以前即着鄧廷楨酌調官兵交胡超帶往剿辦以原任西甯總兵站柱留任委差

秋七月番賊窺伺羣科分股肆擾賊番窺羣科以二千餘分股肆擾陝西巡撫鄧廷楨甘肅提督胡超

等協力攻剿先後殲斃多名賊始退胡超率兵馳抵永固各提鎮兵分駐要隘會剿 詔德興與駐丹噶爾督兵防範並合胡超督緝

甘肅新通志 卷四十六 兵防志 戎事申 番

卡內之賊以清北路站柱督緝卡外之賊以清南路

八月西甯總兵站柱敗番賊於硫磺溝腦賊奔石灰關等處番賊向硫磺溝

腦衝突總兵站柱率兵據山梁擊之殲賊甚眾賊四散竄至石灰關及噶麥打坂等處總督惠吉令沿邊營汛協力搜剿

冬十一月以布彥泰為陝甘總督林則徐以三品頂戴先行署理林

徐遂由涼州進抵西甯番賊潛匿邊外乘閒出掠

丙午 二十六年春林則徐遣胡超派兵野馬川堵賊超不應尋革職

總督布彥泰遣兵至雍希葉布番族搜捕賊番時布彥泰至總兵站柱率兵至雍希葉布

番族搜賊番族等皆願殺賊投効乃擬買易糧茶嚴禁溢額以杜接濟

夏四月總督布彥泰遣兵擊破黑錯四溝番官兵至黑錯四溝搜誅番賊東奴脫巴等黑錯

番族集馬步一千八百餘人分股迎拒斃官弁兵丁數十名布彥泰檄總兵站柱等往剿五月進至那沙莊滅力迭莊賊仍拒戰官軍分兩翼夾擊中軍用巨礮連發轟斃執紅旗番目賊遂大奔官兵連日搜剿所過番莊悉焚毀之賊敗竄匿果岔依阻險隘官兵追至復大破之拉布楞各寺僧收合散亡至營乞命布彥泰乃奏請撤兵遂出巡邊旋 奏移建營堡設卡嚴防以復舊制 布

彥泰奏疏略云貴德廳所屬西番往往偷渡河北從前設有防河官兵河勢紆互固不能周防而有賊渡河可以先得信息即報察漢托洛亥等防城互為防範後雖屢次減撤沿河尚有官兵自道光二十三年富呢揚阿奏將防河之兵全數裁撤添設將軍臺會亭子二城專恃防所堵禦遂令聲息難通於防堵並無裨益自宜仍復防河舊章請於察漢托洛亥等防城駐兵一千二百名內撥出兵六百名再於西甯河州二鎮添派兵四百名分布沿河扼要之頭岱東信忙多等渡口派令守備千把等弁分帶嚴密防守仍歸察漢托洛亥駐防副將統轄又西甯鎮屬哈喇庫圖爾營所管之南山根南山營所管之青石坡兩處山勢峻拔為野番必由總路俱應安兵駐守擬於南山根安兵一百名亦由察漢托洛亥防兵內酌撥並派千總一員外委二員管帶輪替駐守其青石坡安兵一百五十名即由該管之南川營就近撥派惟南川營額兵無多擬先由西甯鎮標照數派往亦派千總外委等員管帶駐守應請於南川營酌添兵二百四十六名在甘肅腹地事簡營汛抽撥仍歸南川營都司管轄撥定以青石坡即作為該營汛卡以歸簡易新設之將軍臺會亭子二城應統歸附近之察漢托洛亥防城管轄西甯鎮屬大通永安等營所管之都濟石打坂黑石頭等九處甘州提屬永固協等營所管之扁都口等十一處肅州鎮屬嘉峪關內紅崖等營堡所管之石灰關等大卡十六處涼州鎮屬永昌協等營所管之白石崖等十一處均屬沿邊最要口隘應派兵兵自三四十名至百餘名不等悉令照數派往常川駐守其甘州提屬扁都口外之野馬川即責成扁都口一帶營卡嚴密防範此外沿邊僻小口隘甚多勢難檣派弁兵駐守查有舊挑坑壘以退

甘肅新通志

卷四十六

兵防志 戎事中

奎

賊馬奔突仍飭令附近汛卡一體嚴防

庚戌

三十年秋九月總督琦善巡邊勦滅雍沙番族先是番族連年劫掠出沒無常甘涼

西肅均被其害至是琦善巡邊乃派兵勦捕柯柯烏蘇番賊賊遂移兵海蘭勒雍沙番族掩其不備滅之復勦黑城撤回黃喀達等番懼縛賊犯百數十名西甯東路河北各番回及循化八工撒拉均投誠而雍沙番族實未與搶劫琦善殺戮過當並波及蒙辦琦善得罪戍邊薩迎阿總督薩迎阿查

文宗顯

皇帝

咸豐元年夏五月番賊掠西甯平番等處番賊復出擾掠土民稟請勦辦總督

薩迎阿不許廩生李國棟等復控於王懿德懿德奏之詔詢薩迎阿迎阿以曾派兵至打坂賊已先遁覆奏詔復切責之時番賊百餘盤踞西甯下峽口總兵薩炳阿令守備汪永楨追捕斬賊十餘名薩炳阿復率軍督捕永昌知縣郭雲青亦會營追擊斃騎賊數名獲其馬匹器械賊始去守備趙國棟陣亡於是蒙古郡王恭木楚克集克默特以被番擾懇暫駐牧永安城外詔薩迎阿同哈勒吉那籌辦

秋番賊掠鎮羌營及古婁等堡

壬子二年春三月番賊鼠至永安城附近肆掠官兵追捕遂去

秋八月涼州番竄擾松山提督索文等破之擒賊酋阿里克公柱涼

鎮羌卡外番竄擾松山一帶糾番族二千三百餘人分股掠沿邊
牲畜四萬有奇潛匿麻黃溝內提督索文總兵雙銳副將雙來蕭
鳴章參將樂善等分路截剿賊百數十人遂冒雪窮追
四戰皆捷生擒賊酋阿里克公柱殲賊番千餘賊潰奔

癸丑 三年春三月隴西縣白蓮教匪作亂隴西縣陽坡寨有吳王氏者

雨寨民敬信暗習匪教稱爲九天仙女日則誦經夜則演法漸謀
不執寨內武生石梓胡廚子恐其株連赴縣首控知縣周必超令
捕役拘吳王氏並同黨至訊之則託言因疾誦經他無所能繼
如乞兒狀必超以爲村氓釋之吳王氏既歸愈肆煽動將派石梓
等乘夜復至縣告變適北路鄉約報稱吳王氏已糾衆登城偕
金天王必超即邀在籍前四川知縣郝嗣唐同往諭之行至馬家
堡嗣唐曰彼聞官府來且驚恐不便某請先往諭撫遂與馬夫二
名往將近陽坡堡數匪持械來撲嗣唐叱曰勿亂行我來救汝等
耳匪不聽遽加以刃立斃一僕奔還必超聞變回城議勦遂發民
勇營兵及郝氏助勇共千人進至陽坡寨吳王氏立堡聽持扇作
法天忽陰晦大風雪兵勇槍斃爲風所閉不能發官兵分作三營
爲犄角勢夜半命取緇犬血蟻槍子天曙進攻吳王氏仍作法槍
子中右手倒於堡內餘黨縱火逃出兵勇乘勢堵捕無一脫
者遂誅僞軍帥胡全業及吳王氏等十三人魯從悉省之

甲寅 四年西番至敦煌南湖兵民合禦之被傷無數遂大掠而去

甘肅新通志 卷四十六 兵防志 戎事中 矣

丙辰 六年果洛克賊番出劫嘉峪關外驛路提督索文遣兵剿捕之

丁巳 七年夏四月賊番插帳於素賴野官兵攻毀其巢穴
偵知往攻賊據雪山拒敵槍礮齊發晝夜環擊不下遂復分兵由
間道繞賊後夾攻賊敗走斬二百餘人墜崖澗雪窖者甚衆遂毀
其巢穴

帝壬 同治元年春三月四川叛番掠文縣野豬關總督沈兆霖遣

副將李玉珍等會剿之蜀番竄至文縣野豬關肆掠又結文縣白馬
坤單騎往諭陷入賊巢三日遇救得脫逆番進逼西元寨把總閻
文科率兵奮力截禦陣亡總督沈兆麟派副將李玉珍鞏秦階道
會固原洮岷各軍堵剿

秋八月髮匪窺陝右白馬關遊擊梁生輝以汛兵守鳳縣馬嶺關

兩當縣界十里 距縣城四十里

九月髮匪郭三綱陷兩當知縣姜熊等死之郭三綱率眾數千自方

關走軍仗悉以資賊賊進據楊家店盡擄其民分攻紅崖堡生輝
走入兩當知縣姜熊令收散卒助守先是姜熊自四月鳩工繕城

工未半而賊至遂與生輝及教佐各員分段守禦賊步騎入東關乃發巨礮斃騎賊數人郭逆因請講和訓導王楫典史王道平議遣耆民數人往賊營賊首王二亦上城覆議索銀幣甚夥議未決城北之賊忽乘缺垣喊登城上木石交下登者皆負傷而退踰時復灌呼奮攻西北城遂陷民團猶併力拒戰賊斬南北二門

髮匪攻掠徽縣不克而去

郭逆自兩當拔赴徽縣踞永甯鎮攻破南據舊城一股留東關治攻具未幾率悍賊自東北二面進攻知縣趙必達先募勇五百練鄉民為十一團令千總崔鳳鳴武生賀鑄教之戰至是賊填壕競渡城上石下如雨擊斃賊先鋒吳輝成又於西北隅開巨礮斃十餘人賊遂由橫川出境

癸亥

二年秋九月髮匪復陷兩當城

先是髮匪賴雲光由略陽入兩當南鄉大坪場近場有穿心石高百仞鄉民皆避寇於此賊至無所掠食即繞連雲棧由方石舖直趨縣城時官民先移居堡寨署知縣熊其光募勇屯城東四郎堡城再陷賊無所得而去

髮匪犯徽成二縣

髮匪曹燦章率大股賊由鳳縣西來與賴逆合軍復分趨西北二路北自太陽寺進犯三岔鎮西自永甯河進犯徽縣抵城下分踞東關舊城知縣古一忱選團勇二千夜出北關突賊營斬首十五級剿賊女將謝金花復選壯士出據城東蘭坪連放火槍城上鳴鼓助之賊驚走退屯十里坪越日曹逆復分賊進攻典史楊德潤率團勇迎敵至簸箕灣適兩當知

甘肅新通志

卷四十六

兵防志 戎事中

七

縣熊其光亦率所部會戰先敗賊於紅土溝口至是夾擊復大破之賊奔據山嶺徽團仰攻失利德潤伏兵自山後轉出橫擊賊遂潰奔時別賊陷成縣先誘知縣羅星點繼城出既返復縋而登懸絕墮地死教諭毛疏仰藥自盡

冬十月髮匪攻陷三岔鎮州判楊城把總馬忠臣皆戰死

十月朔賊至利橋營

都司袁學德邀擊於秦嶺次日抵三岔鎮州判楊城把總馬忠臣率眾固守賊潛穴地道置地雷轟陷南城四丈餘城等猶督團勇奮力抵拒南垣續陷三丈賊蜂擁入楊城與馬忠臣力戰皆死之城妻某氏自盡以殉居民被屠大半難民千餘皆被擄

髮匪圍攻西和縣城巡道林之望遣護西甯總兵張華援之圍遂解

賊自去兩當後分趨西和成縣十月朔攻成縣城知縣嚴厚培集民團擊卻之賊遂併向西和圍其城巡道林之望時治兵天水遣護西甯鎮張華帥所部黔勇自麻沿河赴援破賊於嚴家溝進次盧家河薛旗寨連戰皆捷進抵西和城賊方穴城設地雷官軍猝至與戰大破之賊由紙坊鎮道小川子出白馬關東走西和圍解之望遂檄張華回勦三岔賊自率秦州勁勇自康家岩進命華自黨家川進別遣把總陳得勝率勇徑趨距三

岔四十里之雙轆軸十一月賊西犯鐵嶺關之望遣勇伏山曲擊御之賊復由白花川來劫營又敗於窄峽子南溝口進軍葡萄原賊突雙轆軸別屯陳得勝據險再擊敗之張華次延豐壩遣兵伐木開徑抵秦嶺溝攻賊大壘不克乘夜由雙轆軸直擣八畝園轟

燬守壘賊入九百名平賊壘二十餘處官兵遂分三路抵三岔城

發巨礮轟城克之賊由南門奔還陝西時有土匪蒲珠樹等數十人據石角子四出搶掠之望遣親兵張魁等往捕擒十一人斬之餘黨悉散

蘭州匪徒李師亮等謀作亂皋蘭知縣鄧承偉擒誅之省城有李師亮者山西陽

曲廩生遊幕蘭州不得志結狄道匪徒王福等潛謀作亂其黨告變署皋蘭知縣鄧承偉捕獲伏法

甲子三年秋七月髮匪犯徽成兩營等縣遊擊梁生輝敗死髮匪郭刀

徽成兩營等縣護總督恩麟檄階州遊擊梁生輝督階文西因兵往禦至兩當縣簸箕灣賊從山巔蜂擁而下兵潰生輝力戰死之賊由白馬關竄獨境

八月髮匪陷階州知州沈鳳才學正張正蒙遊擊蔣榮等死之髮匪蔡二

順及偽啟王梁成幅敗於陝西率眾二萬由略陽趨白水江窺渡欲犯徽秦徽縣團勇扼江嚴守遂自堯坪入白馬關西趨階州抵城下分數道急攻城遂陷知州沈鳳才等皆死之士民殉難者無算文縣知縣常毓坤遣人赴四川告急川督駱秉章遣周達武等赴援抵階州與賊相持城不得下

九月按察使林之望遣兵援階州南路總統新授甘肅按察使林之望遣護西甯鎮張華自秦州帥黔

甘肅新通志 卷四十六 兵防志 戎事中 奕

勇赴剿營階州城南羅家堡時四川提督胡中和總兵周達武陝西總兵蕭慶高等皆率兵來援髮匪於附城三四十里內起壘數十官軍分壁東西北三面以困賊

冬十一月總兵張華擊髮匪於北山梁走之遂與川陝軍會攻至階州西門

十二月總兵張華援陝軍擊敗鐵保山髮賊林之望率勁勇由小川子至州北營野牛寺張

華遣部將張玉春潘壽林率兵援陝軍擊敗鐵保山賊遂移營石坂坡

乙丑四年春正月髮匪突圍北出林之望遣兵堵擊大敗之擒賊首蔡

四等賊突圍北出欲竄禮縣之望遣精兵率民團據峽口嶸嶺石擊之賊眾驚退改道趨東北復令張玉春開道出其前遇賊於小

河壩賊眾駭沮不前軍玉春扼險橫擊大破之殺賊千餘張華督後隊同陝軍追及之擒髮首蔡四蔡九偽大千歲五千歲孔都統等二十餘人盡以予陝軍華遂移軍西門外之望進營石坂坡二月擊破竄賊於西壕岸又敗之於北嶺一時城外逆壘盡平川軍由北山麓掘地道數里踰月始成

夏五月四川總兵周達武克復階州城髮首蔡二順敗死擒偽啟王

梁成幅等解赴成都伏誅

周達武伏地礮轟陷東西城垣急率兵奮擊城屍盈路血流成渠髮首蔡二順鬪死亂軍中生擒偽啟王梁成幅偽巡

部蔡朝鳳等解赴成都擒獲餘黨九百餘名散其脅從餘悉伏誅

六月總兵周達武勦平白馬峪各番

文縣白馬峪各番自元年為亂旋撫旋叛達武以克復階州兵

乘勝削平之柴門關各番莊及南坪城諸番悉平

秋七月蘭州香匪丁建善作亂總督楊岳斌勦平之

建善一名保極金縣過店子人

咸豐初倡邪教經官懲治而故習不改以燒香煽誘舉金靖及中衛四縣民稱為香客至是據靖遠縣屬三角城之朝陽寺為窟穴製旗槍礮械藉討逆回為名搶劫糧運總督楊岳斌率勇往勦先至過店子圍其居宅建善頭戴金箍束雙髻手執日月久率黨抗非以洋槍擊擒之俘其黨二十餘人殺百餘人進至三角城匪黨望風潰竄時陝回掠秦王川岳斌遂自靖遠濟河至北山水阜河耀兵而還

丙寅五年春三月督標兵變

先是督標中軍副將楊占鼈妄人也總督饒標兵因饑謀亂占鼈撫慰之允即發饒未幾占鼈委署涼州鎮饒不果發亦未告岳斌戒備時回烽方熾省城糧源告竭岳斌留營務處道員吳炳堃等於署自率師出省通東南糧道旋赴涇州查辦潰勇督標兵楊腹守陣日有死者兵丁王占鼈等十八人潛

甘肅新通志

卷四十六

兵防志 戎事屯

堯

聚城南二郎廟瀝血飲酒謀糾眾索糧回兵馬魁馬文等咸從愚之夜半後營兵下城求糧前左中三營兵繼之至東門外守門兵啟關納入眾兵先趨中協署副將羅宏裕方與同僚飲博達旦前道眾兵分趨縣署劫皋蘭知縣鄧承傳同集督署前時已黎明布政使林之望署按察使崇保聞變奔至營務處吳炳堃已率親兵登垣方肆叱罵之望等恐激變一面開導眾兵一面屬炳堃出門撫慰炳堃不允踰兩時許眾升樓上親兵忽開洋槍擊傷督標兵二人眾噪而起送林之望等歸署糾華林山右營兵由西門登城繞拂雲樓撲進署後各營分數路踰牆排門入殺炳堃與翰林院侍講鍾起岫及幕友委員數十人隨丁親兵皆遇害有逃入民家者復搜殺之午後守備席光斗率眾至藩署逼林之望具奏之望召原任左營參將陳應春安撫亂兵許以即日籌糧每兵先給麵一斤錢五百文使收隊登城次日之望諭紳士捐糧得市斗小麥二百石又借商人布三千餘疋運赴河口和糴以資接濟未幾標兵搜括官民騾馬立野馬隊二十餘騎守備汪際為統帶四出擄糧民間飢盜俱罄人相食死者不可勝計

夏五月甘肅提督曹克忠率兵至蘭州

先是克忠駐馬營監將遵旨進省林之望等密函趣之

至是克忠率師馳至撤守陣督標兵而以已所部代之旋檄督標兵出屯河口就糧時克忠勇丁囊橐俱攜餘糧與民交易民間始得粒食

六月總督楊岳斌回蘭州誅亂兵

楊岳斌回省查辦亂兵城內外大索三日其屯河口者調紮東崗鎮

逐隊傳訊 奏誅一百二十餘人首惡席光斗江榮王占齏等皆伏法餘釋歸伍改爲開字二營令提督梅開泰領之未幾逃散殆盡初標兵變後不復成伍五月間即募新兵入籍楊岳斌歸以新兵爲叛兵冤殺殆六七百人楚軍復私殺無數

戊辰七年冬十二月西固黑番叛都司劉福升討平之

德宗景皇帝 光緒元年秋七月循化吉六倉番匪爲亂河州鎮總兵沈玉

遂督兵剿之旋就招撫

庚辰六年春三月黃鹿壩及西固黑番反 先是楊士司所轄瓜子溝番

巫師妻名羊子滿五年五月地震時生一子僞稱活佛供奉寺宇勺羊刃節與喇嘛點紉僧哄動諸番朝拜斂錢於衆乃頭裹紅巾執刀跳舞作神語宣言活佛當有天下收集軍械脅約西固黑番四旗莊族至是先攻哈河壩武平等莊時前鞏秦階道龍錫慶駐階賑撫遂同遊擊陳再益率兵掩襲殺賊橋番隊賊潰走追至小珍莊落木山巴楞寺等處次日復復擄破黑松坪賊巢四月總督左宗棠遣道員劉璣總兵沈玉遂等各率所部進剿生擒逆首哈力古旦巴點紉及僞活佛等二十餘名訊明伏誅諸番悉平時洮州黑番爲古旦巴所脅攻阿哈壩武平等莊旋亦就撫

甘肅新通志

卷四十六

兵防志 戎事 中

辛

丑巳十五年夏五月循化寺番互攻總督楊昌濬遣兵鎮撫之

初循化拉布楞

寺僧嘉木樣爲卡家寺僧江洛捏力哇所咬誘黑錯所屬珍珠灘及沙溝屬之旦剛紅布等番歸拉布楞寺遂致啟釁至是嘉木樣與呼圖克圖糾集買吾等族馬隊四千餘騎進攻黑錯寺屬地六月焚掠黃卡勒治合各莊黑錯四溝番民集衆禦之互相殺傷而隆務昂瑣以黑錯沙溝等番舊爲隆務寺所屬遂令所轄之十二族及上下火力藏隆哇等處各調番兵援黑錯寺總督楊昌濬聞警檄河州總兵沈玉遂派馬步軍赴橋溝汛一帶相機彈壓時買吾紅布等與黑錯番戰於卡家札喜寺勒降七十餘莊欲并吞之兩番肆行殺掠及玉遂抵王家灘遣弁持諭之各番紛紛解散聽官查辦仍照乾隆五十四年定章蒙古喇嘛不得圖佔內地糧番案結之

